



BIBL. NAZ.

Vitt. Emanuele III

164

A
37

NAPOLI



1881

OPVSCVLVM

TRIBVS ARTICVLIS

ABSOLVTVM.

De Præstantia Doctrinæ SS. PP., præ-
sertim Augustini in materia Præ-
destinationis, & Gratia.

Vbi

De excellentia Doctrinæ Docto-
ris Angelici.

Ex Operibus Grauinianis excerptum.

Toti in hoc sumus, vt Sanctorum Patrum
traditionem seruemus. Ex Clero Con-
stantinop. ad Synodum Ephesinam.



Neapoli. Apud Lazarum Scorigium. 1630.
Et per Secundinum Roncaliolum. 1652.
Superiorum permissu.

OPV20VLM

11111111111111111111

11111111111111111111

11111111111111111111

11111111111111111111

11111111111111111111

11111111111111111111

11111111111111111111

11111111111111111111

11111111111111111111

11111111111111111111

11111111111111111111



11111111111111111111

11111111111111111111

11111111111111111111

ARTICVLVS I.

Ex sola Patrum doctrina, saepe Proceres Ecclesiae, Concilia, Romani Pontifices triumpharunt. Ephesina Synodus decem numero Patrum auctoritate contenta, Nestorium damnauit: minori numero etiam hæretici debellati: ex solo Augustino hostium acies profligatae.

Sola autem Patrum auctoritate, Veteres contenti, cum in Scripturis, in Concilijs non haberentur expressa dogmata, vel cum subdolè extorquerentur à perduellibus hæreticis, eos euincebant. In Concilio Alexandrino cum de diuinitate Spiritus sancti, & Christi Anima aduersus hæreses di-

A

spu.

sputatum est, non aliter hoc factum,
dicit Socrates 1. Hist. cap. 5. Quā sicut
antiquis viris visum fuit. Non enim no-
uam aliquam religionem excogitare, inque
Ecclesiam introducere, sed quæ ab initio
traditio ecclesiastica præscripserat, & sa-
pientes Christiani, certis rationibus inqui-
sierant, stabilire voluerunt. Atque ad hūc
modum veteres omnes de hac re disputa-
runt, scriptisque prodiderunt ad posteri-
tatem, Iræneus, Clemens, Apollinaris, Se-
rapion, Origenes quoque, non quasi primus
eius sententiæ author, sed mysticam de ea
Ecclesiæ traditionem interpretatus. Ad-
uersus Arium vocem consubstantiali-
tatis à Patribus acceptam in Concilio
Nicæno, vt illum confutarent, vrge-
bant: ita docet Athanas. in epist. ad A-
fros; Non suo pte ingenio verba excogitā-
tes, sed à Patribus petentes testimonia sic
scripserunt. Idem vt scribit ad Serapio-
nem

nem dicebat, *Ego secundum Apostolicam à Patribus acceptam fidem ista tradidi, nihil prorsus aliunde adiiciens.* Sic in Ephesina Synodo triumphatum, quandoquidem ei visum est, ut dicit Lerinenf. cap. 43: *Nil aliud posteris credendum decernere, nisi quod sacrata, sibi que in Christo consentiēs, Sanctorum Patrum tenuisset antiquitas.* Concilium Chalcedonense ad Patres confugit A. 5. & 6. in 6. Synod. de duplici Christi voluntate, & operatione, catholicum dogma firmatum est Patrum testimonijs, quibus, ut dicit Cano lib. 7. c. 3. *Ea solum ratione respondere se posse existimarunt, si libros deprauassent, & alia ex iisdem Sanctis testimonia vel mutila, vel etiam conficta, in confirmationem erroris adduxissent.* Omnia Concilia recensere superfluum.

2. Rom. Pontificum clara testimo-
nia. Patrum nanque authoritate Leo
magnus, Eutychem, eiusque sectatores
proscripsit, astruxitq; à Sanctis PP. cō-
sentientibus, nullos nisi impios & hæ-
reticos discrepare, ex 6. Hist. tripart. c.
20. Ioannes II. serie Patrum recensita,
Euthychianos reuicit. Innumera in e-
pistolis Roman. Pontificum, & Con-
ciliorum gestis exempla ministrantur.

3. Quid Patres? Cum Eunomius
pondus Patrum, quibus euinci videbat
sua dogmata, cerneret, illud effugium
meditatus est, vt authoritatem eorun-
dem eluderet. *Ne velitis*, dicebat, *ma-*
iori parti, nempè catholicorum, *plus tri-*
bueret, ac *multitudine vexum à falso di-*
scernere. Sic putabat vniuersitatem pes-
fundare, & mox ad Patres repellendos,
linguam armans, subdit. *Neque digni-*
tati quorundam commoti, mētem offusca-

re, vel plus his, qui præoccuparunt de-
fendendo, posterioribus aures obferare. At Ba-
silius primo contra eundem Eunom.
Quid tu narras? non dabimus plus anti-
quitati? non reuereremur Christianorum
multitudinem, &c. Ad Patrum vero cõ-
fessionem confugiens, figit gradum, ut
cũ illis ad quos idem Eunomius, sub-
dolè tamen, prouocarat, eundem con-
futaret. Subdit ergo. Nullam rationem
dignitatis eorum faciemus, qui omni spi-
ritali gratia claruerunt, quibus tu omni-
bus inimicam hanc impietatis viam, &
hostilem nuper excogitasti? sed claudentes
simul oculos animi, exterminata cuiuslibet
Sancti viri memoria, otiosam atque omni-
no vacuam deceptionibus, atq; cauillatio-
nibus tuis, mentem nostram supponemus.
magna profecto est tua potētia, si quæ mul-
tiplici artificio diabolus affecutus non est,
ea tibi solo imperio aderunt. Siquidem om-

nes tibi persuasi, traditionem fidei, quæ
præterito tēpore sub sanctissimis viris eni-
cit, cogitationibus vestris impijs postponē-
mus? Verum cum eandem fidem Patrū;
vi veritatis conuiētus, admisisset, &
tanquam adamussim, & regulam ac-
ceptasset Eunomius, sui oblitus eādē
turpissimis probris affecit. Sed illum
rursus aggreditur Basilius, & pugnan-
tia loqueretur Eunomius, quippe qui
adamussim vocat, & quo fidem laudat,
eo conuenire cum pijs Patribus videatur:
quo autem rursus ipsam carpit, eò aditam
sibi ad oppositionem eius subaperiat. Qua-
propter eandem Patrum fidem, & regulā
appellat, & certioris indigere additionis,
confirmat, quod summæ ignorantie signū
dicerem, sicuti gratum fortē putarem etiā
hoc subostendere. Regula enim, & amus-
sis, ò doctissime tu, in quantum nihil eis
deest, ut sint huiusmodi nullam accessio-
nem

nem suscipiunt: nam cui aliquid deest, illi additio congruit: quæ ut imperfecta sunt, nunquam rectè amissis, ac regulæ appellabuntur nominibus. Simpliciter ergo, & ad hominem, cum Patrû sensus sit regula fidei, & critirion quo, & etiam ad hominem, ut fatebatur Eunomius, ubi scripturæ testimonia non habemus, vel eius intelligentiam, solo Patrum consensu, veritatem consequi possumus, & hæreticos reuincere, & debellare.

4. Hac amissi quoquè contentus Nazianzen. 2. de Theol. dicebat. *Nobis satis est, quodd nemo ex his, qui diuino numine afflati sunt ex Patribus illis, & Magistris nostris, hanc sententiam hætenus, vel pronunciauit, vel pronunciatam approbavit.* Hinc August. in sola Patrum authoritate quiescens, satis putabat (ut re vera erat) Pelegianos confundi, post enim allata testimonia Cypriani, Hil.

Ambrosij , &c. contra dicta Iuliani sic dicit . *Ego à tenebris Pelagianis , ad hæc tam clara Catholica lumina prouoco . Tu responde quid facias, dic quo confugas? ego à Pelagianis ad istos (nempè Patres) Tu ab istis ad quos? quasi appellationem intercludens . Qui si à Patribus, iam appellent ad Ecclesiam, tanto magis firmatur Patrum authoritas , cū Pontifex tanquam regula animata , & critirion quod, Patrum regula, tãquam critirio quo, decernat, & controuersias finiat, & perduelles Nouatores proscribat.*

5. *Quòd si traditione uti opus est , nō enim omnia accipi possunt è scriptura , vt dicit Epiph. hæres. 61. cum sola traditione multa dogmata accepta , & definita sint, sola quoque Patrum authoritate, definire Ecclesia potest, & de hæreticis triumphare , in quorum monu-*
men-

mentis magna pars traditionum exarata inspicitur : tanto enim fœdere traditio cū sensu Patrum nectitur , vt qui vnum labefactare conatur, alterius fidē quatiat necesse est . Hinc Basilius ille penitens in vij. Synodo Act. i. anathematismo 1. sic dicit . *Qui doctrinas SS. PP. & traditionem Ecclesiæ contemnunt, quique causantur, & voces Arii, Nestorii, Eutychis, & Dioscori iactant, dicentes, q̄ nisi satis ex veteri, & nouo testamento instructi essemus, SS. Patrum, & Catholicæ Ecclesiæ traditiones sequeremur, execratio.*

6. Compendiosissima ergo via est, cum insurgunt hæreses, solam Patrum authoritatem vrgere, cum scripturæ nō suppetunt , vel scripturas extorquent, quando Ecclesiæ procures, & Patres ea vti noscuntur. Cum Imperatori Theodosio à Neſtario persuasum esset (vt refert Sozomenus lib. 7. c. 12.) vt ad-

uer-

uerfus hæresum Principes quosdam (iā
enim celebranda erat Synodus Con-
stantinopoli) disputaretur, & ad illud
munus Sisinius deligeretur, perbellè à
Sisinio responsum est, institutas cū Se-
ctarijs disputationes, rixarū, & pugna-
rum potius fomites fore, eo verò reme-
dio vtēdum, quod ignem extingueret,
vt vocatis factionum authoribus quæ-
reretur, reciperent ne eos, qui ante Ec-
clesiæ distractiones scripserunt, videli-
cet interpretes, & DD. vt si reiecissent,
ipsi quoque tanquam refractarij, & he-
retici manifesti excluderentur. Sin au-
tem, iidem in medium producerentur,
& per eorum dicta, dogmata discuterē-
tur. Proposito igitur Sectarijs, num Pa-
tres recipiendi? cum olfacerent quid
sibi vellet Imperatoris percontatio, nō
modica orta est inter illos dissēsiō; qui-
dam enim Patres recipiendos, alij non

reci-

recipiendos voluerunt. Explosis igitur
repudiantibus Patrum auctoritatem,
& remanentibus, qui Patres accepta-
runt, cuiuscunque sectæ libelli (postu-
lantibus id Catholicis) producti sunt, &
constituta die, ubi libelli prælecti sunt;
ij probati, qui cum Patrum doctrina
conueniebant, ij explosi, qui contro-
uersam, & aduersam doctrinam conti-
nebant. Hoc modo ex sola librorum
SS. Patrum inspectione, breui veritatis
compendio de hostibus triumphatum.

7. Non dissimilem praxim seruare
voluit Theodora Augusta, cupiens .n.
perturbationes ab Iconomachis exci-
tatas sedare, omnemq; operam impen-
disset, vt Constātinopolitana Synodus
indiceretur, ad hæreticorum perueiciā
retundendam, id vnum postulauit, vt
praxim veterem, tritaq; vestigia seque-
rentur orthodoxi, nimirum vt Patrum

authoritatibus, dogmata confirmarēt,
quas in eorum monumētis reperissent.
Indicta igitur dies, vt per Patrum do-
cumenta, controuersię finirentur. Om-
nis igitur generis multitudo in Palatiū,
vbi coetus congregandus erat, conue-
nit, tū eorum, qui sanam mentē con-
seruauerunt, & obsequium erga catholi-
cam, & orthodoxam fidem, quā eorū
qui cum pietatis hostibus consenserūt,
& hæterodoxis manus dederant. Pa-
trum libelli producti, & ijs sacrarum
probabatur imaginum cultus. Eò res
deuenit, vt qui sanctarum imaginū cul-
tum reijciebant; reiectis potius, & ex-
sufflati, & anathemati subiecti fuerint.
Hæc ex Theophane, oratione in sanctū
Nicephorum.

8. Hinc meritò, saluo cōducto Pro-
testantibus dato, sacra, & œcumenica
Tridentina Synodus, nedum solis scri-
ptu-

pturis, & alijs Conc. documentis, sed etiam ex traditionibus, Patrum cōsensu, voluit controuersias tractari, nec .n. omnia ex scripturis accipi poterant, & multa non nisi ex traditione sola, soloque sensu Patrum dogmata habentur, & prædicantur.

9. At ne in maiorum sententijs perscrutandis, & testibus adhibendis, in infinitum aberrare contingat, numerū quoq; adhiberi solitū in iudicijs ecclesiasticis, in mediū proferimus, quo contenti Episcopi, in Cōcilijs legitimè cōgregatis, dogmata p̄scripserunt, errores p̄scripserūt. Exēplis res demonstratur. In Conc. Ephesino, dum nouella Nestorij præsumptio damnanda consultaretur, producti sunt testes subsequentes, ex Oriente S. Petrus Alexandrinus Doctor præstātissimus, & Martyr Beatissimus, Sanctus Athanasius eiusdem

Ciui-

Ciuitatis Episcopus confubstantialita-
tis filij Dei accerrimus Hyperaspistes :
duo illa lumina Cappadociæ , Grego-
rius Nazianzenus, & Magnus Basilius:
Gregorius quoque Niffenus fidei inte-
gritate, & sapientiæ merito, Basilio fra-
tre digniffimus . Ex Occidente produ-
cti duo Summi Pontifices, quorum E-
pistolę in Synodo illa lectę sunt, & ne
tantum caput orbis testimonium red-
deret veritati, latera quoque illi adiun-
cta sunt ; nã à Septentrione S. Ambro-
sius Mediolanensis Episcopus, à meri-
die S. Cyprianus Episcopus, & Martyr
gloriosissimus. *Hi omnes, ait S. Vincē-
tius Lerinensis cap. 42. Sacrato Decalogi
numero, Magistri, Consiliarij, testes, iudi-
cesq; producti, quorum beata illa Synodus
doctrinam sequens, credens testimonio, obe-
diens iudicio, absque tædio, præsumptione,
& gratia, de fidei regulis pronunciauit.*

Quam-

Quamquam multo amplior maiorum numerus adhiberi potuerit, sed necesse non fuit, quia neque multitudine testium, negotij tempora occupari oportebat, & decem illos non aliud ferè sensisse, quàm cæteros collegas suos nemo dubitabat. Decē ergo Patrum testimonium, satis, superque sufficere S. Synodus adiudicauit, tum ne tempus tereretur in euoluēdis aliorum Patrum monumentis, nec enim id erat necesse, tūc etiam quia quod illi decem sentiebant, argumentum certissimum erat, cæteros collegas, qui allegari poterant, sensisse, & in eodem Patrum decalogo totius Ecclesiæ sensus imago satis exprimebatur, & propterea non vnius, vel alterius Prouinciæ Patres adducti, sed ex omnibus quatuor partibus orbis, vt omnes partes orbis idem sensisse in suis Præsulibus, qui pro eis loquebantur, tanquam legitimis.

in his procuratoribus in illis comitijs manifestissime appareret : insuper ne aduersarijs calumniandi locus pateret, vnius, vel alterius Prouinciæ, vel testes voluntarios, & ad gratiam loquentes fuisse productos. Vnde S. August. hanc viam criminationis Iuliano Pelagiano præclufit, qui cōuictus testimonijs Patrum Occidentalium, ad Orientales quoq; Antistites prouocauit (quod et fecerunt Lutherani ad Græcos confugientes, meritò à Hieremia Patriarcha explosi) quibus sic respondit August. 1. contra Iul. cap. 2. *Non ergo est, quod prouoces ad Orientis Antistites, quia & ipsi utique Christiani sunt, & utriusque partis terrarum fides ista una est, quia, & fides ipsa Christiana est* : vnde illi condescendens, ad monstrandum etiam Orientalium consensum, Nazianzeni, Basilij, & aliorum quatuordecim produxit

xit testimonia.

10 Satis quoque fuisset in eodem Concilio solius Iulij, vel solius Felicis Rom. Pontif. auctoritatem adduci, ad monstrandum Ecclesiæ vniuersalis cōsensum, ex documentis S. Augustini, qui flagitanti testimonia Oriētis, sic eidem occurrit. *Puto tibi eam partem orbis sufficere debere, in qua primum Apostolorum suorum voluit Dominus gloriosissimo martyrio coronare, cui Ecclesiæ præsentem B. Innocentium si audire voluisses, iā tunc periculosam iuuentutem tuam Pelagianis laqueis exuisses, Quid enim potuit vir ille S. Africanis respondere Concilijs, nisi quod antiquitus Apostolica Sedes, & Romana cum cæteris tenet Ecclesiā? Sed vt plausibilior esset definitio, cum radice fidei, Romanorum Pontificum doctrina, cui vniuersus Christianus orbis communicabat, producti sunt collate-*

B rales

rales rami totius Orbis, vt ostenderetur cum matrice Ecclesiæ coniunctos eadem tessera, & consanguinitate doctrinæ.

II Ceterum, vt rectè aduertit egregius fidei defensor noster P. F. Petrus de Sotomaior in lib. defensionis Catholicæ confessionis contra Brentiū c. 19. *Non semper est necesse tali numero addici Patres in Concilijs, vel Summos Pōtiffices extra Concilia, sed tunc (ait) cum duos, aut tres, siue plures Patres consonè aliquid afferentes adducimus, satisfactum credimus ad probandum Ecclesiæ consensum, ex duorum, vel trium testimonio, præsertim cum aliij non contradicant, aut quia de ea non loquuntur, aut quia obiter, & obscurius.* Hæc ille. Quæ doctrina tā celebris viri, (qui fidem illustravit in Tridentino Concilio, eò missus, vt Pōtificis Theologus, & dignus fuit Hosia-

no calamo, ab impijs vindicari) ne maiorum exemplis destituta videatur, diligenter ex Sanctorum auctoritatibus munienda. In promptu est auth. S. August. lib. de bono perseverantiae c. 18. vbi cum praemisisset, contra praedestinationem Sanctorum, quam secundum scripturas sacras ipse Sanctus ex doctrina Ecclesiae defendebat, neminem, nisi errando disputare posse; ad probationem veniens; sic dicit cap. 19. *Puto tamen eis [hoc est Pelagianis] qui de hac re sententias tractatorum requirunt, Sanctos, & in fide, & doctrina Christiana laudabiliter diffamatos viros, Cyprianum, & Ambrosium, quorum tam clara testimonia posuimus, debere sufficere ad utrumque, id est, ut gratiam Dei gratuitam, sicut credenda, atque praedicanda est, per omnia praedicent, & infra. Sed his duobus, qui sufficere debuerunt, Sanctum Gregorium addamus, & tertium,*

qui, & credere in Deum, & quod credimus
cōfiteri, donum esse testatur. cap. vero 20.
sic concludit. Quamobrem si & Apostoli,
& Doctores Ecclesiæ, qui eis successerunt,
eosque imitati sunt, utrumque faciebant
.i. & Dei gratiam, quæ non secundum me-
rita nostra datur, veraciter prædicabant;
& piam obedientiam præceptis salutari-
bus instruebant; quid est, quod inuicta vio-
lencia veritatis rectè se isti nostri dicere
existimant?

12 Cernis pie lector Augustinum
docentē, duos, vel tres grauissimos Pa-
tres sufficere, vt legitimos testes ad Pe-
lagianorum errores retundendos: & vt
perpetuò in ea mansisse sententia Au-
gustinum agnoscas, de eiusmodi suffi-
cientia lege quæ lib. 1. cap. 1. contra lu-
lianum inculcat, nā post adductas au-
thoritates Gregorij, & Basilij aduersus
Pelagianam hæresim; negantes origi-
nale

nale peccatum, sic ait. *Vide iam utrum
sufficiant tibi ex Orientis partibus, duo isti
tam insignes viri, & tam clara præditi sã-
ctitate, & sicut fertur, etiam in carne ger-
mani.* Orientis vero partes recenset ad
hominem arguens, quia fortè auidius
Orientales, quàm Occidentales Patres,
Pelagiani recipiebant, quod etiam ex
eodẽ S. Augustino colligitur, post enim
allegationem multorum Patrum Lati-
norum, contra eosdem Pelagianos sic
inuehitur. *An ideo contemnendos putas,
quia Occidentalis Ecclesiæ sunt omnes, nec
ullus in eis est commemoratus Episcopus
Orientis?* Propterea ex Oriente Grego-
rium, & Basilium produxit, vt ex hoc
binatio numero Pelagianam hæresi in-
reuinceret. Et post adductam authori-
tatem Gregorij Nazianz. & aliorum
Patrum, ad solum Gregoriũ se restrin-
gens dicit. *An tibi parua in vno Grego-*

rio, Episcoporum Orientalium videtur authoritas? est quidē tanta persona, vt neq; ille hoc, nisi ex fide Christiana oībus notissima, diceret, nec illi eū tā clarū haberent, atq; venerandum, nisi hæc ab illo dicta, ex regula notissima veritatis agnoscerent.

13 Ergo vbi ex notissima veritatis regula, Pater aliquis grauiissimus dogma aliquod traderet, vel ex consensu Ecclesiæ loqueretur, vel per eius dicta Ecclesiæ eiusdem sensum, atque consensum demonstraret, tantæ authoritatis esset, vt merito ab omnibus, vt incorruptus testis, atque sufficiens ad faciendam fidem suscipiendus, atque suspiciendus esset. Sed & cum idem Pelagianus diceret, Ecclesiam Catholicam Filij Dei sponsam in Africa constupratam, & à latrocinantibus proinde eruedam (sic enim Catholicam fugillabāt impius) vt constupratores, & latrones

potius Augustinus reuincit hæreticos,
& vnius Cypriani clypeo se tuetur, di-
cēs. Ideò ne latrocinamur ex Africa, quia
vnum martyrem hinc opponimus Cypria-
num, per quē probemus antiquam nos de-
fendere fidem, contra vestri erroris vanā,
profanamque nouitatem? Et postea. Vide
quæ monstruosa, & furiosa dicas contra
antiquissimam Catholicam fidem, non ha-
bendo quid dicas, & mox ostendens ex
vno Cypriano eandem fidem probari,
ait. Sed quantumlibet tergiuerseris ò hæ-
resis Pelagiana, quæ cōtra muros antiquis-
simæ veritatis, nouas construis machinas,
nouas moliris insidias, Pænus disputator,
quod me contumeliosè, tuus defensor ap-
pellat, Pænus inquam disputator, non ego
sed Cyprianus, Pænus te hoc vulnere Pæ-
nus; immolat & pœnā scelerato ex dogma-
te sumit. Metrum Virgilianum in Mo-
nomachia Aeneæ cum Turno ad Mo-

nomachiam Cypriani cum Iuliano, mi-
ra dexteritate, & concinnitate transmu-
tans, Et ex hac Monomachia vnus ta-
men grauis Doctoris, prostratum Iu-
lianum ostendens Augustinus, sequi-
tur. *Quid si tot Episcopos ex Africa no-
minassem? quot ex alijs orbis partibus no-
minaui, aut quid si in eis plures Afri es-
sent? Vnus hinc est, ceteri aliunde, quo-
rum ab Oriente, & Occidente consensione
confoderis, & tamen tanta obstinatione
cæcaris, vt non videas te potius velle cor-
rumpere antiquum Ecclesiæ decorem, .i.
antiquam fidem, tanquam Saræ aniculam
pulcherrimæ castitatem. Item lib. i.
contra Iulian. Hieronymi testimoniū
vrget, non vt vnus hominis, dicens.
Hic vir omnes, vel pene omnes, qui ante
illum ex vtraque parte Orbis de doctrina
Ecclesiastica scripserant, legitur, nec aliā
de hac re tenuit, prompsitq; sententiam.*

14. Et S. Basilius suam profiteba-
tur esse Ecclesiæ fidem, Gregorij testi-
ficatione confirmans. *Fidei vero no-*
stræ, quæ poterit esse euidentior probatio,
quàm quod à nutrice beata fœmina,
quæ ex vestro gremio progressa est. Ma-
crinam dico illustrem illam educati su-
mus, à quâ & Beatissimi Gregorij verba,
quæ memoriæ beneficio ad illius vsq; eta-
tem seruata, ipsa retinuit, edocti sumus.
Quibus illa nos adhuc infantes, tanquam
pietatis dogmatibus, finxit, ac formauit.
Vide suffecisse Basilio vnum patrem
Deiloquum ad fidei Catholicæ proba-
tionem. In Concilio Florentino tres
sessiones habitæ sunt, nempe 20. 22.
23. ad inuestigandû vnius Basilij sen-
sum. In Concilio Chalcedon. Act. 1.
vnius Cyrilli dictum diligenter expen-
sum: in 6. Synodo Act. 7. vnius Dio-
nysij Act. 9. alterum Cyrilli, & Act. 12.

vn̄um Mennæ testimonium. In 7. Synodo Act. 3. vna Chrysofomi periodus appensa, ibique dictum. *Sanctus Ioannes oris aurei talia dixit de Iconibus, quis audet dicere quidquam contra? In Concil. Chalced. Act. 1. Quis poterit nostri Patris Cyrilli reprehendere voces?*

15. Vn̄um ex aduersarijs pro nostra veritate tuenda Caluinum adducamus, qui lib. 3. institut. c. 3. sect. 10: in materia de iustificatione, sic dicit. *Neque opus est multum inuestigando laborare, quando vnus Augustinus sufficere ad id potest, qui fideliter, magnaue diligentia omnium sententias collegit, ex illo igitur sumant lectores, si quid de sensu ambiguitatis, habere certi volunt. Ergo quando vnus Pater testis est sufficiens, & indubitatus antiquit̄s traditæ fidei, firmissimum præstare argumētum, vel ipsorum aduersariorum iudicio nouimus.*

mus. Ad vnus quoque Patris authoritatem se restrinxit Iuellus in concione ad Crucem D. Pauli habita, & apud Humfredum in eius vita impressa anno 1579. pag. 125. qui loquens de 27. articulis ab ipso enumeratis, ait. *Quod ante dixi nunc repeto, libens me submittam, & palinodiam canam, si modo vnus quispiam aduersariorum nostrorum eruditum, de nobis loquitur, vel omnes simul sumpti viuentes, proferre possint, vel vnā aliquā dilucidā sententiā, ex veteri aliquo Patre, vel Doctore, vel generali Concilio, pro tempore 500. post Christum, annorum, quā vel vnus aliquis articulus ex 27. à me propositis, probetur.* Simul etiam protestatus est, se nō hęc feruore aliquo percitum, sed simplicis veritatis intuitu commotum, asserere. Vnde Vvitak. resp. ad Campianum rat. 5. pag. 90. sic dicit. *Audi Campiane quam,*

quam, ea die, Iuellus vocem verissimam,
& constantissimam emisit, quo ad tempus
sexcentorum annorum prouocauit, vobisq;
obtulit, vt si vel vnicam ex aliquo Pa-
tre, aut Concilio claram, & dilucidā sen-
tentiam afferetis, non recusaret, qui vobis
palmam concederet, & est nostra omnium
professio: idem omnes pollicemur, fidem
non fallemus. Vni ergo Patri Deilo-
quo fasces submittere, tanquam legiti-
mo antiquitatis testi, confitentur No-
uatores, suisq; cuniculis proprias mu-
nitiones infringunt, dū nedum p 600.
annos, sed per sexdecim secula decur-
rētia pro vnoquoq; dogmate, nedū vnū
aut alterum, sed myriades Patrum fa-
crorum dogmatum testes, & conserua-
tores, ne dū nostri: sed & sui recensent
Centuriatores, aliās Patres proscinden-
tes, & reijcientes, & veluti calculorum
subductione, & inuersione imperitos
oble-

oblectantes, atque fallentes. Par erat
(vt in simili dicit S. Nazianz. aduersus
Apollinarium) vt quod vel accusant,
non facerent, vel quod faciunt, non accu-
sarent, si modo sibi ipsis saltem constare
proponerent, ac non & sua, & aduersa-
riorum dogmata commemorare. Talis ni-
mirum est uetordia, & secum ipsa, & cū
veritate pugnat, vt nec in se ipsos reuolui
sentiāt, nec erubescant. Ita vt si in arenā
descēdāt, quoquaq; versus, vinci neces-
se sit, siue fugam, reiiciēdo Patres, me-
ditētur, siue in acie stādo eos acceptēt.

16. Quanti vero vnus Augustini
authoritas in Ecclesia habita sit, in ma-
teria dogmatica, præsertim in materia
prædestinationis, & gratiæ, ex epistolis
decretalibus Cælestini, & Hormisdæ, &
Gelasij, cernere possumus; idem appa-
ret ex decretis Conciliorum Mileuita-
ni, Arausici, & nouissimè Tridenti-
ni,

ni, vbi doctrina Augustini in Canones
redacta est, nec enim veluti priuatè lo-
quentem, Pontifices, & Cōcilia depre-
henderunt, sed ex publica fidei regula
differentem, nec ynquam Orientales,
& Occidentales Episcopi, ipsaq; sedes
Petri, viuentis, & mortui August. au-
thoritatem magnificissent, si non ex
publica regula edocentem agnouissent.
Certissimum vero est Romanam Se-
dem, nihil firmare, nisi quod cum cete-
ris tenuit, & tenet Ecclesijs. Quare vt
impium reputatum est, & reputatur,
Ecclesiæ Catholicæ sensum respuere,
sic Augustinum ex Ecclesiæ sensu lo-
quentem, eiusdemque calculo appro-
batam doctrinā respuere, securum ve-
ro non contraire. Cesset ergo oppu-
gnare, dicit S. Prosper lib. contra Col-
latorem. *Qui in hanc austeritatem, su-
percilium tam tetricæ frontis se armavit,*

ut mensuras sensuum, pondera locutionum, numeros syllabarum tanquam insidiosus scrutator euentilet, magnumque se aliquid conficere præsumpsit, qui catholico prædicatori, notam erroris affigat? quasi incognitum aliquod opus, & quod hætenus latuerit, impetatur, cum ille his moribus lanietur, qui nouorum hæreticorum commenta disiecit, & diabolicum tumorem Pelagianæ elationis elisit. Sed de hac re redibit sermo inferiùs, cum S. Augustini doctrinam ab impugnatoribus vindicabimus.

17. Interim ponderandum, quod quidā πατριπαινεύς (qui Patrimaternitatē, vel Matripaternitatem introduxit) scripsit, quod hoc ordine authores suscipiendi. Primo ait. *Scripturæ, Concilia, & Decreta Sedis Apostolicæ recolantur.* Secundo, *Patrum, & exempla Sanctorum.* Tertio, plurium Seniorum consen-

sensus vnius Prouinciæ examinetur. Quod
si plerique seniorum Prouinciarum omnium
conueniant, & conspirent, pluris facien-
da est opinio, quæ ex illa concordia nasci-
tur, quam quæ ex octo, vel decem Patrum
testimonio, oriri consuevit, lib. 4. tract. 4.
c. 10. Elucid. Et quantum ad primum,
& secundum locum, nullus Catholicor-
um dubitat. Quantum ad tertium,
expressè illi contradicit Ephesina Sy-
nodus loco supra citato, quæ decem Pa-
trum autoritate tanquam sacro de-
calogi numero (ex Lerinenfi supra al-
lato) decreta formauit contra Nesto-
rium, nec illis contradixit, sed secundum
illos, de regulis fidei pronunciauit. Iu-
dicent censores fidei, dato hoc princi-
pio, quantas gratias agerent Consisto-
ria Nouatorum vnius Prouinciæ, vel
omnium, si daretur eis licentia contra
octo, vel decem concordēs Patres, sua

pla-

placita defendere. Iam vero, vt scripsit
idem Lerinensis cap. 4. *Si nouella con-
tagio, non iam portiunculam tantum, sed
totam pariter Ecclesiã commaculare con-
tur, quod nam remedium adhibẽdum?*
an senes Prouinciarum adhibendi con-
tra Proceres Ecclesiæ? minimè. Nam
& multos producebant Ariani, & alij
hæretici: *Sed tunc*, subdit idem San-
ctus, *prouidebit Catholicus, vt antiquita-
ti inhæreat. Quod si tale aliquid emergat,
vbi nihil huiusmodi reperiatur? tunc da-
bit operam, vt collatas inter se Maiorum
consulat, interrogetque sententias.* Non
ergo senes quærendi Prouinciarũ, ad-
uersus Patrum venerandam caniciem.
Clavis putei abyssi, vnde teterrimæ
errorum tenebræ possent exhalare, in
profundum maris abijcienda.

ARTICVLVS II.

*Quantam auctoritatem doctrina
S. Augustini in Ecclesia Catho-
lica sibi vendicat, maximè in
materia prædestinationis, &
gratiæ.*

Calumniæ impostorum.

Nondum Augustinus è viuis ex-
cesserat, & opuscula eius maxi-
mè, quæ pro gratia, & libero scripsit ar-
bitrio, oppugnari cœptum est, vt patet
ex Epistolis Prosperi Aquitani, & Hi-
larij Arelatensis ex Gallijs ad Augusti-
num directis, quibus respondit libro de
prædestinatione Sanctorum, & de bo-
no perseuerantię tanta animi modestia
cupiens emendari, & doctiorem fieri,
vt temeritatem insultantium superera-
ret.

ret. Occasio turbulentia fuit, quod cum Gallias Sancti Augustini scripta penetrassent, Pelagij studiosi (inter quos Cassianus presbyter Ecclesiae Massiliensis recensetur) carpere, & acriter infectari coeperunt. Alij damnata haeresi Pelagiana, adeo inuerecunde oblequebantur, ut eum Ethnicismi, & Manichaeismi insimularint; contra quos Prosper. lib. de lib. arbitrio forte certamen iniuit, eos debellando. Rursus Galliarum quidam presbyteri bellum, quod adhuc viuentis Augustino aggressi fuerant, instaurarunt, quindecim obiectiones contra Augustini libros editos aduersus Pelagianos; formando. Sed & Vincentius quidam, priuato certamine priuatam rem agens, sexdecim pariter obiectiones produxit. Camillus quoque & Theodorus Genuenses presbyteri, decem dubia opposuere. Verum nescia

humana mens, semel regulas veritatis
transgressa, sub repagulis modestiæ con-
tineri, eadem opera Augustini auda-
cius impetere verita non est, vt coege-
rint Hilarium, & Prosperum ad Cæle-
stinum Romanum Pontificem festina-
re, vt obturarentur ora loquētium ini-
qua. Inter hos quoq; S. Seuerus Sul-
pitius fuit pelagiana fuligine respersus,
vt dicit Baron. anno 431. num. 190.
licet postmodum pœnitens sancto fine
quieuerit. De his cōtradictionibus scri-
psit Fulgentius de prædestinatione ad
Monimum lib. 1. dicens se non igno-
rare (*etiam præterito tempore*) illi lacu-
lentissimo S. Augustini operi, quod scrip-
sit de prædestinatione Sanctorum à qui-
busdam Gallis obiectum. Infamauerunt
cum etiam nedum in prædestinationis
arcano; sed etiam in gratiæ assertione,
dicendo, eum liberum arbitrium peni-
tus

tus submouere, & sub gratiæ nomine
necessitatē prædicare fatalem, impieta-
tem Manichæorum illi tribuentes, ex
Prospero ad Ruffinum. Postea pro-
cedentibus temporibus Ioannes Eri-
genes Scotus, vt habetur in tractatu
Ecclesiæ Lugdunensis in auctario Bi-
blioth. p. 2. aduer. Io. Scotum Erigeni-
stam, dicebat multas hæreses esse, *vnā*
Pelagianorum, liberi arbitrij sine gratiæ
commēdatione, alteram gratiæ solius &c.
de qua secunda hæresi dicit Ecclesia
Lugdunensis ideo hoc dictum à Ioan-
ne Scoto, *vel quia Beatum Augustinum*
latenter quasi hæreticum accusat eo quod
manifestè iuxta veritatem scripturarum
sola Dei gratia ostendat, & doceat homi-
nem posse saluari, nec ad ipsam salutem
æternam aliquid humanum arbitriū posse,
nisi per eandem gratiam fuerit reforma-
tum, sanatum, illuminatum, ac roboratum,

tum: aut certè eos, qui secundum eius
venerabilem, & catholicam doctrinā nūc
de gratia Dei sentiunt, & docent, quasi
minus dicta illius intelligentes, hæreticos
vocat. Hac de causa nobis videtur, quod
callidissimè omnino, & versutissimè ve-
lut hæresim solius gratiæ posuerit, nec ta-
men authorem, vel sectatores eius ulla si-
gnificatione manifestauerit. Et postea.
denique, ut manifestè agnoscamus, non
eum de antiquiori aliqua hæresi dixisse,
quod solius gratiæ fuerit prædicatrix, non
posuit hanc hæresim ante Pelagianam, sed
postea à temporibus S. August. vsq; nūc.
Nec potest inueniri toto hoc tempore, quod
fuit inter illum, & nos aliquam talem hæ-
resim in Ecclesia extitisse, nisi quod vel
ipsum, ut iam dicimus scilicet S. Augu-
stinum, vel nos, qui eum sequimur istius
erroris accusat.

Circa eadem tempora ex Hincmaro

ep.

ep. ad Nicolaum Pontif. orta est hæ-
resis Prædestinatorum à Godescalco,
inter cæteros eius errores ille vnus est
(quem antiqui prædestinati etiam do-
cebant) *quod sicut Deus quosdam præ-*
destinauit ad vitam eternam, ita etiam
alios ad mortem eternam prædestinauit,
quem errorem Massilienses imposue-
runt Augustino apud Prosperum in
Gallorum obiect. 14. & 15. Fulgentiũ
ad Monimum cap. vlt. *Alter error quod*
Deus non vult omnes homines saluos fie-
ri, de quo etiam notarunt Augustinum
Massilienses, cũ tamen Augustinus lo-
cutus sit de voluntate efficaci, & conse-
quenti. Godescalcus verò etiam de
voluntate inefficaci, & antecedenti §.
Neotericus quidam in sua concordia
q. 23. a. 4. & 5. disp. 1. memb. vlt. ali-
ter Augustinum interpretatus, talem de
Augustino sententiã protulit, his ver-

bis fideliter descriptis. Credens autē Augustinus cum ijs, quæ de gratia aduersus hæresim Pelagianam ex scripturis rectissime docuerat, coniunctum esse, prædestinationem Dei æternam non fuisse secundum merita, qualitatemque vsus liberi arbitrii à Deo præuisi, sed solum secundum Dei electionem, & beneplacitum (quod in quo sensu verissimum sit membro 12. explicatum est) iuxta eam sententiam Paulum ad Rom. 9. multis in suorum operum locis interpretatus est, restrinxitq; illud 1. ad Timot. 2. vult omnes homines saluos fieri, ut non de omnibus vniuersim hominibus, sed de solis prædestinatis intelligeretur, quæ doctrina plurimos ex fidelibus ex ijs, qui in Gallia morabantur, non solum indoctos, sed etiam doctos mirum in modum turbauit, ne dicam illius occasione salutē eorum fuisse periclitatam: Ne enim eiusmodi doctrine adhererent, hæresi Pelagiana

giana ex parte assentiendum putabant ;
variosque alios errores circa paruulorum
prædestinationem confingebant : id quod
inter alia testatur duæ epistolæ à Prospe-
ro, & Hilario Arelatenfi Episcopo, ea de
re ad Augustinum missæ, quæ inter opera
Augustini ante librum de prædestinatione
Sanctorum habentur. Prosper autem post-
quam turbationem, & periculum multo-
rum explicauit, inter alia, quæ explanan-
da ab Augustino efflagitat, ad eos, qui tur-
bati fuerant sedandos, atque ad sanam
doctrinam reducidos, adiungit. Illud
etiam qualiter diluatur quæsumus patiē-
ter nostram insipientiam ferendo demon-
stres, quod retractatis de hac re opinionibus
penè omnium par inuenitur, & una
sententia, qua propositum, & prædestina-
tionem Dei secundum præscientiam rece-
perunt, ut ob hoc Deus alios vasa honoris,
& alios cōtumeliæ fecerit, quia finē vniuscuiusque
iusque

iusque præviderit, & sub ipso gratiæ ad-
iutorio, in qua futurus erat voluntate, &
actione præsciuerit. Hilarius etiam com-
memoratis obiectionibus, quæ aduersus Au-
gustini doctrinam ab ijs, qui commoti fue-
rant, afferebantur, eos etiam fuisse conque-
stos in hunc modum affirmat. Quid opus
fuit, inquit, huiusmodi disputationibus in-
certo tot minus intelligentium corda tur-
bari? neque enim minus utiliter sine hac
definitione tot annis in tot tractatoribus,
tot præcedentibus libris catholica fides fuit
defensa: sententiam verò Augustini se-
quutus est S. Thomas: & post ipsum ple-
riq; scholasticorum. Et postea Nos pro
nostra tenuitate rationem totam conciliā-
di libertatem arbitrij cum diuina gratia,
præscientia, & prædestinatione tradidi-
mus sequentibus principijs, ex quibus eam
deducimus, quæq; varijs in locis tradidi-
mus, inniti indicamus, quæ si data expla-
nataq;

nataq; semper fuissent; fortè neque Pelagiana heresis fuisset exorta, neq; Lutherani tam impudenter arbitrij nostri libertatē fuissent ausi negare, obtendentes cum diuina gratia præscientia, & prædestinatione coherere non posse neq; ex Augustini opinione, concertationibusq; cum Pelagianis fideles fuissent turbati, ad Pelagianos defecissent, facileq; reliquæ illæ Pelagianorū in Gallia, quarum in epistolis Prosperi fit mentio, fuissent extinctæ ut patet ex ijs, in quibus homines cum Catholicis conuenisse, & ab eis dissensisse eedem epistolæ testantur, concertationes deinde inter catholicos facile fuissent composite.

Similia verba dicit p.p.q. 23. ar. 4. d. i. m. i. §. quantum ad Augustinum attinct, scilicet quod Augustinus dum sub ea quasi caligine non attendit alium videlicet modum, vel viam cōciliationis, arbitratus primo aspectu cum sua de

pre-

prædestinatione opinione esse coniunctum,
Deum non velle omnes uniuersim homi-
nes saluos fieri, sed solos prædestinatos; in
multis suæ doctrinæ locis, ita illum locum
Pauli 1. Timot. 2. interpretatus est, ut de
solis prædestinatis intelligeretur, & cona-
tus mentem S. Hieronymi exponere
cum S. Thoma subdit. Imo verò esto hi
duo Patres in eam sententiã inclinassent
salua eorum reuerentia, quæ illis debetur,
quoad illud secundum, admittenda non
esset: neque enim miror opinionem illam eo
pactò intellectam à multis duram nimis,
indignamq; diuina clementia iudicari: ma-
xime cum quicumq; adulti eo ipso quod ex
æternitate à Deo prædestinati nõ fuerint,
permanserint reprobati, non solum, ut à
vita æterna excluderentur donisq; gratui-
tis spoliarentur, sed etiam, ut æternis a-
cerbissimis cruciatibus mǎciparentur. hæc
ille.

Oppo-

Oppositiones .

ARguitur primo quia inter cœtera quæ Augustinus docuit in materia prædestinationis, & gratiæ fuit, quod non omnes homines Deus vult saluos fieri, vt habetur in obiectionibus Gallorum apud Prosperum ad capitula Gallorum c. 8. at hoc non congruit cum catholica doctrina, imo nec cum Apostolo Paulo dicente, *quod Deus vult omnes saluos fieri, & ad agnitionem veritatis venire, & iterum quod Deus est Saluator omnium hominum, maxime fidelium.*

Secundo . quia ipsemet Augustinus multa in materia gratiæ retractauit, maximè ea in quibus ab exordio Episcopatus sui, multò prius quam impugnatores gratiæ exurgerent, pro gratia disputauit, vt patet ex libris retractationum.

[Ter]

Tertio . quia idē Augustinus noluit
suis scriptis tantam authoritatem adhi-
beri , vt non etiā liberum correctorem
desideraret , vt patet in quarta epist. ad
Hieronymum, ergo non est ei creden-
dum absolutē quæ dicit de proposito
electionis &c. maxime cum per asser-
tionem eius ledatur liberum arbitrium,
& fatalis necessitas videatur induci &c.

Quarto . quia in epistolis Pontificū
factis in commendationem Augustini,
non est expressus titulus illorum libro-
rum, qui approbantur , vt per hæc ap-
pareat eos non esse probatos , & istam
in S. Augustinum laudationem pro au-
ctoramentis fuisse collatam.



CONFUTATIO EO-
rundem ex orthodoxorum firma-
mentis .

Sed contra est primò authoritas Sū-
morū Pontificum. Innocentius .n.
Papa *nephandi erroris Pelagij capita apo-*
stolico mucrone percussit, & Pelagium ad
proferendam in se, suosq; sententiam, Pa-
lestinorum Episcoporum Synodus coar-
ctavit, ait Prosper contra Collatorem;
certum est autem Augustinum de hac
re ad Innocentium scripsisse.

Amplius ex eodem Prospero. *Afri-*
canorum Conciliorum decretis B. recorda-
tionis Papa Zozimus sententiæ suæ robur
adnexuit, & ad impiorum detruncationē
gladio Petri dexterar. omnium armauit
antistitum : certum est autem Augusti-
num his Concilijs magisterio saltem
interfuisse, Bonifacius quoque *contra*
iuimi-

*inimicos gratiæ Dei non solum Apostolicis;
sed etiam Regijs utebatur edictis, & quã-
do idem cum esset doctissimus, aduersus
libros tamen Pelagianorum Beati Augu-
stini Episcopi responsa poscebat. Doctri-
nam suam hæc satis commendant.*

*Cælestinus Papa ep. 8. ad Leótium,
Auxonium etiam Galliarum Episco-
pos, contra præsbyteros quosdam, qui
contra doctrinam S. Augustini infur-
rexerunt, sic loquitur.*

*Augustinum sanctæ recordationis vi-
rum pro vita sua, atque meritis in nostra
communione semper habuimus, nec un-
quam hunc sinistrae suspicionis saltem ru-
mor aspersit, quẽ tantę scientiæ olim fuis-
se meminimus, ut inter magistros optimos
etiam à meis decessoribus haberetur. Benè
ergo de eo omnes in commune senserunt,
ut pote qui ubique cunctis, & amoris fue-
rit, & honori: unde resistatur talibus quos
male*

malè crescere videmus, nefas est hæc pati
religiosas animas, quorum afflictione, qua
membra nostra sunt, nos quoq; conuenit
macerari. Huius epistolæ meminit. S.
Prosper contra Collatorem dicens.
Per hunc virum inter Gallias istis ipsis,
qui sanctæ memoriæ Augustini scripta
reprehendunt, maleloquentiæ est adempta
libertas, quando consultantium actione su-
scepta, & librorum, qui errantibus displice-
bant, pietate laudata, quid oporteret de
eorum nouitate sentiri, sancto manifesta-
uit eloquio, euidenter pronuncians quantū
sibi præsumptionis istius nouitas displice-
ret, qua auderent quidam aduersus anti-
quos magistros insolenter insurgere, & in-
disciplinata calumnia prædicationi veri-
tatis obstrepere: Augustinum, inquiens, sã-
ctæ recordationis virum &c. & conclu-
dit. contra istam clarissimæ laudationis tu-
bam, contra istam sacratissimi testimonij

D

digni-

dignitatem, audet quisquam malignæ interpretationis murmur emittere? &c.

Cum ergo Cælestinus reprehendat eos qui doctrinam Augustini temeritatis, & erroris arguebant, & Augustinū inter optimos magistros habeat cum prædecessoribus suis, Augustini doctrinam, quam illi damnabant, probat, & canonizat.

Sixtus Cælestino succedens, sicut vi-
uente Augustino, ad quem eiusdem
Augustini extant epistolę 104. & 105.
Pelagium infectatus est, ita Pontifex
effectus, eisdem est infectatus Augusti-
ni doctrinæ innixus, quod testatur
Prosper contra Coll. c. 44. sperans de-
finitionem contra Semipelagianos di-
cens. *Confidimus Domini protectione præ-
stādum, ut quod operatus est in Innocen-
tio, Zozimo, Bonifacio, & Cælestino, ope-
retur & in Sixto, & in custodia gregis*
Domi-

*Domini, hæc sit pars gloriæ huic reservata
Pastori, ut sicut illi lupos abigere manife-
stos, scilicet Pelagianos, ita hic depellat oc-
cultos (Semipelagianos) & sequitur illo
auribus suis doctissimi senis (idest Au-
gustini) insonante sermone, quo collabo-
rantem suū hortatus est dicens: Sunt qui-
dam iustissime damnati &c.*

Leo Magnus Sixto successit, eius in-
dustria magna fuit, ut dicit Prosper in
dimid temp. c. 6. conterere Pelagianos,
maximè Iulianum. Eius quoque epi-
stola ad Nicetam directæ est, de nō re-
cipiendis Pelagianis, sine expressa re-
tractatione errorum illius sectæ, & ex-
pressa professione decretorum Syno-
daliū: quæ ad excisionem illius hære-
sis Apostolicæ Sedis confirmarat au-
thoritas. Multæ autem Synodi fuerunt
celebratæ, ubi interfuit Augustinus;
quas hic expresse probat Leo Magnus.

Eiusdem authoritate capitula trāsmis-
sa sunt ad Concilium Arausicanum se-
cundum, sic fatentibus Patribus illius
Concilij. *Vnde & nobis secundum au-
thoritatem, & admonitionem Sedis Apo-
stolicæ, iustum, & rationabile visum est,
ut pauca capitula ab Apostolica Sede no-
bis transmissa, quæ ab antiquis Patribus
de cæteris scripturarum voluminibus, in
hac præcipue causa, collata sunt ad docen-
dos eos, qui aliter, quam oportet sentiunt,
ab omnibus observanda proferre, & mani-
bus nostris subscribere deberemus. Quod
& effecerunt: Sunt autem illi canones
succus, & compendium doctrinæ Au-
gustini, & elaboratos à Prospero in-
signi discipulo Augustini non est dubiū.*

Hilarius, & Simplicius, qui Leoni
successerūt, nihil cōtra Pelagianos scri-
pserunt: fortè, quod simulatæ Pelagia-
norum reliquiæ publice cōpressæ clan-
culo

culo ferpebant, nec Augustinum publice infamare audebant.

Felix succedens Simplicio, dū Fausti reprobata, & Cæsarij Arelatensis librum ad Fælicem scriptum de gratia, teste Gennadio de vir. illust. c. 86. probat; virtualis fuit librorum Fausti, & totius Semipelagianismi reprobatio, & librorum Augustini manifesta probatio.

Post hos Pontifices Gelasius Papæ ep. 3. ad Honorium contra reuiuiscen-tem hæresim Pelagianorum, sic inter cœtera inuehitur. *Nunquid licet nobis à Reuerendis Patribus damnata dissolvere? & ab illis excisa nephario dogmate retractare? & postea, si qua antiquitus à nostris maioribus cognita, discussa, refutata sunt, instauranda nitamur, nonne ipsi nos, (quod absit, & quod nunquam catholica patietur Ecclesia,) aduersarij ve-*

ritatis vniuersis contra nos insurgendi
proponimus exemplum? &c. & postea, an
forte nescitis hanc hæresim, de qua loqui-
mur, & ab Apostolica dudum sede per B.
memoria Innocentium, ac deinde Zozi-
mum, Bonifacium, Celestinum, Sixtum,
Leonem, continuis, & incessabilibus sen-
tentijs fuisse prostratam? & postea.. O si
studerent aduersus eos maiorum nostro-
rum libros, respōsaq; cognoscere, illis mo-
dis omnibus cerneretur, nihil esse prorsus,
quod ab istis fuerit ventilatum, & ab illis
magnifica veritate contritum. Sicque de
cunctis eorum nequitijs refutandis, fide-
les quoque viderentur instructi, ut nihil
amplius quæreretur: sed si forsitan inern-
ditos animos quedam de eorum sensibus
proposita commouerunt, ita venerabilium
Patrum doctrinis, & omnis eorum publi-
catur insania, & quibus remedijs curetur,
ostenditur; per maiores proculdubio, &

Patres, Augustinum præcipuè intellexit. Vnde in epistola quinta ad Episcopos in Piceno constitutos, iterum in Pelagianam hæresim inuehitur, & ibidem Augustini, & Hieronymi doctrinam commendans, contra quendam, qui eam lacerauerat, sic loquitur [*adhuc maius scelus accrescit, & sub conspectu, & præsentia Sacerdotum B. memoria Hieronymum, atque Augustinum Ecclesiasticorum lumina magistrorum, musca moritura, sicut scriptum est, exterminans cleum suauitatis lacerare commemorat. Et ita Gelasius honorificam mentionem facit de libris Hieronymi, Augustini, & Prosperi, reiectis libris Cassiani, Fausti, Rufini, & cœterorum, qui ad Pelagianismum inclinarunt.*

Hormisda Papa eosdē Fausti libros doctrinæ Augustini repugnantes condemnans, ait. *Hi vero quos vos de Fau-*

ſi cuiusdam Galli antiſtitis dictis conſu-
luſſe litteris indicaſtis, id ſibi reſponſum
habeant, neque illum, neque quemquam,
quos in auctoritate Patrum non recipit
examen catholice fidei, aut Eccleſie diſci-
plinæ, ambiguitatem poſſe gignere, aut reli-
gioſis præiudicium comparare: fixa ſunt à
Patribus, quæ fideles ſectari debeant inſti-
tuta, ſive interpretatio, ſive prædicatio, ſeu
verbum populi ædificatione compoſitum:
ſi cum fide recta, & doctrina ſacra cõcor-
dat, admittitur, ſi diſcordat, aboletur. &
poſtea descendens in particulati ad S.
Auguſtinum dicit: de libero autem arbi-
trio, & gratia Dei, quod Romana, hoc eſt
catholica ſequitur, & aſſeuerat Eccleſia,
licet in varijs libris D. Auguſtini, & ma-
xime ad Hilarium, & Proſperum poſſit
cognoſci, tamen in ſcrinijs Eccleſiaſticis
expreſſa capitula continentur, &c.

Ioannes IV. repululante hæreſi Pe-

lagiana in Scotia apud Bedam 2. hist.
Angliæ c. 19. præcepit, vt quæ, ait, *per
istos 200. annos abolita est, ppetuo anathe
mate sepeliatur* : & necessitatem gratiæ
ibidem inculcat, vnde virtualiter Au
gustini sententiã iampridem probatam
approbat. Sic Leo. IX. epistola ad Petrũ
Antiöch. *gratiam Dei, ait, præuenire, &
subsequi hominem, credo &c.* hæc autem
semper fuit Augustini & Ecclesiæ con
fessio.

Secundo principaliter ex Concilijs :
In Diaspolitana Synodo (cuius acta
memorat Augustinus 1. de gratia Chri
sti c. 3. de peccato orig. c. 8. q. 12. 14. ep.
105. 106. 107.) quicquid decretum est
contra Pelagium Augustinus defendit,
& propugnat, vnde eius Concilij cum
doctrina Augustini, mira consonantia.

In primo Concilio Carthag. quod
ante Diaspolitenum congregatum cre
ditur

Dicitur à quibusdam dogma Cælestij dā-
natum est, vt habetur ex August. epist.
90. ad Innoc.

In 2. Concilio Carthag. actum est
de persona Cælestij, ex eadem ep. c. 7.
& contra illum duo dogmata in mate-
ria gratiæ stabilita.

In 3. quod fuit Mileuitanum Augu-
stinus interfuit. ex epist. 42. inter epist.
Augustini anno 416.

Aliud etiam fuit Prouinciæ Numi-
diæ, vbi Augustinus cum alijs tribus
Episcopis eiusdem Prouinciæ adfuit,
de quo habetur mentio ep. 95. Augu-
stini ad Innocentium.

Quarta Synodus, quæ & Carthagi-
nensis generalior, vbi ex Prospero 8.
resp. ad obiecta Gallorum, ducenti qua-
tuordecim Sacerdotes interfuerunt, quorū
constitutiones cōtra inimicos gratiæ Chri-
sti, totus mundus amplexus est. De eodem

Con-

Concilio meminit Prosp. i. cōtra Col-
lat. c. 10. quod congregatum fuit tem-
pore Zozimi sub Bonifacio . Alterum
generale Africanum coactum est , de
quo Augustinus meminit epist. 47. vbi
interfuerunt ex Prospero 300. proce-
res, lib. de ingratis.

In 5. Synodo generali dicitur. *Super
hoc autem sequimur in omnibus SS. Pa-
tres, & Doctores Ecclesie, Athanasium,
Hilarium, Basilium, Gregorium Theol.,
& Greg. Nissenum, Ambrosium, Augu-
stinum, Theophilum, Ioannem Constanti-
nopolitanum, Cyrillum, Leonem, Proclum,
& suscipimus omnia, quae de recta fide, &
condemnatione haereticorum exposuerunt:
suscipimus autem, & alios Sanctos, & or-
thodoxos Patres, qui in sancta Dei Eccle-
sia irreprehensibiliter, & usque ad finem
suae vitae praedicarunt.*

In Concilio Romano sub Martino
Papa.

Papa secret. 3. eadem repetuntur. *Super hæc aut in omnibus sequimur Sanctos Patres, doctoresq; Ecclesiæ Athanasium, Hilarium, Basilium, & Gregorium Theologum, & Gregorium Nissanensem, Ambrosium, Augustinum, Theophilum &c. & suscipimus omnia, quæ ab eis pro recta fide, & condemnatione hæreticorum exposita sunt, Et ibidem testimonia S. Augustini recensentur hom. 22. in Ioannem, & in 93. Pfal., & postea in fine post adducta testimonia dicitur: qui easdem Sæctas Synodos, & Venerabiles Patres minime suscipit, condemnatus est] vide Augustinum inter doctores Ecclesiæ, quos sequitur Ecclesia, annumeratum, & cōdemnatos esse eos qui Patres non recipiunt.*

In Concilio Toletano 8. can. 2. *vir quoq; Sanctissimus Augustinus vestigationis acumine cautus, inueniendi arte præcipuus*

*puus, asserendi copia profluus, eloquentiæ
flore venustus, sapientiæ fructu fœcundus,
hæc in suis narrat affatibus: duo sunt mē-
daciorum genera, &c.*

In his ergo Carthaginensibus quic-
quid contra Pelagium, & Cælestium
definitum est, Augustini doctrina con-
firmatur, & roboratur, vbi vel corpora-
liter præfedit: vel præfuit magisterio,
& doctrina. Vnde Prosper ibidem sub-
dit. *An alium in finem posset producere
Sanctum Concilium, cui Dux Aurelius, in-
geniumq; Augustinus erat? &c.*

In Concilio Valentino sub Benedi-
cto 3., & Lothario Imperatore in ma-
teria multarum quæstionum, & noui-
tatum, quæ insurrexerant aduersus præ-
destinationis doctrinam, sic dicunt Pa-
tres c. i. *indubitãter doctoribus piè, & re-
ctè tractantibus verbum veritatis, ipsiq;
sacræ scripturæ lucidissimis expositoribus*
.i. Cy-

.i. Cypriano, Hilario, Ambrosio, Hieronymo, Augustino, cæterisque in catholica veritate quiescentibus, reuerenter auditum, & obtemperantem intellectum submittimus, & pro viribus, quæ ad salutem nostram scripserunt, amplectimur; nam de præscientia Dei, & de prædestinatione, & de questionibus alijs, in quibus fratrum animi non parum scandalizati, illud tantum firmissimè tenendum credimus, quod ex maternis Ecclesiæ visceribus nos habuisse gaudeamus Et c. 6. constantissimè, & fide plena fatemur, quod sanctorum Patrum authoritate sacrarum scripturarum nobis tenendum reliquerunt, quod Africana, quod Arausicana Synodus professæ est, quod B.B. Pontifices Apostolicæ Sedis, Catholica fide tenuerunt.

In Concilio Florentino sess. 7. Andreas Rhodius partes agens Ecclesiæ sic dicit. Beatus Augustinus præclarissimus

mus doctor Latinorum, quem sancta Synodus recepit, qui & præstantissimus appellatur.

In Concilio Senonensi. c. i. mandatur scripturam exponi debere auctoritate Sanctorum Patrum, præcipue Cypriani, Chrysostomi, Ambrosij, Hieronymi, Augustini. In decreto xv. doctrinam Augustini approbat, & priscam calumniam à Massiliensibus Augustino illatam, spongia quadam abstergit dicens. Neque enim liberum arbitrium asserentes, diuinam excludimus propterea gratiã, quod illi falso toties imponere non verentur (Nouatores) atq; hoc fumo credulorũ oculos perstringere. Sed iuxta sacram scripturam extendimus, ut voluntas humana misericordiæ præuenientis auxilio, & interiori quodam, duas gratias distinctas enumerans, & occulto secretioris inspirationis afflatu contacta, sese conuertat

in

in Deum &c. quæ doctrina, quæ est Au-
gustini, Augustinum à calumnijs vin-
dicauit. Et in præfatione præmiserat,
quod accedentem ad Deum oportet primū
diuinæ gratiæ munere adiutum credere,
deinde bonis operibus intendere, in quibus
efficiendis, & liberum arbitrium operatur,
& gratia; primo tamen, & principalius
gratia. Quapropter, qui hominem bene ope-
rari, & salutē consequi arbitratur absque
gratia, aut primatum boni operis libero ad-
scribit arbitrio non gratiæ, Pelagianus cen-
sendus est: duplicem ergo errorem Pe-
lagianorum damnat: vnum quod sine
gratia credere, & operari possimus: &
alterum, quod primas darent libero ar-
bitrio, non gratiæ. Magna autē est hi-
ius Concilij authoritas, cum ante 80.
annos fuerit celebratum. Et in Trid.
post 20. annos ab eius celebratione ta-
lis doctrina in sessione de iustific. pro-
bata

bata videtur, dum arbitrium inspiratū
à Deo, & motum desinitur. Ita c. 5. sess.
6. de iustificatione.

In Concilio vero Moguntino. c. 4.
5. 6. 7. de libero arbitrio, & iustificatione
tractatum est ad mentem S. Augu-
stini, si cum eiusdem Augustini operi-
bus conferantur, & cap. 8. docetur. *ope-
ra bona à gratia promanare [secundum eā
dignitatem, quam de Spiritu Sancto velu-
ti boni operis motore, & operatore sumunt:
sic enim extenuanda vires humanæ, ut nō
simul, & gratia Dei vilis reputetur: sic in
bono opere faciendo deprimenda est facul-
tas hominis, ut interim cogitemus Spiritus
Sancti, & in nobis (non dicitur à nobis)
motum efficacem, & apud Deum acceptū
ac preciosum esse]* eadem Synodus Mo-
guntina, quæ celebrata est post sess. 6.
Concil. Trid. 1549. maxime probata
est, quando illam doctrinam Trid. est

æmulata, & in summam redegit.

In Concilio Trid. sess. 7. doctrina S. Augustini in tota materia iustificationis approbatur, & mira est Cōciliij Tridentini cum Augustini doctrina concordia. Lege Augustinianam cōfessionem Torrensis in hac materia, & verame dicere comprobabis.

Tertio ex PP. Hieronymus epistola ad Augustinum quæ in 2. tom. operum eiusdem August. est 25. sic dicit. *Domino sãcto, ac Beatissimo Papæ Augustino Hieronymus. Omni quidem tempore beatitudinem tuam eo quo decet honore veneratus sum, & habitantem in te dilexi dominum Salvatorem, sed nũc si fieri potest cumulo aliquid addimus, & plena complemus, ut absq; tui nominis mentione, ne unam quidem horam præterire patiamur, qui contraflantes ventos ardore fidei præstitisti, maluistiq; quantum in te fuit, solus liberari*

de

de Sodomis, quā cum pereuntibus commo-
rari, scit quid dicam prudentia tua. Maeste
tute in orbe celebraris. Catholici te condito-
rem antiquæ rursum fidei venerantur, atq;
suscipiunt, & quod signum maioris glo-
riæ est, omnes hæretici detestantur, & me
pari persequuntur odio, ut quos gladijs ne-
queunt, voto interficiant, incolumem, &
mei memorem te Christi Domini clemētia
tueatur Domine venerande, ac beatissime
Papa:

SEVERVS SVLPITIVS ex epi-
stola Seueri ad Augustinum, quæ est in
2. tom. operum Augustini epistola 37.
ò vera artificiosa apis Dei construens fa-
nos diuini nectaris plenos, manantes mise-
ricordiam & veritatem, per quos discur-
rens deliciatur anima mea, & vitali pastu,
quicquid in se minus inuenit, aut imbecil-
lum, sētit resarcire, & suffulcire molitur.

PAVLINVS Episcopus Nolanus,

ex epistola eiusdem Paulini ad Augustinum, quæ habetur in 2. tomo operum S. Augustini epist. 31. sic dicit de Augustino. *O verè sal terræ, quo præcordia nostra ne possint sæculi vanescere errore, cõdiuntur. ò lucerna dignè supra candelabrum Ecclesiæ posita, quæ latè catholicis urbibus, de septiformi ligno pastum oleo lætitiæ lumen effundens, densas licet hereticorum caligines discutis, & lucem veritatis à confusione tenebrarum splendore clarifici sermonis enubilas. &c. Os enim tuum fistula aquæ viue, & uenam fontis æterni merito dixerim, quia fons uitæ aquæ salientis in uitam æternam Christus effectus est, cuius desiderio sitiuit in te anima mea, & ubertate tui fluminis inebriari terra mea concupiuit.*

S. Prosper de lib. arbit. ad Ruffinum loquens de Pelagiana hæresi, hæc dicit in laudem Augustini. *B. quoque Augustinus*

stinus percipua utiq; in hoc tempore portio
Domini sacerdotum, copiosè, & pulchrè in
multis voluminum disputationibus des-
truxit, utpote inter multa Dei dona, qui-
bus illum abundantissime Spiritus verita-
tis impleuit, habens etiam hanc scientiæ, &
sapientiæ ex Dei charitate virtutem, ut nō
solum istam adhuc in suis detruncationi-
bus palpitantem, sed etiam multas priua
hæreses inuictō verbi gladio debellaret.
Cui inter tot certaminum palmas, inter
tot triumphorum coronas, ad illumina-
tionem Ecclesiæ, & ad gloriam Christi, qua
ipse illustratus est per fulgēti, quidam no-
strorum (quod de ipsis multum dolendum
est) occultis, sed non incognitis susurra-
tionibus obloquuntur, & prout sibi noxia
aliquorum aures, opportuna s; repererint,
scripta eius, quibus error Pelagianorū, im-
pugnatur, infamant, dicentes eum liberum
arbitrium submouere, & sub gratiæ nomi-

ne necessitatē prædicare fatalē [& in fine.
Tu autem dilectissime, & venerandissime
mihi frater, si vere his quæstionibus in-
strui desideras, sicut desiderare te conue-
nit, ipsius B. Augustini disputationibus
cognoscendis, curam impendes, ut in confi-
tenda Dei gratia defecatissimam, & salu-
berrimam Evangelicā, Apostolicāque do-
ctrinā intelligentiam consequaris.

Idem contra Collatorem cap. i. sic
dicit, gratiam Dei qua Christiani su-
mus quidam dicere audent à S. memoriæ
Augustino non rectē esse defensam, libros-
que eius contra errorem Pelagianum con-
ditos, immoderatis calumnijs impetere non
quiescunt, quorū intus interstrepens dome-
stica malignitas, non minus spernēda esset,
quam foris latrās hæretica loquacitas, nisi
eiectis extra ouile Dominicum lupis, sub
nomine ouium suffragarentur, essentque
huiusmodi, ut nec ordo eorum in Ecclesia,

nec

nec ingenia despicienda videantur,] &
& infra dolet, quod illa morsibus doctrina
lanietur, quę nimirum hæreticorum
commenta dissecit, & diabolicum tumo-
rem Pelagianę relationis elisit, & postea,
viginti amplius annis contra inimicos gra-
tię Dei catholica acies huius viri ductu pu-
gnat, & vincit, vincit dico, quia non pa-
titur respirare quos vicit, & in quorum
excidium unam cunctorum Sacerdotum
manum sententiam scripsit, &c. deinde
docens lib. de ingratis, quod inter cęte-
ros, qui in Africanis Cōcilijs fuerat, ait
Augustinus erat, de quo subdit elo-
gia, quem Christi gratia cornu

Verberiore rigans nostro lumen dedit

Aversum vero de lumine: nam ci-
bus illi,

Et vita, & requies Deus est, omnis-
que voluptas &c.

23 [Istius ergò inter cunctos, qui de gre-
-inob a ge sancto in bou ariob stia x.
-mto Insanas pepulere feras industria
-ent w maior.

24 **M**aius opus, totum præstantius im-
-arg puit orbem.

25 **N**am quocumque gradum conuer-
-at non erit callidus hostis.

26 **Q**uaq; per ambages anceps iter egit.
-mto opertas.

27 **H**uius ab occurſu præuentus.

28 **E**t lib. 3. de vita contemplatiua. c. 3.

S. Augustinus Episcopus, acer ingenio,
suavis eloquio, sæcularis litteraturæ peri-
tus, in Ecclesiasticis laboribus operosus, in
quotidianis disputationibus clarus, in om-
ni sua actione compositus, in expositione
sua fidei nostræ catholicus, in questionibus
absoluendis acutus, in reuincendis hereti-
cis circumspectus, & in explicandis scrip-
turis canonicis cautus.

S. Fulgentius lib. 2. ad Monimum; Augustinum Beatissimum nō semel appellat; eius doctrinam explicat; & tandem quanti faciat eiusdem doctrinam dicit in fine. Hec interim pauca de libris S. Augustini, & de responsionibus Prosperi, ob hoc malimus huic libello inferere; ut cuncti nouerint; quid debeant de predestinatione sanctorum; impiorumq; sentire; simulq; ut appareat eiusdem Beati Augustini dictis; tenorem nostræ sententiæ conuenire.

Et in toto lib. 1. c. 8. q. 11. 14. lib. de incarnatione, & gratia, Augustini sententiam contra eosdem Pelagianos inculcat; & in cap. primo illius libri de doctrina Petri, & aliorum; quam ad ipsum scripserunt sic dicitur. Litteras nobis, quas misistis, habuimus, quibus recensitis, vestram simul alacres; & fidem cognouimus, & salutem &c. & in epilogo

ope-

operum de sententia Augustini, quam
Petrus scripto suo fatebatur, & ipse
Fulgentius sequutus fuerat, dicitur, *Cuius*
prædestinationis veritatem, qua nos an-
te mundi constitutionem prædestinatos in
Christo testatur Apostolus, sic detrectat
cordis credulitate recipere, vel oris confes-
sione proferre, si ante ultimum diem vitæ
præsentis impietatis suæ cōtumaciam, quæ
Deo viuo, & vero rebellis obsistit, nō abie-
cerit, manifestum est eum non pertinere ad
eorum numerum, quos Deus in Christo an-
te mundi constitutionem gratis elegit, &
prædestinavit ad regnum. Idem Petrus
de Incarnatione, & gratia c. 8. omnium
sanctorum Patrum imbuti doctrinis, ana-
thematizamus Pelagium, & Celestinum,
simulq; Iulianum, & Anensem, & qui il-
lis similia sapiunt, præcipue libros Fausti
Galliarum Episcopi, qui de Monasterio
Lerinen si profectus est; quos contra præde-
sti-

stinationis sententiam scriptos esse, non
dubium est: certum est autē libros Fau-
sti contra Augustini sententiam mili-
tare, ac proinde propterea ab Ecclesia
eliminatos.

Hilarius Episcopus Arelatensis in
Epistola ad Aratum Diaconum; Doctor
excellentissimus Augustinus, defensor fi-
dei nostræ, in diuina meditatione semper
assiduus, metu mortis intrepidus destruxit
sacrilegos, atq; superauit hæreticos.

Possidonius Episcopus Calamensis
in vita D. Augustini c. 7. quæ habetur
tom. 1. Tanta autem ab eodem dictata, &
edita sunt, tantaq; in Ecclesia disputata,
excepta, atq; emendata, vel aduersus di-
uersos hæreticos cōscripta, vel ex canonicis
libris exposita ad ædificationem sanctorū
Eccl. filiorum, ut ea vix quisquam stu-
diosorum nosse, & perlegere sufficiat.

S. Gregorius Magnus lib. 8. Episto-
larum

larum epist. 37. si delitioso cupitis pabulo
saginari, B. Augustini opuscula legite, &
ad comparationem siliginis illius, nostrum
furfurem non queratis.

Beda lib. de sex ætatibus mundi. B.
Augustinus Hipponensis Episcopus, &
omnium doctor eximius Ecclesiarum, ne
civitatis sue ruinam videret, tertio obsi-
dionis sue mense migravit ad Dominum
quinto Kalend. Septembris cum vixisset
annis 76. in clericatu autem, vel Episco-
patu annos ferme quadraginta compleisset.

Cassiodorus senator prologo su-
per psalterium: est enim litterarum om-
nium egregius magister, eo quod in vberta-
te tantissimus disputator, decurrit quip-
pe, tanquam fons purissimus nulla fe-
ce pollutus: sed in integritate fidei perse-
uerans, nescit hereticis locum dare: unde
se se possint aliqua colluctatione defendere
Totus catholicus, totus orthodoxus inveni-
tur,

tur, & in Ecclesia Domini suauissimo nitore resplendens superni luminis claritate radiat.

Claudianus Mamertus de statu animæ lib. 3. Arelus Augustinus, & acumine ingenij, & rerum multitudine, & operis mole, veluti quidam Chrysippus argumentandi virtute, aut Zeno, sensuum subtilitate, aut Varro in voluminum magnitudine, & qui profecto talis naturæ attentione disciplinis extiterit, ut non immerito ab istis corporalibus nostris Epicureis, aut Cynicis specialiter Sophista dissenferit, lib. ad Hieronymum de origine animæ sic pronunciat &c.

Rupertus Abbas lib. 7. de operibus Spiritus Sancti c. 19. In Augustino Spiritus manifestè operatus est, quod se dignū fecit ad laudem suam, ad Ecclesiæ defensionem catholicæ fidei perpetuamq; munitionem. Iste est Augustinus columna, &
fir-

firmamentum veritatis, & verè columna nobis, in qua thronum suum posuit sapiētia Dei.

Sanctus Bernardus homil. 80. in cātic. de Augustino dicit quod est hereticorum malleus, & in epistola 77. ad Hugonem confutans errorem cuiusdam dicentis adultum cupientem baptismū, non baptizari baptismo flaminis, non habendo copiam baptismatis in aqua, ait: sed miror admodum si nouus iste nouarum inuentor assertionum, & assertor inuentionum, inuenire in hoc rationem; quæ sanctos Patribus latuerit, Ambrosium, & Augustinum sine auctoritate eorundē auctoritate potiozem, & post citata testimonia Ambrosij, & Augustini subdit: Ab his ergo duabus columnis Augustinum loquor, & Ambrosium crede mihi difficile auellor: cum his aut errare, aut sapere fateor, credens ipsa sola fide (puta formata)
homi-

hominem posse saluari, cum desiderio percipiendi Sacramentum.

S. Anselmus in præfatione ad Monologium, quam fuerit doctrinæ S. Augustini addictus, ostendit : de scriptura enim quadam sua loquens, ait, *eam ego sæpe tractans, nihil potui inuenire me in ea dixisse, quod non catholicorum Patrum, & maxime B. Augustini scriptis cohæreat*] quod patet legenti opera, præsertim de concordia præscientiæ, & prædestinationis Dei, ubi sensus, & verba ipsissima Augustini inspiciuntur.

Quarto ex rationibus. Prima & desumitur ex Prospero ad Ruffinum. *si vera sunt quæ contra Augustinum oblatrant, cur ipsi tam negligentes, ne dicam tam impij sunt, ut tam abruptam perniciem non repellant? tam insanis prædicationibus non resistent, nec saltem aliquibus scriptis cum, à quo talis emanat doctri-*

na conueniunt? Magna enim gloria sua humano generi consuluerint, si Augustinum ab errore renocauerint.

Secundo ex eodē, quia doctrina Augustini vniuersaliter recepta est, etiam fatentibus aduersarijs [Imo nouerunt nō solum Romanam, Africanamq; Ecclesiam, & per omnes mundi partes vniuersos promissionis filios, cum doctrina huius viri sicut in tota fide, ita in gratiæ confessione congruere, sed etiam in his locis, in quibus aduersus eum quærimonia, concitatur, esse propitio Deo plurimos qui ad perceptionem Euangelicæ, apostolicæq; doctrinæ saluberrimis eius disputationibus imbuuntur, & quotidie in membris corporis Christi, in quantum ea ipse multiplicat, dilatantur.

Tertio, quia magis credendum est tot Proceribus Ecclesiæ, quā posterioribus Neotericis nouarum inuentoribus

bus assertionum, & assertoribus inuen-
tionum, qui Sanctum Augustinum im-
petere non sunt veriti, aliter dicere o-
porteret, vt in simili Prosper Collatorē
redarguit, *quod errarint Innocentius, Zo-
zimus, Bonifacius, errarint Oriētales Epi-
scopi, errarint Africana Concilia, errarit
B. Petri sedes damnans eos, qui contra Dei
adiutorium humanam extulerunt liber-
tatem: cum ergo inuictarum constitutionū
regulis, tanquam Hierocontini muri ad
sacerdotalium tubarum cōcentum, cor-
ruerint, Semipelagianorum dogmata,
non sunt iterum reædificanda.*

Quarto. in eo quod Semipelagiani
contra Augustinum obmurmurarunt,
in eo à verò aberrarunt, ergo valde ca-
uendum, ne dum simus contra Augu-
stinum consortes obloquutionis, simus
consortes damnationis.

Antecedens probatur: nā in eo pro-

F scin-

scindebant Augustinum, quod præde-
stinationem secundum propositum di-
uinæ volūtatis cōstrueret. Etiam quod
ex gratiæ efficacitate liberū impedire-
tur arbitriū. Nā vbi Augustinus dicebat
diuinā electiōē, esse secūdum propofi-
tum, illi vt dicit Prosp. ep. ad August.
*[quibusdam commentitijs meritis electio-
nem Dei subijciunt, vt quia præterita, quæ
non extant; futura, quæ non sunt futura
confingant, nouoq; apud illos absurditatis
genere, & nō agenda præscita sint, & præ-
scita non acta sint]* & iterū dicebat Fau-
stus, nisi præscientia explorauerit, præde-
stinatio nihil decernit: cum tamen, diui-
na *[præscientia ordine quodam sit subni-
xa proposito, & sicut nihil sit quorumcū-
que negotiorum, quod non scientia diuina
præuenerit, ita nihil sit boni, quod in no-
stram participationem, non Deo authore
profluxerit.]* quod pertinet ad diuinæ

voluntatis propositum, quod præscien-
tia subsequatur, non præcedat. Simili-
ter vbi Augustinus præuenientem, præ-
operantem gratiam prædicabat, illi di-
cebant ex eadem epist. Prosperi ad Au-
gustinum: *ideo quis adiuvatur, quia vo-
luit: non ideo, quia adiuvatur, velit, &
dicebant per gratiam impediri liberum
arbitrium: vnde postulat Prosper, vt
Augustinus soluat [quomodo per istam
præoperantem, & cooperantem gratiam li-
berum non impediatur arbitrium]* quod
præstitit August. eidẽ respõdẽdo, & Hi-
lario, in libro de prædestin. Sanctorum.

Consequentia patet à simili, nam Se-
mipelagianos murmurantes cõtra Au-
gustinum hoc modo Prosper exsufflat,
quia Pelagianos contra eundem Augu-
stinum murmurantes sunt imitati, vn-
de sic dicit Prosper contra Collatorem
[*en cuius dogmatis sunt magistri, semi-
pelagiani, qui vt catholicarum mentium*

castitatem gratiæ defensoribus calumniando corrumpant, præcipuum nostro tempore in doctrina Ecclesiastica virum rabido ore discerpūt, creduntq; se omnia authoritatum munimina posse conuellere, si hanc pastoralis specula validissimam turrim (Augustinum designans) crebra Pelagiani arietis illisione pulsauerint. Firmum quidem fundamentum Dei stat: sed congruenter isti non desunt partibus suis, dignum quippe est, ut quorum sequuntur sententiam, imitentur insaniam. Nec alia possunt dicere quam quæ damnantur, quæ relis, & procacissimis Iuliani sunt vulgata conuicijs. Paria sunt vnius seminis germina, & quod latebat in radicibus, manifestatur in fructibus &c. ergo à murmuratione contra Augustinum, abstinendum est viris maximè catholicis in prædestinationis materia: nam murmuratio, quod ab sit, fructus
esset,

esset, ex Pelagiani seminis redundan-
tia.

Quinto in eo maxime Semipelagia-
nos aberrasse scribitur ab Hil. ad Au-
gustinum quod fatigatis omnibus nobis,
ad id prosecutio eorum, vel potius quærela
conuertitur, consentientibus est his qui hanc
definitionem improbare non audent, ut di-
cant. Quid opus fuit huiusmodi disputa-
tionis incerto tot minus intelligentium cor-
da turbari neq; enim minus utiliter sine
hac definitione, tot annis à tot tractatori-
bus, tot præcedentibus libris, et tuis, et a-
liorum, cum contra alios, tum maxime con-
tra Pelagianos, catholicam fidem fuisse de-
fensam.] ergo ne cum Semipelagianis
conueniamus, viro catholico cauendū
ne dicat: ex sententia Augustini turba-
tos fideles; nam videmus quod doctri-
na, quæ habita est, ut turbatiua, ab Ec-
clesia recepta est, apparenter verò quie-

ratio cōtra August. introducta explosa, Et si prædicatur nunc turbatio fidelium (sicut Semipelagianorum tempore prædicatum est) timendum ne habendo consortium similis positionis, habeatur cum eisdem consortium reiectionis.

Sexto. quia quicquid sit de qq. nuperis excitatis, de quibus non disputamus decreta Apostolica seruantes, nullo modo (vt Summorum Pontificum decreta defendamus contra obiectatores Augustini) ferendum est, vt idem Sanctus, tā acriter proscindatur. Vnde sic arguimus in defensionem Aug. doctrinæ, & Rom. Pontificum. Si noua conciliatio post Augustinum introducta, Augustino (& per consequens veteri Ecclesiæ) incognita est, vt dicunt, satis fuisset ad turbationem sedandam, ad hæreses vero ne nascerentur posteriores,

riores, præcauendum, si fuisset cognita:
sequeretur, quod quandiu mundo hæc
doctrina non eluxit, Augustinus, vel In-
nocentius, Zozimus, & tot Concilia tē-
poribus suis infirmè hæreticos debel-
lassent. Ergo per mille, & amplius an-
nos Ecclesia de Pelagianis hucusq; triū-
phum non reportauit in tot definitio-
nibus, imo quia dicunt quidam, *nec Pe-
lagiani, nec Lutherani essent exorti*, posi-
tio Augustini, illa prænotatione destitu-
ta, errandi hæreticis materiam submi-
nistravit: hoc est virtualiter dicere, &
breui compendio, quod Augustinus, &
tot Patres errarunt: quam consequen-
tiam si admittas, sic eam à Tertulliano
reperio exufflatam: *ergo tandiu regnauit
error, quandiu hæretici non erant*, hoc est
Pelagius, Semipelagiani non appare-
bāt. *Aliquos Marcionitas, & Valētinia-
nos (Semipelagianos) liberanda veritas*

expectabat. Interea perperam euangelizabatur, perperam credebatur, tot millia millium perperam tineta, tot opera fidei perperam administrata, tot virtutes, tot charismata perperam operata, tot sacerdotia, tot ministeria perperam functa, tot denique martyria coronata, & postea ante Christiani, quam Christus inuentus: ante hereses, quam vera doctrina.

Confirmatur amplius (vt subnectebat idem Tertullianus; ante Christiani, quam Christus) ante non certa doctrina prædestinationis prædicata in Ecclesia, quam noua contra Augustinum conciliatio adinuenta, ante fuissent heretici debellati Pelagiani, & Semipelagiani, quam arma haberemus quibus profligarentur; & tamen, vt scribit Prosper contra Collat. Tunc etiam Semipelagianorum machinæ fractæ sunt, quando B. memorie Innocentius nefandi erroris capi-

za apostolico mucrone percussit: quādo Pelagium ad proferendum in se, suosq; sententiā Palæstinorum Episcoporum Synodus coarctauit, quando Africanorum Conciliorum decretis B. recordationis PP. Zozimus sententiæ suæ robur adnexuit, & ad impiorum detruncationem gladio Petri dexteris omnium armauit antistitū: quādo S. mem. Papa Bonifacius piissimorum Imperatorum catholica deuotione gaudebat, & contra inimicos gratiæ Dei non solum apostolici, sed etiam Regijs utebatur edictis, & quando idem, cum esset doctissimus, aduersus libros tamen Pelagianorū B. Augustini Episcopi responsa poscebat [& Cælestinus] quasi non discussione negotio Pelagium audientiam postulantem, totius Italiæ finibus iussit extrudi, adeo ut prædecessorum suorū statuta, & decreta Synodalia inuiolabiliter seruanda censebat, ut quod semel meruerat abscidi, ne-

qua-

quaquam admitteret retractari] At idem
perbelle docet Tertullianus, quod in
omnibus veritas imaginem antecedit,
postmodum similitudo succedit: satis
inquam dicit idem, *ut prior in doctrina
hæresis habeatur, quando, & ipsas hæreses
futuras prænuñciauit.* Ita in nostro pro-
posito, si incognita ista nupera conci-
liatio vera fuit, incerta autem antiqua
conciliatio (ut iactant) S. Augustini; iã
prior fuit umbra veritate, prius dubia
doctrina, quàm certa: absit autem hoc
dicere, quando vera doctrina antiqua
i futuras nouitates Augustini doctrinã
impetituras iampridem confutauit.

Septimo. Si Augustino, & veteribus
Patribus non affulsit, quantum par est,
tam altum secretum prædestinationis,
& gratiæ, prædicare oporteret, & dice-
re priori ætati ante Augustinum fuisse
ignotum, & per consequens nec id sci-

tum

tum in ætate Apostolica, imo nec ab ipso Apostolo; nec. n. nisi Apostolicam doctrinam Augustinus prædicauit in materia eadem, quam tantopere Concilia commendarunt. Insuper deducitur. Ergo aliquod dogma non descendens ab Apostolis, vel Apostolicis, iisdemq; incognitum per decurrētes ætates, nuper mundo eluxit, quod Apostolica dogmata regulare debeat: At firmat Tertulliani regula: *illud verū quod prius, illud falsum, quod posterius immis- sum.* Potius ergo dimittatur posterius, & quod nuperum est, & contra Augustinum esse profitentur, magisq; Augustino demus, quam ijs qui Augustinū, vt Magistrum nolunt agnoscere, quos iidem veteres Patres, tamquam à vetustate descendentes nec agnoscunt, vnde etiam cecinit Propheta Moyſes, *non ui, recentesque venerunt, quos non colue- runt*

runt Patres eorum. Deuteron. c. 32.

Octauo. non solum Augustini tempore, sed etiam Apostoli Pauli temporibus, turbati sunt fideles ad prædicationē firmi propositi Dei; vnde coactus est multas obiectiones, quas poterat obijcere humana infirmitas, dissoluere. *ò homo tu quis es qui respondeas Deo. &c.* & tamen non propter hoc quis audax erit Apostolicam doctrinam eijcere ex prædicatione diuini propositi in electione prædestinatorum. Ergo non propterea, quod turbati sint ex prædicatione Augustini, (quæ ipsissima est Apostoli prædicatio) debet Augustini doctrina repudiari. Vnde Augustinus epistola 106. consimilem turbationem suis temporibus ortam sepelire fatagens, per easdem semitas Apostoli incedens, non nisi ad diuinum propositum, & voluntatem confugit, dicens.

Ad-

*Adhuc tamen audax mouetur infirmitas,
eorum scilicet, qui secundum coniecturas
cordis humani, inscrutabilem altitudinem
iudiciorum Dei cogitare conantur. Hanc
questionem sibi ex aduerso opponens A-
postolus ait, dicis itaq; mihi, quid adhuc
queritur: nam voluntati eius quis resistit?
Nobis hoc dictū putemus. Quid ergo aliud,
quam quod respondit Apostolus, respōde-
re debemus? aut si & nos talia mouēt, quia
& nos homines sumus, simul oportet om-
nes audiamus dicentem: ò homo tu qui es,
qui respondeas Deo? Nunquid dicit fig-
mentum ei qui se finxit, quare me fecisti
sic; an non habet potestatem figulus luti
ex eadem massa facere aliud vas in hono-
rem, aliud in contumeliam? Hæc massa si
ita esset media, ut quemadmodum nihil
boni, ita nec mali aliqd mereretur: nō fru-
stra videretur iniquitas, ut ex ea fierent
vasa in contumeliam. Cum verè per libe-
rum*

rum arbitrium primi hominis in condemnationem uniuersa defluxerit, proculdubio quod ex ea fiunt vasa in honorem, non ipsius iustitiæ, quæ gratiam nulla præcessit, sed Dei misericordiæ: quod vero in contumeliam, non iniquitati Dei, quæ absit ut sit apud Deum, sed iudicio deputandum est.

Præterea si Paulo Apostolo in mentem venisset noua conciliatio contradictorum August., ex illa debebat rationes conquerentium soluere: at non cum illa soluit, sed recurrédum ad propositum diuinæ voluntatis, hostes fidei euincens, ergo non est vetus Ecclesia de ignorantia taxanda, nec Augustinus Pauli sententiam prædicans submordendus: ergo &c. Discursus sumitur ex Augustini epist. 105: *mirum autem cum his coarctantur angustijs, in quanta se abrupta præcipitent, metuentes retia veritatis, ideo, inquiunt, nondum natorum alii*
oderat,

oderat, alium diligebat, quia eorum futura
opera praeuidebat, Quis istum acutissi-
mum sensum defuisse Apostolo non mi-
retur? Hoc quippe ille non vidit, quando
sibi velut aduersantis obiecta quaestione,
non id potius, tam breue, tam apertum, ta-
men sicut isti putant, verum absolutumq;
respondit: cum enim rem stupendam pro-
posuisset, quomodo de nondum natis, nec
aliquid agentibus, boni, aut mali, rectè di-
ci potuerit, quod unum Deus dilexerit, aliū
odio habuerit, ipse sibi obiecta quaestione
motum exprimens auditoris, quid ergo di-
cemus? inquit, nunquid iniquitas est apud
Deum? absit, hic ergo erat locus, ut diceret,
quod isti sentiunt, futura enim Deus ope-
ra praeuidebat, quando minori maiorem
seruiturum esse dicebat: non autē hoc Apo-
stolus dicit, sed potius ne quisquā de suo-
rum operū audeat meritis gloriari, ad Dei
gratiam, & gloriam commendandam, vo-
luit

luit valere, quod dixit: cum enim dixisset, absit ut sit iniquitas apud Deum, tanquã ei diceremus. Vnde hoc ostendis, cum asseras non ex operibus: sed ex vocante dictum esse: maior seruiet minori. Moyses enim dicit, inquit, miserebor cui misertus fuero, & misericordiam præstabo cui misericors fuero, igitur non volentis, neque currentis, sed miserentis est Dei. Vbi nunc merita, ubi opera, vel præterita, vel futura tanquam liberi arbitrij viribus adimpleta, vel adimplenda? nonne apertam protulit Apostolus de gratuita gratiæ, hoc est veræ gratiæ commedatione sententiam? [& postea] quid persuadere moliebatur, quid inculcare cupiebat? nempe hoc quod ipsorum oppugnat amentia, quod superbia non capiunt, quod sapere nolunt. Hæc Augustinus.

Ultimo ad hominem. Calvinus multum Augustino tribuit, dicens lib.

3. in-

3. instit. cap. 3. à nullo compēdio suis traditam iustificationis doctrinam, neq; opus est, ait, inuestigando, laborare, quid senserint, quando unus Augustinus sufficere ad id potest, qui fideliter, magnaue cum diligentia omnium sententias collegit. Ex illo igitur sumant lectores, si quid de sensu antiquitatis habere certi voluerint. hæc Calvinus proprio gladio se iugulans, ipsissima .n. Augustini doctrina (de iustificatione præsertim) illa est, quæ ab initio vsque ad præsens à catholica Ecclesia prædicata est, & in nouissimo Tridentino Concilio definita. Melancthon in declamatione de S. Augustino, ait. In hac schola Vuittembergensi; præcipue gratam Augustini mentionem esse decet, in qua Augustinus quasi renatus est, & eius doctrina, quæ iacuit obruta densissimis tenebris, non solum restituta est, sed etiam lumen accepit, quæ cum sit necessa-

ria Ecclesiæ, meritò Augustinum amare debemus, qui cœlestem illum thesaurum conseruauit, & paulo inferius. Ornatus est Augustinus miraculis quibusdam, expulit dæmones, & quosdam sanauit egrotos, sed hæc sunt longe præstantiora miracula, successus in gubernatione: & hæc iudicij rectitudo, & fidei constantia; quod uidit Pauli sententiam, de lege, de peccato: de iustitia: fidei tanta fuerat caligo, ut nec sermonis genus in sacris litteris intelligeretur. Hæc ipsa vocabula, quæ sunt præcipua in Ecclesia, quas res propriè significarent, ignorabantur, lex, Euangelium, peccatum, gratia, fides, littera, spiritus. Hæ tantæ tenebræ depulsæ sunt Augustini opere, qui quidem illas tãtas res perspicere, & iudicare nō potuisset, nisi exercitia peculiaria Spiritus degustasset. Cum autē maximè opus sit Ecclesiæ uerā illorum locorum explicatione, decet nos omnes agnoscere

scere Dei beneficium, cuius donum erat doctrinae renouatio: debetur etiam ipsi Augustino gratia, qui litteris mandauit veram interpretationem, ut posteritatem admoneret.] Hucusque Philippus. Vtinam illum non extorquerent, qui sibi fauere tanta impudentia iactitant, & ad cōfictam iustitiam fidei violentissime, & impudentissime trahunt. Vide quomodo Melancton tenebras dispulisse Augustinum pronunciat, non autem in caligine fuisse Augustinum, vel mūdum sub Augustino.

Ioannes Serranus Minister Arausicanus in concordia notione 6. pag. 5. vbi adduxisset multos Patres Doctores Ecclesiæ inter quos recenset Augustinum, & alios: *Augusto, ait, Patrum nomine venerandos [subdit] Planè illorum fides, & authoritas omnibus peræque accepta est sanis.*

Couuellus in responsione ad Bur-
gens. pag. 3. in fine, ait. *S. Augustinus*
scientia, tam diuina, quàm humana cœ-
teros omnes, qui fuerunt, vel erunt, ijs
solis exceptis, qui à Spiritu sancto in spi-
rati sunt, longè superauit. Et Feildus de
Ecclef. lib. 3. fol. 170. in fine, ait. *Au-*
gustinus Patrum, quorū maximus, & om-
nium, quos Ecclesia Dei. ab ipsis Apostolo-
rum temporibus habuit, Theologorum cele-
berrimus. Gomarus in speculo veræ Ec-
clesiæ pag. 96. ante m. ait. *Augustinus*
Patrum omnium communi sententia pu-
rissimus habetur.

Isaac Caufabonus in responsione
ad epistolam Cardinalis Perronij edita
Londini per Ioannem karthon. pag. 29
dicit de Rege Angliæ, quod non dubi-
tat Rex cū *B. Augustino* prouinciare, quod
probatum fuerit, Ecclesiam à prima sua
origine ad illa vsq; tempora, seruasse, id

tanquam impiū velle reijcere, insolentis-
simæ esse insanie] quanti fiat etiam au-
thoritas Augustini, à Rege pronun-
cians.

Quidam Anonymus sub nomine
Cōstantij in Anticotone pag. 131. *Au-
gustinum vocat inter Theologos celeberrimum*. Hæc ex impiorum confes-
sione.

CONCLUSIO ORTHODOXO-
*rum. Magna est authoritas S. Augusti-
ni doctrinæ, & in materia prædestina-
tionis, & gratiæ reijci non potest.*

Respondeo dicendum, sicut Au-
gustinus de Sancto Gregorio
Nazianzeno loquens, eius authoritatē
afferendo circa traductionem peccati
originalis ab vno protoparente in po-
steros, primò contra Iulianum Pelagiā-

num dixit. *An tibi parua in uno Grego-
rio, Episcoporum Oriētalium videtur au-
ctōritas? est quidem tanta persona, ut ne-
que ille hæc nisi ex fide Christiana om-
nibus notissima diceret, nec illi eum tam
clarum haberent, atque venerandum, nisi
hæc ab illo dicta, ex regula notissimæ ve-
ritatis agnoscerēt.*] Cum enim de rebus
ad fidem pertinētibus loqueretur Gre-
gorius, non suum sensum, nec priuatas
opiniones induxit, sed referendo suam
sententiam, sensum Ecclesiæ expressit.
Vnde, & loquenti de regula veritatis,
à cœteris nedum contradictum est; sed
& aures accommodarunt, dexteramq;
dederunt. Ita in materia gratiæ, & præ-
destinationis, idem dicendum de Au-
gustino, quod nec adeo perseveranter,
constanter de arcano prædestinationis,
& gratiæ suam sententiam expressisset,
& inculcasset, nisi ex fidei regula loque-
re

retur. Signum euidentis est ex regula
hac locutum esse, quando nedum O-
rientales Episcopi, sed & Summi Pon-
tifices viuentis, & mortui Augustini
doctrinam receperunt, & approbarunt.
Certo autem certius est, vt dicit idem
Augustinus, nihil Romanam sedem
firmare, nisi quod cum cœteris tenet,
& tenuit perseueranter Ecclesijs, quare
sicut impiũ est Ecclesiæ Catholicæ sen-
sum respuere, & decretis Ecclesiæ con-
traire; sic Augustinum ex Ecclesiæ sen-
su loquentem, temerarium fuit sem-
per exufflare, & quod peius est post
decreta Pontificum Augustini doctri-
nam probantia, Augustino in his ma-
terijs contraire. Cesset ergo oppugna-
re, vt dicit Prosper contra Collatorem,
*qui in hanc austeritatem supercilium tam-
etricæ frontis armauit, vt mensuras
sensuum, pōdera locutionum, numeros syl-*

labarum tanquam insidiosus scrutator e-
uentilauit, magnumq; se aliquid confice-
re præsumpsit, qui catholico prædicatori
notam erroris affixit, quasi incognitum a-
liquod opus; & q̄ hætenus latuerit im-
petatur, ac non illa his morsibus doctrina
lanietur, quæ nouorum hæreticorum com-
menta disiecit, & diabolicum tumorem
Pelagianæ elationis elisit. In alijs autem

Solutio Argumentorum.

AD Primum respondetur, quod
doctrina S. Augustini non est
Apostolo contraria: nam illud, quod
dicit Apostolus, *vult omnes homines sal-
uos fieri.* Primo interpretatur idem Au-
gustinus, vt cum à voluntate Dei om-
nipotentissima dependeat nostra salus,
& volenti saluum facere, nullum resi-
stat arbitrium, vt docetur de correctio-
ne,

ne, & gratia, cap. 14. & in Enchirid. cap.
102. & 103. nullum fieri saluum, nisi
quem saluum esse voluerit, sicut cum
dicitur: illuminat omnem hominem,
vt sensus sit, non quia nullus est homi-
num, qui illuminetur, sed quia nisi ab
ipso, nullus illuminatur. Vide in Enchi-
rid. cap. 97. Habet etiam commodam
aliam interpretationem, vt sensus Apo-
stoli sit pro singulis generum, non pro
generibus singulorum. Sic illud Luc.
cap. 11. cum dicitur: *decimatis mentam,*
& rutam, & omne olus,] illa particula
omne olus, stat pro singulis generum, &
quadrat expositio: etenim dixerat S.
Paulus, paulo ante, vt oraretur pro sin-
gulis hominibus, & specialiter pro Re-
gibus, & ijs, qui in sublimitate sunt, qui
plus alijs ex faustu, & superbia indigent
auxilio, in maiori periculo constituti.
Quare apponens antidotum contra de-

spe-

sperationem, ait, *hoc est bonum, nempe*
orare pro talibus *coram Deo Salvatore*
nostro, qui vult omnes homines saluos fie-
ri, etiam Reges, & in sublimitate con-
stitutos, vbi de hominum generibus
videtur locutus Apostolus. Altera ex-
plicatio est, quod omnes homines vult
saluos fieri causaliter, quia facit nos
velle, & secundum hanc voluntatem,
quam facit in nobis, dicitur velle quod
ipse non vult: sed suos id volentes fa-
cit, vnde quando inspirat Sanctis, vt
orent pro salute omnium, vult Deus, &
non facit; vt ipsum dicamus velle, qui
vt velint isti, facit. Est & alia expositio,
quam tractat Augustinus 4. contra Iu-
lian. Pelag. cap. 8. omnes positos esse
pro multis. sicut ibi est accipitur: sicut
.n. per inobediētiā vnius hominis peccato-
res cōstituti sūt multi, &c. Sed illa plau-
sibilior, quæ impugnata est, nēpe vt in-
tel-

telligatur de oībus hominibus ad vni-
uersitatē prædestinatorū pertinentibus,
ita de correctione, & gratia c. 14. Vn-
de hanc intelligentiam defendit S. Pro-
sper lib. responsionum ad capitula Gal-
lorum cap. 8. & 9. & lib. ad obiectiones
Vincentianas cap. 1. & S. Fulgent. de
incarnatione, & gratia cap. 7. & 13. &
de fide ad Petrum. Sic S. Anselmus lib.
de voluntate Dei, de hominibus præ-
destinatis eundem locum exponit. Et
Beda in explicatione verborum Apo-
stoli. Quis ergo audeat Augustini sen-
tentiam reiicere posteriorum intuitu,
& fractas ratiūculas iterum cōtra Au-
gustinum reparare? *Cur bellum* (ait Pro-
sper contra Collatorem) *confectum re-*
tractant (Augustinum carpendo,) &
munitiones dudum securæ pacis infirmāt?
An victores displicent, & victi placent?
An vero ita se nouorum censorum norma

exa-

*exactior temperavit, ut & nulla eorum,
quæ excisa sunt, asserat, & quædam ex
his, quæ defensa sunt, respuat? &c. Quã-
to Neoterico modestior S. Ambrosius,
qui suam sic temperavit sententiam 3.
de interpellatione c. 2. dicens. Deus qui-
dem omnibus bonus est, quia saluator est
omnium, & maximè fidelium: pulchrè
autem Apostolus explanavit, quia omni-
bus bonus est Deus, qui vult omnes homi-
nes saluos fieri, sed maximè fidelibus di-
uinæ pietatis prærogatiua opitulatur, &
gratia. Quanto modestior Damasce-
nus 2. orthod. fidei cap. 29. (quem se-
quuntur Theologi, & præcipuè S. Tho-
mas p. p. q. 19. art. 6. & in comment.
Apostoli) dicens, illum locum referri
ad voluntatem antecedentem, secundum
quam omnium gentium, & omnium
seculorum salutem optauit, dando au-
xilia externa, interna, &c. & tamen hi*

San-

Sancti, Augustini sententiam non ausi
sunt improbare, nam & si sensum ca-
tholicum habeant expositiones Ambro-
sij, Damasceni, & Theologorum, non
propterea contra regulam fidei est ex-
positio S. Augustini. vnde sicut in simi-
li dicebat Fulgent. lib. 1. ad Monimum.
*Cum itaque hic B. Apostoli locus triparti-
to sit modo, à tribus, quos nominamus viris
sanctis expositus, nempe Augustino,
Ambrosio, Damasceno, quisquis unum
modum, ex tribus posuerit à veritate non
dissentit: neque enim necesse est, ut quod
multipliciter intelligitur in omnibus scri-
ptis, multipliciter inseratur: & iterum in
fine. Nec tuam prudentiam latet eorum,
quæ à Sanctis Patribus, qui fidei catholica
rectam in doctrina Sancti Spiritus defen-
derunt diuersis modis, vel in expositioni-
bus, vel in defensionibus suis inueniuntur
posita, quicquid à nobis ponatur, ita nos il-
lius*

lius loci adstruere veritati congruum sensum, ut alijs Patrum sententijs, æque veritati congruis non denegemus assensũ, etc. quas regulas si modernus ille seruasset, quamuis sectando alias expositiones, tam inaduertenter S. Augustini interpretationem non reiecisset, quæ voluntatem efficacem, & absolutam, quæ in rigore volũtas est, respicit, quæ est prædestinatorum propria; cum alia voluntas antecedens figurata, & hyperbolica voluntas sit potius, quam propria, & exquisita, quæ electos tantummodo respicit.

Verũ est, quod talis propositio, *Deus vult omnes saluos fieri* ne errandi sumatur occasio, distinguenda est, & non nisi cautè, hoc est nõ in multitudine simplicium: iuxta documenta Augustini de bono perseu. c. 14. c. 15. & 16. sicut de prædestinationis mysterio, ad electos

ctos restringenda est.

Ad secundum. Multa S. Augustinus retractauit in specie, quæ de Iacob electione, & Esau reprobatione scripserat ad Simplicianum ipsemet Augustinus referens eam, non ad propositum, sed ad præscientiam, & vt dicit S. Prosper ad excerpta Genuensium responsione ad tria dubia; nobis relinquens exemplum, vt similia quoque faciamus corrigendo, quæ à communi sensu discor-
dant. *Cum omnes opiniones suas censoria grauitate discuteret, istā, quam obtrectatores eligunt improbasse, quam ante Pelagianæ heresis ortum futuro errori amicam esse præuidit, & reuelata sibi gratiæ veritate reiecit. Quæ igitur ratio est, vt hanc viri huius professionem non approbemus, qua nos ad castigandas opiniones nostras, si quas forte imprudenter incidimus exemplo suæ correctionis instituit? &c.*

Ad

Ad tertium. Quod dicit Augustinus
in hac materia, non vt priuatas opinio-
nes obtrudēs, suscipitur : sed tanquam
testis traditionis Ecclesiæ, cui vt irre-
fragabili, & omni exceptione maiori,
Patres, Concilia, Pontifices testimoniū
perhibent. Vnde quæcumque, vt dicit
Prosper de libero arbitrio ad Ruffin.
[de fato, & duabus massis, duabusque
naturis stultissimo mendacio intenti viri
iniuriæ iactitant, neque ipsum quidem o-
nerant, in cuius libris copiosissime huius-
modi destrisuntur errores. Nec nos pertur-
bant, qui tales opiniones cum suis auctori-
bus execramur, sed videant quomodò se à
dedecore istius excusāt falsitatis, qui pos-
sunt tam inepta confingere, si hi quorum
abutuntur auribus aliquantulum diligen-
tiæ ad cognoscenda ea, quæ prestantissimus
minister gratiæ disputauit, intēderint. Li-
cet omnem istius inquisitionis moram, ipsi
qui

qui hæc loquuntur, præuenire deberēt, pro-
ferendo, atq; explicando libros, vllam eorū
particulam demonstrando, quam per dubi-
am saltem intellectionem tali interpreta-
tioni obnoxiam vir sanctus ediderit: sed
prorsus nihil apud nos tale audierunt, ni-
hil tale legerunt, quia non fato quicquam
geri, sed omnia Dei iudicio nouimus ordi-
nari. Nec ex duabus massis, duabus ac na-
tūris, sed ex vna massa, quæ est caro primi
hominis, vnā scimus omnium hominum
creatam creariq; naturam, & eandem per
ipsius primi hominis liberum arbitrium, in
quo omnes peccauerunt, esse prostratam, nec
ullo modo ab æternæ mortis debito liberā,
nisi eam ad imaginem Dei, secunda crea-
tionis gratia reformauerit, liberumq; eius
arbitrium agendo, spirando, auxiliā-
do, & vsque in finem præeundo, serua-
uerit. Vnde quia prospicit sanctitas tua,
si tamen sermonis mei non obsistit obscu-

H ritas,

ritas, frustra quosdam de nobis conqueri,
& omnes illas ineptas criminationes, ad
exasperandos, auertendosque animos eo-
rum, quibus aliud volunt persuadere,
contexti.

Ad vltimum respondit his verbis S.
Prosper cum recensuisset opera Augu-
stini, quæ scripsit de gratia, & prædesti-
natione, &c. videlicet. Agnoscant calū-
niatores, superfluo se obijcere, quod his li-
bris non speciale, neque distinctum testi-
monium si perhibitum, quorum in cunctis
voluminibus norma laudatur. Apostolica
enim sedes, quod à præcognitis sibi non
discrepat, cum præcognitis probat, & quod
iudicio iungit, laude non diuidit. Qui er-
go hos proxime libros refutant, anteriori-
bus acquiescant, & in ijs, qui pro gratia
christiana prius sunt scripti, consentiant.
Sed non faciunt: sciunt enim omnia Pe-
lagiana sibi esse contraria, & nihil sibi
posse

posse competere ad consequentiū resolutionem: Si confitentur in præcedentibus consistere veritatem, prostrati dudum corporis dogmata, in corpore nullum membrum sinant assurgere.

Concludo hanc quæstionem cum Prospero: sufficienter, ut arbitror, demonstratum est, reprehensores S. Augustini, & vana obijcere, & recta impugnare, & prava defendere, peremptorumque armis intestinum bellum mouentes, diuinis, atque humanis constitutionibus rebellare, quorū tamen dum adhuc non sunt à fraterna societate diuisi, toleranda magis est intentio, quam desperanda correctio, donec Dominus per Ecclesiæ Principes, & legitimos iudiciorum suorum Ministros, hæc, quæ per paucorum superbiam, & quorundam imperitiam sunt turbata componat: nobis Deo adiuvante sit studium, quieta, modestaq; patientia odijs dilectionem reddere;

¶ ineptorum vitare conflictus: veritatem non deferere, nec cum falsitate certare: semperque à Deo petere, ut in omnibus cogitationibus, sermonibus, atq; actionibus nostris ipse teneat primatum, qui dixit se esse principium. Quoniam ex ipso, & in ipso sunt omnia, ipsi gloria in secula seculorum, &c. plura de Augustini doctrina diximus in nostro Sacro deposito cap. 24. necessaria ad eiusdem defensionem, ea consulere lector non grauetur.



ARTICVLVS III

*Quantam authoritatem sibi vendi-
cet Angelicus Doctor S. Thomas
Aquinas in Ecclesia Dei.*

Positio Hæreticorum.

ADhuc viuente S. Doctore inimi-
ci Domini contra Sactum Dei
malignauerunt consilium, eius autho-
ritatem infirmare conantes, cum in a-
renam descendens, pro statu religionũ
mendicantium D. D. aliquos, nempe
Gulielmum de S. Amore, & Gyraldũ
impugnasset. Post eius obitum aliqui
articuli, à quibusdam æmulis Doctoris
Angelici, atro lapillo notati sunt. Li-
cet postmodum, maxima Sancti Doc-
laude, ab Illustrissima Academia Pa-
risiensi, aboleti sint, atq; proscripti.

Procedente tempore, à Luthero S. Tho. non tam argumentis, quam calūnijs impetitus. *Thomas*, dicebat impius, est veræ fidei corruptor, & scripturarum dilacerator, diuinique verbi peruersus interpret, verèque adulterator Theologiæ, hæresum, atque falsitatum plurimarum inuentor, & qui Christum ad mundi doctrinam, non mundum ad doctrinā Christi trahat, & rursus, *Thomas* præcipuè sine Patribus, sine Canonibus, sine Scripturis, sine rationibus, plerumque loquitur, & ad Syluestrum Prieratem. Per omnia ferme scripta sua, nil aliud facit quàm disputat, & quod grande etiam est, etiam ea, quæ sunt fidei, in quæstionem vocat, & fidem vertit, in *VTRVM*, & alibi. *Thomas Aquinas* multa hæretica scripsit, quid ad me, quod Bullarum Episcopus eum canonizauit? & lib. de abroganda Missa priuata eundem Sāctum vocat.

Asi-

*Asinum, Mulum, & officium de Sacra-
mento non nisi à summo Dei hoste confla-
tum &c. Plura huius, & aliorum hære-
ticorum conuitia lege tom. 1. Pręscrip-
tionum in Prologomenis cap. 2. & 3.*

Quorundam positio Neotericorum

Quidam Anonymus prodijt Of-
chæ 1627. qui non contentus
Patrum authoritatem infirmare, ijsque
Neotericos DD. coequare, & in ijsdem
subfellijs collocare, omnes neruos po-
stea intendit ad Doctorem Angelicum
pscindendū, vbi .n. primo proposuif-
set quandam imposturam dicendo S.
Tho. discipulos, doctrinā angelicā scri-
pturæ Canonice adæquare, & nil a-
liud prætendere, quam Thoma super-
stite, cętera alia Ecclesię luminaria ex-
tinguere conari (vt postea dicetur) eo

deuenit, vt incertā reddat Sancti Doct.
sapientiam, vt diceret: *non est certum de
reuelationibus, quibus eius sapiētia à suis
commendatur: insuper quod multa ex-
pressè contra fidem in S. Tho. repetiātur,
& tandem, quod magnam partem suæ
sūmę S. Th. ab alijs sit snffuratus.* P. Po-
za in Elucid. l. 4. tract. 5. cap. 5. multa
in laudem S. Thomæ primo congerit,
dicēs. Ignorat, an Sole collustretur Mun-
das, qui D. Tho. dignitatem ignorat. Hor-
tus sunt eius scripta: ex quo ætherei spi-
rant odores. & c. 6. Vt in sole oriente, &
occidente gratissimi colores conspiciuntur:
in Oceano tot rerum opulētia, littorum de-
cor, & insularum amēnitas oculos simul
& mentem trahūt: sic in D. Thomæ doctri-
na vniuersa lumina, faces, margarite, &
scientiarum promptuaria, alliciunt claris-
simos discipulos & alumnos. Displicent
rosæ & balsama, cui Thomas non placet;
ille

ille n. singulis, acutus, nervosus, densus,
solidus, sapientiæ sanctitatis, & iudiciij
plenus est. Nihilominus eodē tract. c. r.
refert aliquos (quibus conuiuere vide-
tur:) dicere, quod approbationes Ec-
clesiæ DD. Hiero. Bonau. hæc solum
præstant. Primò ut aliquam accipiant au-
thoritatem, & honorem ex Potificum lau-
de. Secūdo, ut declarētur utilia scripta, atq;
ad eò alliciantur fideles ad eorum discipli-
nam. Tertio ut amoveatur ab ipsis, suspi-
cio de hæresi voluntaria. Quarto ut horum
allegatio faciat probationem, etiam si au-
thor nullam afferat, dum tamen opposi-
tum non probetur. [vnde (ait) colligunt
sic esse probatos DD. tempore Gelasij,
ijsdemq; adnumeratos, S. Bonau. &
Thomam: similiter, subdit, Sic etiam no-
stro seculo grauissimi, & diligentissimi vi-
ri, qui omni studio in hæreticorum errores
inuecti sunt, à Rom. Pontifi. litteris hono-

ran-

*rantur: ut illi, & doctrinae, & integrae fi-
dei sint argumentum. Hæc apud Pozam.
Quibus verbis, ut peculiarem gloriam,
& approbationem. S. Doct. prima fron-
te admittere videntur, ita etiam exte-
nuant, dum peculiarem S. Thomæ au-
thoritatem faciunt cum ceteris recen-
tioribus communem; perinde .n. esset
dicere. Tantæ authoritatis, est S. Tho-
mas, quanta huius, vel illius Neoterici,
qui litteris meruerunt honorari, à Sede
Apostolica, quæ comparatio, vel odio-
sa, vel contentiosa satis demonstratur.
Idemmet Poza trac. 5. c. 3. pag. 1213.
vbi adduxisset multos tenētes in s. Th.
doctrina multas reperiri propositiones,
quas Ecclesia repudiavit, quæ referen-
tur in argumentis, sic suum interposuit
iudicium dicēs. *Nullam esse in operibus
D. Tho. propositionem damnatam, quæ ab
illius mente, & calamo sit profecta, si quæ*
au-*

autem est illa, à tempore, ab amanuēſibus,
& Typographis irrepſit, & poſtea rela-
tis ijs (quos affigunt) erroribus (& re-
ferentur infra) ſubdit Poza. *Nolo decer-
nere, an vniuerſæ illæ propoſitiones, quas
huius Tertiæ ſolutionis DD. adducunt,
mereantur cenſuram, & quæ tandem illa
eſſe debeat; aliquas mereri inſinuans ex
recenſitis, ſe cenſore, dignas eſſe cēſura.*

Obiectiones antiquæ.

ARguunt Primo. quia in articulis
Parifiſienſibus in 79. ſic dicitur,
quod *ſubſtantię ſeparatæ ſint ſua eſſen-
tia, quia in eis idē eſt quod eſt, & per quod
eſt, error.* Hoc autem docetur à S. Th. p.
p. q. 3. a. 3.

Secundo in arti. 82. ſic dicitur, quod
quia intelligentiæ non habent materiam,
Deus non pōt plures eiꝯſdē ſpeciei facere;
error,

error: Id autem docuit S. D. q. 50. a. 4.

Tertio quod incōueniens est ponere aliquos intellectus nobiliores alijs, quia cum ista diuersitas nō possit esse à parte corporum, oportet quod sit à parte intelligentiarum, & sic anime nobiles, & ignobiles, essent necessario diuersarum specierum. *error:* quia sic anima Christi non esset nobilior, anima Iudæ, & hūc art. docuit D. Tho. p. p. q. 85. a. 7.

Quartò in articulo 229. vbi dicitur, quod voluntas manente passione, & scientia particulari in actū, non potest agere cōtra eam: *error*, cui est cōsimilis art. 163. quod voluntas necessario sequitur, quod firmiter creditum est à ratione, & quod nō potest abstinere ab eo, quod ratio dīctat. *error.* & iterum quod voluntate existente in tali dispositione, in qua nata est moueri, & mouēte sic disposito, quod natum sit mouere, impossibile est, voluntatem non velle,

velle, error: & art. ille, quod si ratio recta,
uoluntas recta: at hoc docet S. Tho. p.
2. q. 77. a. 2.

V. art. est 136. vbi dicitur: si Caelum
staret, ignis non ageret in stuppam, quia
nec Deus esset. Error. at hoc docet S. Th.
in disputatis ar. 4. de potentia. q. 8.

VI. Art. est 17. quod scientia contra-
riorum solum est causa, quare anima ra-
tionalis potest in opposita, Error: At hoc
docet S. Th. 1. 2. q. 6. art. 7. ad 2. & q.
17. 1. 2.

VII. Articulus est 187. quod nos me-
lius, vel peius intelligimus, hoc prouenit ex
intellectu passiuo, quem dicit esse potentiā
sensitiuam. error: quia hic ponit vnum
intellectum in omnibus, aut æqualita-
tem in omnibus animabus, at hoc do-
cet S. Thomas. p. p. q. 29. a. 2. ad. 2. vi-
detur. n. dicere intellectum passiuum
esse potentiam sensitiuam.

VIII.

VIII. est 212. quod *intelligentia sola volūtate mouet Cælum*, error: sequeretur .n. posse mouere vniuersum, at voluntate celum moueri docet S. Th. multis in locis, vt quodlib. 6. a. 2. q. 1. ad 2. de malo q. 16. 1. 14.

IX. & est penultimus articulorum Parisiensium, quod *intelligentia, Angelus, vel anima separata nusq; est*; error. At hoc sequitur ex Sancti Thomae doctrina; qui p. p. q. 52. ar. 1. docet Angelum non esse in loco secundum suam substantiam, sequitur autem nusquam esse Angelum, si suam virtutem nulli loco applicaret. Has omnes obiectiones recenset Magister Fr. Ioannes de Neap. quolib. 6. q. 2. in M. 5. codice qui extat in insigni Bibliotheca Sancti Dominici de Neapoli.

*Alie Obiectiones modernæ
Illius Anonymi, & sequacium.*

I. **A**mplius S. Thomas est particularis Doct. sicut Durandus, & Scotus, ceteri alij : tantam ergo auctoritatem habebit, sicut, & ceteri. Anonymus in suo memoriali.

II. Præterea in doctrina S. Thomæ multa sunt per Ecclesiã reprobata, non ergo auctoritatem tantam obtinere dicendum est, quanta desideratur à suis. Anonymus. Antecedens probatur primo ex 3. p. q. 27. a. 2. ad. 2. ubi dicitur quod si anima B. Virginis non fuisset contagio originalis peccati inquinata, hoc derogaret dignitati Christi secundum quod est omnium Saluator] & ibi ad 3. ait; [nec per hoc quod festum Cō-

ceptionis celebratur datur intelligi,
quod in sua conceptione fuerit Sancta,
sed quia quo tempore sanctificata fue-
rit, ignoratur, celebratur potius festum
sanctificationis, quam conceptionis, in
die cōceptionis ipsius] hoc tamen re-
pugnat intentioni Eccles. &c.

II. in 3. p. q. 25. a. 2. ad 3. expresse
docet, humanitatem Christi non esse
adorandam, adoratione latriæ; hic autē
est error manifestus. ergo &c. Anony-
mus, & alij apud Pozām trac. 5. c. 34.
pag. 1212.

III. S. Tho. 2. 2. q. vlt. ar. 2. ad primū
hec verba habet. *vota simplicia sunt ine-
pta ad Religionem*, &c. at hoc per bullam
Gregorij XIII. quæ incipit *ascendente
Domino*, reuocatum est. Nam Iesuitæ
sunt veri religiosi; quando emittūt vo-
ta simplicia, & constitutionibus Eccle-
siæ id declaratum est.

IV. q.

IV. q. 156. a. 3. in corpore ait; *uotum paupertatis cum rerum Dominio non conuenire: & hoc similiter per eamdē Bullam est reprobatum.*

V. S. Tho. in 4. d. 24. q. 2. in corpore, & solutione ad primum: ait, Episcopatum non esse Sacramentum, quod est contra doctrinam Cōcilij Trident. sess. 23. c. 4. dicit. n. *Sacrofancta Synodus declarat, præter ceteros Ecclesiasticos gradus, Episcopos, qui in Apostolorum locum successerunt, ad hunc Hierarchicum ordinem præcipue pertinere, & positos, sicut idem Apost. ait à Spiritu Sãcto regere Ecclesiam Dei, eosq; presbyteris superiores esse, ac Sacramētum confirmationis conferre, ministros Ecclesiæ ordinare &c.*

VI. 3. p. q. 78. a. p. ad primum docet S. Thomas: non fuisse Dominū Iesum Christum vsum in cœna alijs verbis benedictionis, quā cōsecrationis, quod

I etiam

et dicit Anonymus : Hoc vero est contra Conc. Trident. sess. 13. cap. primo, ubi sic dicitur : Christum Dominum ante consecrationem sui corporis, & sanguinis benedixisse panem, & vinum. Vnde subdunt alij apud Pozam, quos non reprehendit, emendandos Theologos Cathedismi Pij V. tit. de Eucharistia, qui aliter sunt opinati.

VII. S. Tho. 2. 2. q. 64. a. 7. ad. 3. docet, Clericum se defendentem, & sine peccato occidentem alium, irregularitatem incurrere : hoc autem reprobatur per Ecclesiam in Clemen. si furiosus, de homicid. idem arguit, & inculcat Poza lib. 4. tract. 7. c. 4.

VIII. p. 2. q. 102. a. 4. ad 6. asserit Propitiatorium esse tabernaculum lapideum, cum tamen Exod. 35. dicatur, fuisse ex auro mundissimo.

IX. 2. 2. q. 188. ar. 7. asserit S. Th. votum sol-

ti sollemnitatem consistere in quadam
consecratione, seu formula spiritali,
quæ ex Apostolorum traditione, & iu-
re diuino, habet vim ligandi: Hoc autē
est contra decretū Bonifacij VIII. in c.
vnico *de uoto*, & *voti redemptione*, &
Greg. XIII. in Bulla *Ascendente Domi-
no*, dicentium, sollemnitatem voti, sola
constitutione Ecclesiæ inuentam esse.
Idem arguit, & inculcat Poza lib. 4. c. 4.
X. 4. d. 41. q. 1. a. 4. ad tertium docet
S. Tho. quod quando sponsalia, sunt ir-
rita, & nulla, oritur ex impedimento
publicæ honestatis. Sed hoc reuocatum
est per Alex. 3. c. *ad audientiam tit. de
sponsalibus*.

XI. Alij arguunt apud Pozam tract.
5. c. 1. q. S. Tho. p. 2. q. 81. ar. 3. in corpo-
re dicit, quod secundum fidem catho-
licam, firmiter est ponendum, s3 om-
nes homines præter solum Christum

ex Adam deriuari , & peccatum originale, ex Adam contrahere, alioquin nō omnes indigerent redemptione , quæ est per Christum , quod est erroneum: hæc tamen doctrina sine errore iam non potest defendi, & ab Ecclesia proscripta est. Hæc illi.

XII. Arguunt alij apud Pozam in Elucid. lib. 4. tract 5. c. 4. §. de beo &c. S. Tho. docet votum simplex castitatis in religione non irritare matrimonium contrahendum, sed solum irritare, votum sollemne: at hoc aduersatur Bullæ Greg. XIII.

XIII. quod Pater , & Filius , possunt dici duo spiratores, sicut duo spirantes. 1. dist. 11. a. 4. cuius contrarium in Lugdunensi Concilio definitum est.

XIV. S. D. sequēs Magistrum 2. dist. 6. q. 2. ait: Filius Dei assumpsit hominē ex humana carne , & anima rationali

con-

constitutum. Insuper quod hæc propositio: *ille homo cæpit esse Deus, & Deus cæpit esse homo, licet, ait, sit falsa, non tamen est hæretica*: hæreticam tamen dicit idem S. Doctor 3. p. q. 7. a. 4. in fine.

XV. p. p. quæstione 47. a. ult. ad 3. ait, quod Deus, non potest de potentia absoluta, aliam terram creare, præter istam, quam habitamus: hoc autem est contra Dei omnipotentiam.

XVII. 2. contra Gent. cap. 30. docet quod sit possibilis creatura, absoluta necessitate existens, quæ proinde non possit non esse. Certum autem, quod talis creatura Deus esset, hæc quidam apud Pozam.

XIX. Non est maior S. Tho. Chrysostomo, & alijs PP. quorum tamen multas sententias repudiat Ecclesia; quid mirum si aliqua propositio eius possit ab Ecclesia censurari? Quidam

apud Pozam lib. 4. tract. vlt. c. primo.

XX. Addit Poza . quemadmodum Ecclesia contra scripta Irenæi, Cypriani, Chrysostomi, & aliorum, qui dignitate pollebant, & antiquitate, decreuit nonnulla , potest , & in Angelici D. scriptis minus piam sententiam de conceptione, erroneâ, vel hæreticam in posterum declarare. pag. 1211. ergo &c.

XXI. Autoritas D. Tho. maxime eleuatur: quod diuinitus accepta fuerit, & visionibus diuinis illustrata : at hoc nihil est, quia apparitio Apostolorum, quæ facta fuit S. Tho. fuit, etiam facta S. Chrysostomo, & tamen vterque diuersas, & aduersas sententias habent, in epist. ad Rom. & ad Galat., & citat Poza multa dicēda, in sua Biblioth. Scholast. Secundo detur, q̃ fuerint veræ istę reuelationes non sunt intelligendę , q̃ singula verba, & sententias probarint.

Ter-

Tertio, quia tales reuelationes particulares, vim non habent, nisi probentur à Summis Pontificibus: solummodo habent vim ad coniecturalia, & ad pietatē & popularem captum, si cum prudentia adhibeantur. Quarto, quia multæ euanidæ deprehensæ sunt, vt patet de multis relatis à Sancto Vincentio Ferrerio epist. ad Benedictum, & S. Antonino in Apolog. pro S. Vincētio. Quinto quia etiam pro Scoto fuit diuinitus facta reuelatio, vt dicit Ludouicus de Manganellis S. Amadæo sub his verbis: *Angelus erudiens Amadæum de Sacramento altaris monuit, vt in eius difficultatibus cum Scoti doctrina consulere* dicens. *Senties de ipso secundum modum, quem scripsit vnus Pater Ordinis tui, qui plenus est Sanctitate, quia primus exemi gladium pro immaculata conceptione.*

XXII. Alij apud Pozam arguunt.

I 4

Quia

Quia Thomistis commune latibulum
est, ut ubi probare robusta ratione, vel
authoritate sententias nequeunt, illico
inclament. *Patres contemni, alleniare Bona-
uenturae dignitatem. Thomae Sanctita-
tem contemni*: at hoc falsum est, ait Po-
za quia sicut Irenæus lib. 3. c. 133. con-
futauit eos, qui Paulum dumtaxat af-
firmabant ex Apostolis cognouisse ve-
ritatem, sic, & ij confutari merentur, qui
se arbitrantur Damascenum, vel Tho-
mam, vel Bonauenturam, aut alium ex
Scholasticis etiam P. P. verum sensisse,
alijs spretis, siue DD. siue Sanctissimis
Ecclesiæ viris; Vnde sic dicit Irenæus.
*Neq; enim ut solum Paulum saluare ve-
nit Dominus noster, nec sic pauper Deus,
ut unum solum haberet Apostolum, qui
dispositionem Filij sui cognosceret. Pau-
lus autem dicens: o quam speciosi pedes
Euangelizantium bona, Euangelizantium*

pa-

pacem, manifestum fuit, quoniam non unus, sed plures erant, qui veritatem Evangelizabant. Ad quid enim mittebat duodecim Apostolos, quomodo, & 70. vera predicabant? Nō adeò pauper Deus, vt solum habeat Athanasium, vel Augustinum, vel Thomam, vel Bonauenturam &c.

Amplius. cum nec Damascenus, nec Bonauentura, nec Thomas pro nobis fuerint Crucifixi, nec Patres sint, vel Matres secundum carnem eius, qui pro nobis crucifixus est, plurius apud nos esse debet Christi, & Mariæ illustris gloria per quamcumq; probabilē opinionem collucens, quam Doct. cuiuslibet existimatio in controuersijs arbitrarijs, & liberis ex pmissione Sedis Apostolica, & Romanæ, ergo illę præferendæ in rebus arbitrarijs, quæ cum maiori pietate, & honore, Virginis, & filij consentiunt

tiunt, etiam si aperte D. Tho. in opposita mente, quieuisset. Hæc Poza.

XXIII. Quia vanus, & incōstans S. Thom. deprehenditur in multis; multa enim retractauit senex, quæ iuuenis edocuit, vnde summa à suis, vltimum testamentum, & codicillus appellatur: ergo dicant hi authores (dicit Poza lib. 4. cap. 4.) id quòd quoquè Phebadius lib. contra Arianos dictauit, cui cum obijceretur Hosius Cordubensis, quod priorem sententiam sanam abiecisset, vt Arianis subscriberet, ait. *Non potest eius authoritas præscribi, qui, aut nunc errat, aut semper errauit. Nouit enim Mundus, qui in hanc senuit ætatem, quã si diuersa nunc sentit, & quæcumque ab eo retro damnata fuerant, defenduntur, quæ defensa damnantur: rursus dico, nō eius authoritate mihi præscribitur, nam si 40. annis verè non credidit, post 40. illū rectè*

rectè sentire non credam.

XXIV. Potest argui ex Pererio in Genes. lib. 2. q. 7. nam S. Thom. de anima in disput. a. 8. non solum secundum Philosophi sensum, sed etiam de suo ostendit, cælos esse animatos anima intelligente, & 2. contra Gentes cap. 70. dicit hoc non pertinere ad fidem, cum tamen, error sit damnatus Origenis in 6. synodo, ut patet ex præfatione in qua hic canon ponitur. Si quis dicit Cælum, Solem, Lunam, Stellæ, &c. esse animatas quasdam, & rationales virtutes, anathema sit.

Argumenta in Oppositum.

Sed contra est primo authoritas sum. Pontificum. Innocétius V. in sermone, qui incipit: *Ecce plusq; Salomon hic, tale testimonium perhibuit do-*

tri-

Arinae S. Thomae . Huius D. sapien-
tia præ cæteris (excepta canonica) habet
proprietaem verborum , modum dicendorum
veritatẽ sententiarum , ita quod qui eum
tenuit , nunquam inuentus est à veritatis
tramite deuiasse , & qui eum impugnauit
semper de veritate suspectus fuit.]

Infirmare hoc testimonium conatur
Poza in Elucidario lib. 4. tract. vlt. c. 1.
dicens . Hoc testimonium non esse da-
tum à Pontifice , nec in Chronicis Fer-
nandi Castillo reperitur , nec admittendũ
est, cum nullam habeat veritatem. Nun-
quid de veritate suspecti Nominales, Sco-
tistæ, Bonauenturistæ, Durandistæ, & alij
Scholasticorum greges , quorum Scholas
Christiane Academiæ , & Summi Ponti-
fices probauerunt?

At clara contra Pozam est impu-
gnatio , cum in operibus S. Thom. &
antiquis alijs libris, à tali Pontifice tale
testi-

testimonium perhibitum legamus, vide Albertum de Monte in initio lib. de anima impressi 1494. & Ioannem Flaminium in vita S. Tho. Nec quia Fernádez Castillus illud non recenset; confictum estimari potest; argumento negatiuo impugnator non inniti debebat, cōtinet autem illud dictum veritatem respectiue, quod qui Thomam impugnauit, est de veritate suspectus, nec enim in diuinæ legis quæstiunculis S. Thom. impugnare piaculum reputatum est, sed in ijs quæ dogmata, & sanam doctrinam continent, publicāq; & communiter receptam doctrinam.

Nitela etiam Damiani Hiberni pag. 42. vbi prius lusisset de hoc testimonio, quod nō sit vniformiter citatum, nam alij citant Innocentiū IV. alij V. alij VII., respondet, incertum esse an Pontifex id dixerit in minoribus, an in digni-

dignitate Pontificali constitutus. Et iterum, eo admissio [pro deuotione in Sanctum virum magis benignus laudator fuit, quā quod ex cathedra quicquam ordinare intendit.] Quis dubitat? sed sicut, nec definitorem eius asseri Pontificem pronunciamus, ita nec vt assentatorem, sed potius veridicum laudatorem defendimus, ea laude vt non de omnibus quæstiunculis Pontifex locutus sit, vt iam dictum est nec, de opinionibus, sed clavis, & firmis sententijs ex Patrum doctrinis, & Ecclesiæ sensu depromptis. Notoria, publicaue doctrina Ioannes XXII. qui S. Tho. Canonizauit sic dicit: in doctrina S. Thom. [*illud Rigans montes de superioribus suis, de fructu operum suorum satiabitur terra; in eo verissime impleretur, quod utique Thomas idem Sanctus, dum esset in Sacra pagina Magisterium*

rium sumpturus assumpsit, quodque (ut fertur) reuelatione sibi post suam orationem facta, didicerat, dum propter iuuentutem suam, ipse se inhabilem ad Magisterium reputans, quid proponeret, in instanti principio hæsitaret.] & infra dicit; quod opera sua Theologica, [non absq; speciali Dei infusione perfecit.] Hæc ille Pontifex. De eodem Ioanne XXII. fertur dixisse S. Thomam tot miracula fecisse, quot articulos composuit. Ridet hæc Nitela Hibernica dicēs fol. 43. Quidam Ioanni XXII. hæc verba adscribunt, Bulla tamen canonizationis id non exprimit, nec aliunde iudubitabili fide adstruitur talia dixisse. Si è nostra domo esset solum profecta ista sententia, apparens esset responsio: sed etiam ab exteris scriptoribus fide dignis indubiè refertur. Legat opponens Gersonē opusc. contra impugnantem ordinem

Char-

Charthus.to. 2. vbi eã refert sententiã
à tali Pontif. prolatam, & subdit: *eius-*
dem dicti rationem: [quia omnes resoluit
lumine plusquam humano,] sed adhuc
Nitela. *Dixerit Ioannes PP. non dogma-*
tica, sed hyperbolica locutio est. Dogma-
ticam non esse agnoscimus, Hiperboli-
cam si dicit grauem sententiam Ponti-
ficis, videat ipse parabolicus.

Sed quid respondebit Poza, qui re-
uelationes, quibus S. Thom. doctrina
probata est eo tit. reiecit, *q̃ infirmæ sũt,*
utpote, ait, Apostolica Sedis Rom. approba-
tione destitutæ? Nonne in suo tamen
gradu Pontifex Rom. reuelationẽ, qua
cius scientiam probauit, ex communi
fama petitam, nedum non spreuit, sed
etiam assumpsit ad intentum proban-
dum, quod reuelationibus diuinis San-
ctus decorabatur? quid respõdebit eidẽ
Pontifici dum dicit, *nõ sine speciali Dei*
in fu-

infusione opera Theologica S. Tho. di-
ctasse? an specialis infusio diuinis illu-
minationibus, & reuelationibus aduer-
satur? cur S. Thom. doctrinam ex non
probatione reuelationum istarum in-
firmare nititur, cum non leue Ponti-
fex ijsdem testimonium perhibeat? An
dicet Bullam canonizationis à Domi-
nicanis cōfictam, sicut ausus est dicere
de testimonio Innocētij? Quæ certitu-
do erit per hanc reuelationem si post
tantam nubem testium licet hæsitare?
Alia testimonia afferamus. Clemēs VI.
in Bulla Auenioni die 5. Feb. vt refert
Castillus tom. i. lib. 3. eandem do-
ctrinam S. Doct. commendans, ait. Illā
*esse singularem, ex qua vniuersalis Eccle-
sia vberrimos fructus spiritualis abundā-
tiæ colligit, cuius odore recreatur, & nu-
tritur.*

Urbanus V. in Bulla ad Archiepi-

scopum, & doctores vniuersitatis Tolosanæ, data apud Montem Flasconem die 30. Aug. tale de S. Tho. doctrina testimonium perhibet. [*Nos attendentes quanta à Deo scientia dotatus, Ordinē F.F. Prædicat. & vniuersalem Ecclesiam S. Thomas illustrauerit: volumus, & tenore præsentium vobis iniungimus, vt dictā B. Tho. doctrinam, tamquam veridicam, & catholicam sectemini; eamq; studeatis totis viribus ampliare.* Hæc ille. Sed quid Nitella pag. 42. vbi hanc bullam, seu Epistolam recensuisset, quasi ludens, his se moueri non ostendit, ac si essent figmenta; vnde subdit. *Huius doctrinæ certiores approbationes nō reperio, præterquā quod in Doctorem numerum sit ascriptus, & quod viros habeat grauissimos sectatores.* Sed parum est hoc? minimè, nam hoc solum satis est ad S. Doctoris excellentiam declarandam, vt præferatur

ijs, quibus S. Thomam postponit : & fortissimum argumentum ex approbatione desumitur, cum approbatio sit vnius præ alio electio. Altius ergo, & sublimius reperit Ecclesia in S. Doctore, quod in multis, & famosissimis non adiecit. Ergo approbationem adducamus, vt pondus doctrinæ noscamus.

Pius V. in Bulla 11. April. 1576. ait, quod S. Tho. [*certissima Christianæ regule doctrinæ, Sanctam Apostolicam Ecclesiam (in finitis confutatis hæresibus) illustrauit*]. & iterum dicit. Diuina prouidentia [*factum est, vt Angelici Doct. vnde & veritate doctrinæ (ex eo tempore, quo cælestibus ciuibz ascriptus fuit) multæ, quæ deinceps exortæ sunt hæreses, confusæ, & conuictæ dissiparentur, quod, & ante, sæpè, & liquido nuper in S. Concilij Tridentini decretis apparuit*] & iterum, quod eius meritis [*orbis terrarum a pe-*

stiferis quotidie erroribus liberatur:] amplius, indulgentias cōcessit in Cappella Sanctissimi Crucifixi in conuentu S. Dominici [in quo scriptoris Angelici doctrina Saluatoris Crucifixi ore (sicut pia testatur historia) mirabiliter probata fuit] Dubitare ne audebit aliquis de huiusmodi approbatione, historijs Pij, indulgentijs decorata, litteris Apostolicis communita? Hic Nitela pag. 43. primo inuehitur fingens hostem quem feriat, quod dictum sit à nostris S. Tho: esse regulam Christianæ fidei, & Pium V. Pontificem dicere: ex certissima Christianæ doctrinæ regula adductum esse Io. 22. ut eum sanctorum numero adscriberet, ex qua regula dicit Thomam confutasse hæreticos, & subdit, de reliquo, in bulla præfatam doctrinam non aliter approbat, quàm commemoratione fructus eius, & institutione festi &c. eius autem doctrinam Ecclesiæ

clesiæ sequendam, nec proponit, nec præci-
pit, &c. Nullus Scholæ S. Thomæ pru-
dens, & cordatus potuit dicere S. Tho-
mam esse mensuram, & regulam cre-
dendorum, quam S. Th. in Pontifice
Rom. cognoscit. 2. 2. q. 1. a. 10. Vnde
symbolum Athanasij ex Pontif. Rom.
habuit, vt regula fidei haberetur. Sed cū
ex regula Christianæ fidei asseratur Th.
confutasse hæreses, &c. magna Thomæ
laus est, quod illi tanquam Angelo sit
datus iste calamus mensuræ ad distor-
ta à rectis separanda, & per consequens
à fidei regula sit primo regulata, vt ce-
tera per Thomam in materia dogma-
tica dirigerentur.

Clemen. VIII. in breui ad Neapoli-
tanos, cum sibi S. Tho. in patronum de-
legerunt sic dicit, in Breui directo ad
Ciues Neapol. die 23. Nouemb. 1612.
Proinde piè, prudenterquè cogitatis de no-

no Ciuitati Patrono adsciscendo, ciue ve-
stro, diuinæ voluntatis **ANGELICO**
INTERPRETE: cuius doctrinæ
tantum fuit tributum, ut Christianæ eru-
ditionis suæ illud habeat testimonium: Be-
nè de me Thoma scripsisti. Pressus his te-
stimonijs author Nitele Hibernicę pag.
43. Quod de verbis Crucifixi, & de Epi-
stola Urbani Papæ profertur, libentissimè
admitto, et malignus est, qui negat D. Tho-
mam benè de Christo scripsisse, aut doctri-
nam eius non esse sanam, & veridicam;
hoc tamen nihil prohibet, quin & alij in
Ecclesia fuerint sani & veridici. Quis
hæc inficiat? sed quis negabit præroga-
tiuam factam Thomæ doctrinæ, non
alijs præiudicialem, sed Thomæ specia-
lem. Non præiudicatum est ceteris pro-
phetis, quod Moyse Deus locutus sit, si-
cut loquitur amicus amico suo, nec
ceteris Apostolis, quod Ioannes super
pectus

pectus Domini in cœnâ recubuit, specialis prærogatiua communē dilectionem non abstulit : ita in nostro proposito dicendum, non ex hoc Alensi, Alberto, Bonauenturæ, Scoto præiudicatum est, si in hac benedictione dulcedinis sit præuentus, cum & ipsi alias obtinuerint benedictiones, & alias gratias gratis datas, nec .n. vnum gradum habent scientia, & sapientia; & multiplex, & multiformis sit gratia Dei, vt meliora charismata cui vult, elargiatur.

Idem Clemens in alio Breui ad eosdem deputatos Neapolitanos, inter alia sic dicit, *Hic siquidem honor eius virtutibus cum admirabili doctrina coniunctis, iure optimo debetur, ac doctrinae quidem Testis est ingens librorum numerus, quos breuissimo tempore in omni disciplinarum genere, singulari ordine, ac mira perspicuitate sine villo prorsus ER-*

RORE conscripsit. In quibus conscriben-
dis, interdum SS. Apost. Petrum, & Pau-
lum alloquentes, locosque illi quoque Dei
iussu enarrantes habuit, & quos deinde
consriptos, expressa Christi voce compro-
batos audiuit. [Quid dubitandi occasio-
nem dat Poza de visionibus factis S.
Thomæ tanquam si essent somnia, &
visiones nocturnæ? Quid mussitat A-
nonymus (eodem Poza non contradi-
cente) in S. Thomæ doctrina reperta
multa, quæ sint contra orthodoxam fi-
dem, cum testimonium perhibeat S.
Doctori, quod sine vlllo prorsus errore
cōscripserit. Quid aliqui momi rodunt,
S. Th. magnam partem, suæ doctrinæ
hausisse ex Bellouacensi, cum Pontifi-
ces infusioni potius, quam inuentioni,
vel humano labori tantam librorum
copiam adscribant?

Idem Clemens ad Proregē Neap.
die

die 23. Nouemb. 1603. anno 12. Pon-
tific. sui scripsit, quod sapiētia Thomę
[diuino eloquio, & cælesti doctrina, mira-
culisq; illa quidem illustris, meritò apud
remotissimas nationes, summa Christiani
nominis cum laude, atque Ecclesię utili-
tate celebratur; & postea. Huic certè ar-
dentiori quadam voluntate annuimus,
quod [Nos ipsi Angelico huic Docto-
ri, & nostro, & totius Christianę Ec-
clesiæ nomine, plurimum D E B E-
MVS &c.]

PAVLVS V. in Breui 1607. 17.
Decemb. cuius sollicitator esse merui
cum Romę esset socius Procuratoris
Generalis b. m. M. Fr. Marci de Mar-
thenisio, cuius memoria in benedictio-
ne est. Splendidissimi Catholicę fidei a-
thletę B. Thomę Aquinatis, cuius scrip-
torum clypeo militans Ecclesia hæretico-
rum tela feliciter eludit, honores, & ve-
nera-

*nerationem in dies magis, magisq; augeri,
plurimum in domino gaudemus.*

Secundo arguitur, quia doctrina S. Thom. tribus illis notis exornatur, quæ doctrinam Apostolicā monstrant, nempe, vnitatis, vniuersitatis, & consensionis. Vnitatis, quia vox S. Thom. videtur esse vox illa multitudinis de ore Christi expressa, siquidem omnium Patrum quinta essentia expressa cernitur eius doctrina, propter quod sæpè appellatur communis Doctor, vnde ne latum vnguem à PP. discedit, duriuscula dicta ad bonum sensum trahens, obscurissima interpretas, vt merito de illo pronūciauerit Caiet. in 2. 2. q. 148. ar. 4. quod S. Thom. illud præmium reportauit, *vt intellectum omnium PP. sit adeptus*, illi quoque potest adaptari, q̃ de quodam antistite Ecclesiæ Neocæsariensis scripsit Basil. Ecclesiæ Neocæsariensis

caesa-

caſarienſi, [*nihil de ſuo, nihil quod nouæ alicuius cogitationis inuentum caperet, in medium attulit, vel nouitiâ doctrinam ſacrę fidei inconſonam, & moribus repugnantem hic vir, ſed iuxta benedictionem Moysi ex ipsis arcanis cordis ſui, ac bonis theſauris vetera veterum, & quę ante faciem iuniorũ vetera eſſent proferre nouit.*]

○ Vniuerſitatis nota eius doctrina refulget, nam per vniuerſum Orbem terrarum, illuſtriores Religiones illius ſcholę ſunt addicte. Prędicatoribus iniungitur ex Cap. generali Bononię 1564. vt quicumque à ſolida doctrina S. Thom. reſceſſerit, & verbo, vel ſcripto contrarium dixerit, officio leſtoratus, & quocumq; alio gradu, & dignitate in perpetuum priuatus ſit.

In Conſtitutionibus Societatis Ieſu p. 4. c. 14. §. 1. ſic dicitur, *legatur doctri-*
etri-

Et in Scholaſtica D. Thom. & in Congregatione Generali can. 9. ſequantur noſtri PP. in Theologia Scholaſtica doctrinam S. Thom. nec deinceps ad Cathedram Theolog. promoucantur, niſi qui D. Tho. doctrinæ benè affecti fuerint, ab ea vero alieni, docendi munere repellantur. Hæc præ ſua religioſitate, & modeltia Reuerendi Patres Societatis. In relatione pro canonizatione facta pro ſancto Ignatio eiufdem ſocietatis parente per Dominum Card. de Môte dicitur. Quod hic S. Nouas opiniones haud unquam admittit, & in Theologia Scholaſtica doctrinam Doctōris Angelici ſecutus eſt.

Religio Carmelit. Diſcalceat. [lectores Theologi operam dabunt, ſacrâ doctrinam à ſanctis Patribus, præcipuè à D. Thom. traditâ edocere, idēq; Lectores artium obſeruent, ſin minus officio Lectoratus priuentur:] & multum

tum insudant pro sua pietate, qua pol-
lent, in illustranda S. Thomæ doctrina.
Idem in Collegio S. Laurentij, el Re-
gal, mandato Philippi secundi Regis
statutum est: In multis alijs Religio-
nibus idem sancitum est, eorundem
municipalibus legibus.

Consensus mirificè refulget in san-
cti Thomæ doctrina, omnes enim ferè
doctores antiqui S. Thomam, *Doctorem*
communem vocant, quem non nomi-
nassent, si in eo communem Theolo-
gorum sensum non aspexissent, com-
munemque doctrinam, quam semper
sequitur, nouellas phantasias semper
abhorrens. Vnde ad communem hanc
doctrinam, communemq; veræ doctri-
næ traditionem respiciens Stephanus
Episcopus Parisiensis aduersus æmu-
los S. Thomæ hæc pronunciauit. S.
Thomas vniuersalis Ecclesiæ lumen præ-
fulgi-

*fulgidū, gemma radians Clericorum, fons
Doctorum, Vniuersitatis nostræ Parisien-
sis speculum clarissimum, & candelabrū
insigne, ac lucens, per quod omnes, qui ve-
ræ vitæ, & sanctæ doctrinæ vias ingre-
diuntur, lumen vident, claritate vitæ, fa-
mæ claræ, & scientiæ lucidæ, velut stella
splendida, & matutina refulget.*

In Concilio Trident. vbi consensio
Doctorum Ecclesiæ inuestigatur, velu-
ti epilogum omnium Doctorum in v-
num S Thomā post inspectos Patres,
priora Concilia oculos coniecerunt,
per eas semitas incedēdo per quas bos
mutus, imò bos lassus in veritate inda-
ganda, fortius fixerat pedes. Testis eius
rei Baronius in notis martyrolog. Ro-
mani. *Vix quisquam, ait, enarrare suf-
ficeret, quantum vir Sanctissimus, atque
eruditissimus Theologorum præconijs cele-
bretur, quantumque illius illibatæ doctri-*

na à

*na à SS. Patribus in sacrosancto Concilio
Tridentino confidentibus fuerit acclama-
tus.*

Quidam orator hæc de S. Thoma in
eodem Concilio Tridentino pronun-
ciauit. Non potuit D. Thomas Ecclesia-
sticis interesse Concilijs, morte præuentus.
Verum ecce superstes, atque in æternum
victurus, vobis adest, bona sua spiritua-
lis doctrinæ thesaurus, hereditario iure
vobis adlegavit. Nulla proinde Conci-
lia ab eius felici transitu, sine sacro Do-
ctore celebrata sunt. Vt de cæteris sileam,
quod audiuius, quod vidimus, quod ma-
nibus nostris cōtrectauimus, quid ni aper-
ta voce in laudem eius testemur? Vestra
Concilia perpendite, ex plurimo eoque ho-
norabili Patrum cœtu, quotusquisq; con-
sultor accedit, qui D. Thomæ autoritate
splendenti gemma, suam sententiam non
exornet? At in consultissimo Patrum re-
cessu

cessu, Doctor hic sententiam suam rogatus, frequentissime censeret, ad quem ut ad Lapidem Lydium, si quid ambiguitatis, aut controuersie fuerit exortum, communibus votis referendum existimetis, & qui cum sui placiti patronum obtinuerit, incertam iudiciorum aleam non sit aditurus, quin secundum eum sententia ferenda sit. Quam praxim seruata Dydacus Payua, qui eidem Concilio interfuit, in serm. S. Thomae pronunciauit dicens, [multoties Concilium Trid. suspendisse sententiam, cum controuerteretur, an quod statuebat, esset contra Sancti Thomae mentem, id quod signanter accidit in sessione 22. nunquam enim decretum fuit, in caena, Christum Dominum Apostolos Sacerdotes consecrassse, quousque de S. Thomae mente constitisset, quae in controuersiam vocabatur]. Ex his ergo tribus notis S. Thomae doctrinae soliditas apparet.

TER-

TERTIO, quia doctrina S. Thomæ
est veluti succus totius doctrinæ, quæ
in Patribus reperitur, à quorum vesti-
gijs nunquam declinavit, præsertim
Augustini, vnde & omnes Academiae
vel principales, sibi sequendum e-
legerunt, varia quoq; ad doctrinam S.
Doctōris explicandam commentaria
conscribentes. Id quod, vel indignabū-
dus, admixta calumnia, quoq; malè fe-
riatus Lutherus agnouit in proæmio
assertionum dicens. *Primo neglectis sa-
cris litteris, soli Augustino insudatum est:
post & hoc non intellectu, Thomas Aqui-
nas regnavit, & hūc alij sine fine interpe-
tres secuti sunt.* Cuius dicacitatem Ros-
fensis comprimens, sic scripsit. *Neque
Thomas Aquinas usque adeo tibi Luthere
paruipendendus est, quem plerique in sa-
cris litteris exercitissimi, Theologia florē
appellare consueverunt.*

QUARTO, ex odio insigni hæreticorum erga S. Thomam, & doctrinam Thomisticam, nullam .n. aliam doctrinam adeo infectantur, quam Thomisticam. *hæc autem* (vt quidam spiritus mendax Heimmingus fassus est in Postilla 269.) *est ars satanæ, quod quādo nō potest veritatem inficiari, cōfugit ad conuicia.* Audiatur bellua Lutherus sua verba resonans in art. 30. fortassis, ait, *& in hoc peccauit Ioānes Hus, quod duodecima consilia Euangelica fecit, quum non sit nisi unicum virginitatis, siue cælibatus, in qua tñ re deceptus est per impiam Thomistarum Theologiam, & art. XVII. in indulgentias sic inuehitur, nullis scripturis sua probant, sed sola impia illa extravagante Clemētis VI. ex opinionibus Thomæ insulsissimis, & meris figmentis cōcepta.* Impiam certe vocem, cum doctrina illa consiliorum, vt ibidem perpendit

Roffen-

Roffensis à vetustis Patribus etiam as-
feratur, ac proinde piam dicere necesse
est : & extrauagans summæ authorita-
tis, vt perbelle Roffens. eundem retun-
dendo scripsit, ex Ecclesiæ doctrina de-
sumpta sit, & non de opinionibus D. Tho-
mæ, quas [subdit] tu velut insulsissimas
contemnis, & nihil aliud facis, quàm me-
ra figmenta, quum nemo mētis compos fue-
rit, qui non pluris vnum Thomā æstimet,
quam Lutheros decem . Amplius cum
Rex Angliæ Henricus tunc Catholi-
cus aduersus Lutherum scripsisset as-
sertionem septem Sacramentorū, & vi-
deret impius S. Thomæ doctrina vrge-
ri, ad has calumnias erupit. Videat itaq;
Lector ex vno hoc argumento, quam asini-
na ruditas sit Thomistarum, vel puerilis
animi impotentia, quæ non sinat eos sua
ipsorum verba intelligere, & audent ta-
men assertiones Sacramentorum scribere,

Et magnificas ampullas suæ incredibilis
inſcitiae testes iactare. In hoc .n. hunc li-
bellum Regis scriptum arbitror, ne stupo-
rem, Et inſcitiam ſophiſtarum, præſertim
porcellorum iſtorum (Thomiſtas dico) fal-
ſo à me traduci crederet mundus: fuit .n.
meum indicium tali ipſorummet opere, Et
ſigillo comprobandum, Et confirmandum.
Sed quid egregius Martyr cōtra fune-
ſtam belluam in c. 2. lib. contra captiu.
Babyl. Primum, ait, hic perpende lector,
quanta iaculetur in Thomiſtas opprobria,
quibus, Et illius Diui gloriã denigrare ſtu-
det, cuius nomen, Et doctiſſimis, Et erudi-
tiſſimis viris in magna ſemper hætenus
fuit veneratione, quippe quem Theologiæ
florem paſſim appellarunt.

Sed & in hoc etiam, quod in ijs, quæ
ſalua pace charitatis diſceptari poſſunt,
ab innumeris ſit S. Doct. cotradictum,
ut penè omnes ſyllabæ ſancti Docto-
ris

ris sit euentilatae, & cum non potuerint
assertiones innumeræ orthodoxæ, &
catholicæ impugnari, in rationes arma
verterunt, quibus orthodoxa explica-
batur fides; hæc, inquam, contradictio.
S. Th. doctrinæ felicitatem attestatur,
dicit namq; Clemens Alex. lib. 1. stro-
matum. *nullum est autem scriptum a-*
deo felix, cui non contradicatur. Sed bene
subdit, videndum, *an iure contradica-*
tur.

QVINTO, ex qualitate doctrinæ
quæ ad 4. capita reducitur, ad Copiam,
Brevitatem, Facilitatem, Securitatem;
quæ implacabiliter pignantia, indiffo-
lubili tamē pacis fœdere coniunxit, ut
recte obseruauit Senensis lib. 4. verbo
Thomas Aquinas, subdens. *Ac primum*
tanta inest ei rerum omnium copiosa uber-
tas, ut nihil ferè ex uniuerso Theologiæ,
ac Philosophiæ ambitu, desiderari queat,

quod non ipse ditissimis scriptis suis fuerit copiosissima varietate complexus. Breuitas deinde, cuius exiguis angustijs copiae amplitudo contineri non potest, ea est, ut quae tam veteres, ac recentes authores vix innumeris, & immensis voluminibus comprehendere potuerunt, hic intra unius strictae epitomes, hoc est summae Theologiae compendium, locupletissima breuitate, plenissime, strictissimeque concluderit. Breuitati verò, quae obscuritatis mater est, & comes indiuidua, ita facilitatem omni seclusa difficultate copulauit, ut ordinis dispositione, sententiarum perspicuitate, & verborum splendida claritate scriptores omnes longo post se reliquerit intervallo, & quod multò admirabilius est, cū in scriptis Ecclesiasticis multorum magni nominis Patrum cautè, & suspensò pede legentibus progrediendum sit, ne in sententias quasdam parum tutas imprudenter impingant,

pingant, huic uni verè diuino viro, tanta
assertionum, sententiarumque securitas
diuinitus obrigit, ut in lectione eius lector
omni suspitione erroris liber, citrà ullam
offensam tutus, & securus expedito gra-
du expatiari possit, veluti per viam regiã
communi Ecclesiasticorum Patrũ incessue-
tritam, longe à deujs illis particularum
sectarum semitis, ac diuerticulis, quæ sæ-
pe incautos abducunt in ambages inextri-
cabiles, & errores irremeabiles. Sed ne no-
stræ familiæ testes assumamus.

Gennadius Scholarius Patriarcha
Constantinopolitanus D. Thomã, ait,
nescio, an aliquis sectatorum plusquam
ego, admiretur, & colat. Ego si quis suis
scriptis animum adhibuerit, hunc nullis
alijs indigere opinor.

Cardinalis Hosius in confessione c.
73. aliquot locos afferemus ex eorum libris
tantum contra iustitiam imputatiuam,

quos Theologiae Scholasticae Principes fuisse constat &c. Ac primo quidem loco, eum, qui cum primis celebris habetur, Thomam Aquinatem collocabimus.

Posseuinus in Bibliotheca selecta lib. 3. c. 12. Theologiam S. Thomæ miris laudibus effert, & præcipuè eius summam tanquam quintam essentiam suorum laborum, vnde cap. 13. subdit, cum autem si S. Thomas adhuc esset in hac vita superstes, nemo sit quin libentius eum quam alios quosuis consuleret in eius summa Theologiae percipienda, certe in primis ex alijs ipsius scriptis, quæ ad easdem materias spectant, petenda erit, & facilius, & securius sententia Sancti viri, quàm ex quouis alio interprete] quātum existimat hic auctor S. Tho., vt pro intelligendo S. Tho., Thoma opus sit interpetre, vt securius eius mens percipiatur.

Ultimo ad hominem. nam Luther.

lib.

lib. de captiuit. Babylon. cap. de Eu-
charistia nostrum D. Tho. Angelicum
Sanctum vocat. Sed fui oblitus in art.
37. hæc habet. *Si non credam Thomam*
Aquinatem esse Sanctum licet à Papa Ca-
nonizatum, non sum hæreticus. Quando &
hi non sunt hæretici, qui Thomam negant,
licet à Papa approbatum, & confirmatum
in suis libris. Sed suo se gladio iugulat,
nam ad credendam sanctitatē S. Doct.
ex indefectibili Ecclesiæ Canonizatio-
ne astringitur, & fatendo velit, nolit ap-
probationem S. Thomæ, & si non om-
nibus diuinæ legis quæstiunculis; in
dogmatica parte D. Th. doctrine illum
adhærere necesse est, quia non tã Tho-
misticam tunc sequitur doctrinam, quã
Ecclesiæ vniuersalis, cuius autoritatē,
vt eneruet sepissimè truculenta bestia,
orthodoxa dogmata Papistica, & Tho-
mistica inuenta appellat, vt scripsimus

t. i. in Prolegom. eum confutantes. Sed
& Bucerus in illā audacem vocem pro-
rupit, ferulam S. Thomæ expauescens:
Tolle Thomam; & ego Ecclesiam diffi-
pabo.

Ioannes Casus Oxoniens. in speculo
q̃stionum moralium. *Multi, ait, hodie cū*
audiunt nomen Thomæ supercilia statim
contrahunt, & distorquent labia, sed si
isti seriò unam, vel alteram quæstionem in
illo sine præiudicata sentētia legerint, de-
tracta palea (grammatulam comptam
exoptāt Grammatistæ) purissimum gra-
num, sublata scoria, aurum splendidissi-
imum forsan se inuenisse dixerint. Hæc
pauca de multis aduersariorum fidei
nostræ testimonijs.



CON]

CONCLUSIO.

*S. Doctoris Thom. Aquinatis doctrina,
magnam in Ecclesia obtinet autho-
ritatem, unde merito Ange-
licus Doctor, & diuinæ
voluntatis interpres,
est appellatus.*

R Espondeo dicendum, sicut dicit
Clemens Alex. lib. 2. Stromat-
um c. 2. quod [perfecta sapientia est,
quæ est diuinarum, & humanarum rerum
scientia, quæ vniuersa complectitur, &
continet] quare sapiens est perfectus,
qui diuinarum, & humanarum rerum
cognitione superabundanter præditus
est. Sunt autem, ait, idem Clemens lib.
2. sapientie viæ variæ, ut recto tramite
incedamus ad viam veritatis. Via autem
est

est fides, & postea, *amplius cognitio omnium, quæ facta sunt in hoc Mundo sensibili naturalis contemplatio; insuper occultorum secretorum Dei cognitio; sermonum, & parabolarum, & ænigmatum interpretatio, & disolutio* (vt ibidem ex scripturis idem Clemens insinuat). Qui ergo multiplices vias assequutus est, magis diuinam sapientiam participasse, dicendum est. Id de nostro Angelico dicendum, diuina namq; mysteria (eximia, qua præditus fuit fide) non solum, quæ ad virtutem Theologicalem pertinent, sed quæ ad superexcellentem diuinorum mysteriorum cognitionem inter gratias gratis datas ab Apostolo recenserentur, intellexit. De rebus naturalibus apprimè instructus, qui & in eo admirabilis extitit, scientias naturales in obsequium fidei trahens, cui vt ancillæ ministrarent, oratione, & ieiunijs

nijs multa occulta, nec non, & diuinis
reuelationibus instructus didicit. Nam
si (vt dicit idem Clemens) *qui Spiritum
sanctum possident profunda Dei scrutantur*: hoc est, qui ea assequuntur, quæ latent
in prophetijs, nō est mirum si dicta pro-
phetica, & obscuriora intellexerit S. D.
qui Spiritu Dei, vitæ sanctitate, & vir-
ginitatis dono fuit insignitus.

Porro idem Sāctus diuinorum my-
steriorum difficultates adeo mirificè
enodauit tanta claritate, cum breuitate,
cum copia, & securitate coniuncta, vt
merito Angelici Doctoris, nomē sit p-
meritus: vt .n. angelorum superiorum
ppriū est inferiores illuminare, & quò
perfectiores, eo intelligunt per paucio-
res species; sic Doctor Angelicus, quot
verba pronunciat, tot principia statuit,
vt declaratio sermonum diuinorum,
det intellectum paruulis; Insuper, vt

cam-

eamdem claritatem S. Doctoris amplif-
icemus, illud est admirabile, quod dif-
ficillimas res, & altissimas simplici elo-
quio explicauit, & quod admirabilius,
absq; inuolucriis, & verborum inani or-
natu, sed neruoso, & plano dicendi sty-
lo veritatē assecutus sit: Talem .n. Do-
ctorem exquirebat idem Clemens A-
lex. 2. Strom. dicens. [*oportet eum, qui
curam gerit veritatis, non insidiosè, cap-
toque consilio, ac cura adhibita, dictio-
nem componere, sed conari tantum id, quod
vult quoquomodo potest disponere: eos
enim qui hærent dictionibus, & in eis
sunt occupati, res ipsæ effugiunt.*] Am-
plius tam multa scripsit & tam securè,
vt intellectiones Angelicas sit æmula-
tus, vt enim illi in multitudine obiecto-
rum cognitorum homines exuperant,
sic suo modo Thomas, nullum .n. scri-
ptorum genus fuit, in quo diligenter nō
fuerit

fuerit versatus, acri ingenio cūcta difficilia perlustrans, memoria incredibili species conseruans, securitate vero doctrinæ, angelorum perfectionem quodammodo participauit: vt .n. in intelligendo Angeli non errant, sic nullus error in dogmate in S. Thoma deprehensus est. Circa verò ea, quæ salua fide disceptari possunt, sic incedit, vt dubia pro dubijs; certa, vt certa pronunciet: non improbabilia, pro probabilibus veditet, nec vetera pro nouis commutet. His autem modis erudire fideles, vt scripsit Clemēs 1. Strom. [*scientia est quodammodo Angelica, utrouis modo inuās, siue per manum, siue per linguā operetur*] sine errore quoq; describere, facultatem humanam exuperat, vnde Aug. contra Donatistas. l. 2. c. 5. *aliter sapere quàm res se habet, humana tentatio est. Nimis autem amando sententiam suam*

*suam, vel inuidendo melioribus, usque ad
præcidendæ communionis, et cõdendi schis-
matis, vel hæresis, sacrilegium peruenire,
diabolica præsumptio est. In nullo autem
aliter sapere quam res se habet, ANGE-
LICA perfectio est.] cum ergo ex ver-
bis Ciementis Papæ VIII. doctrina S.
Tho. sit absq; errore conscripta, Angeli-
cam propemodum obtinet perfectionẽ
doctrina S. Doctoris, & Anglicã per-
fectionem æmulatur] vnde in materia
dogmatica nullus nisi impius ausus est
(sicut de Naziazen. idem S. Thomas
descripsit p. p. q. 61. art. 3.) inferre ca-
lumniam, & non nisi sciolus sinistrè de
tam insigni Doctore oblocutus est.*



Solu-

Solutiones Argumentorum.

AD Primum. Iam pridem respondit Ioannes de Neap. in quodlibetis M.S. quod ille articulus Parisiensis editus est contra aliquos Philosophos, & Auerroistas, qui docuerunt Angelos, siuè substantias separatas nō habere causam efficientem, sed finalem tantum; vnde ista propositio, Angeli sunt essentia per ablatiuum casum intelligebant, hoc est, *sua essentia* sunt substantiæ separatae, hoc est efficienter: quod erat dicere, non habent per causam primam. Ceterum si vocula, *sua essentia*, accipiatur prout est casus nominatiui per quod insinuatur, q̄ idem sit suppositum, & natura in Angelis, vt dixit in ar. cit. & de ente, & essentia c. 5. dicendum quod nomine suppositi in-

M

telle-

tellexit indiuiduum, & sensus est quod singularitas illa, per quam natura Angelica fit hæc & indiuidua, non distinguitur à natura, & forma Angelica, quæ cum sit spiritualis, omnemq; perfectionem suæ speciei habeat, per se, non per materiam signatam indiuiduatur: Verum quia suppositum addit super indiuiduum aliquod positium, quod est esse vltimum naturæ terminum, dicendum est, S. Tho. dum dicit suppositum non distingui à natura Angelica, debere intelligi à natura non distingui tãquam rem à re, sicut Petrus, & Paulus, cum hoc tamen stat, quod distinguatur realiter, quia aliquid reale nō est in natura, quod est in supposito, & natura indiuidua, & è contra.

Ad secundum Respondetur à Io. de Neap. in eo ar. Parisiensi damnari Auerroistas, qui propterea intellectum possi-

possibilem humanum multiplicari non
per se sub eadem specie dicebant, quia
nullā habet materiam tāquam partem
sui, quod probat ex ar. 117. Parisiēsi, in
quo sic dicitur: ratio, *quod intellectus sit
unus est, quia forma non multiplicatur,
nisi quia educitur de potentia materiae: er-
ror.* Vnde dicere ideò angelos non mul-
tiplicari posse per diuinam omnipoten-
tiam, quia non habent materiam tam-
quam partem sui, est error, sequeretur
n. quod Animæ humanæ multiplica-
ri non possent in eadem specie: ceterū
dicere, non posse nec per Dei poten-
tiam multiplicari Angelos sub eadem
specie, ex illa causali, quia Angelus se
ipso indiuiduatur, & à sua forma speci-
fica, & non ex materia signata, vel or-
dine, & commēsuratione ad illam, nul-
lum est incoueniens. Sicut, nec est ab-
surdum dicere, impossibile esse posse

dari plures albedines separatas, cum non sint plures, nisi cum sunt in pluribus subiectis. Multiplicari vero possunt plures animæ licet separatæ sint, ex cōmensuratione, & naturali aptitudine ad plura corpora: vnde non est eadem ratio, ac de substantijs separatis. Vel dici potest ex eodem, voluisse Episcopum Parisiensem damnare illam clausulam, Deum non posse &c. quasi hoc sit ex impotentia Dei, vnde Magister lib. 1. d. 2. illud Augustini contra Maxim. *Non est dicendum quod filius non potuit generare*, sic exponit: idest *non ex eius impotentia fuit*, quare S. D. in qq. disputatis q. p. de pot. in corpore ar. 3. eas propositiones quod Deus non potest hoc, vel illud facere, exponit, quod non hoc dicitur non posse facere propter defectum suæ potentia; *sed propter defectum possibilis*, quod à ratione possi-

possibilis dicitur; sic impossibile est multiplicari aliquod in eo, in quo non est materia signata, vel ordo ad illam. Vel dicendum S. Tho. loqui de potentia ordinaria, non posse fieri: non de potentia absoluta, opus. 16. c. ult. rectè dicit D. Tho. quod rudis ingenij est dicere, & Deus de potentia absoluta non potest producere plures intellectus separatos in eadem specie, ob id quod secundum naturam rei dari non possunt.

Ad tertium Respondeo, quod dupliciter potest intelligi vnam animam esse altera perfectiorem, vno modo essentialiter, alio modo accidentaliter, vel quantum ad eius proprietates, quo modo omnes animæ sunt æquales, ex mente S. Tho., nam substantia non potest suscipere magis, & minus, ex Philosoph. in prædicam. Secundo modo inter illas potest esse inæqualitas, & hanc

dari plures albedines separatas, cum
non sint plures, nisi cum sunt in pluri-
bus subiectis. Multiplicari vero possunt
plures animæ licet separatæ sint, ex cõ-
mensuratione, & naturali aptitudine
ad plura corpora: vnde non est eadem
ratio, ac de substantijs separatis. Vel
dici potest ex eodem, voluisse Episco-
pum Parisiensem damnare illam clau-
sulam, Deum non posse &c. quasi hoc
sit ex impotentia Dei, vnde Magister
lib. 1. d. 2. illud Augustini contra Ma-
xim. *Non est dicendum quod filius non
potuit generare, sic exponit: idest non ex
eius impotentia fuit, quare S. D. in qq.
disputatis q. p. de pot. in corpore ar. 3.
eas propositiones quod Deus non po-
test hoc, vel illud facere, exponit, quod
non hoc dicitur non posse facere pro-
pter defectum suæ potentia; sed pro-
pter defectum possibilis, quod à ratione
possi-*

possibilis dicitur; sic impossibile est multiplicari aliquod in eo, in quo non est materia signata, vel ordo ad illam. Vel dicendum S. Tho loqui de potentia ordinaria, non posse fieri: non de potentia absoluta, opus. 16. c. ult. rectè dicit D. Tho. quod rudis ingenij est dicere, qd Deus de potentia absoluta non potest producere plures intellectus separatos in eadem specie, ob id quod secundum naturam rei dari non possunt.

Ad tertium Respondeo, quod dupliciter potest intelligi vnam animam esse altera perfectiorem, vno modo essentialiter, alio modo accidentaliter, vel quantum ad eius proprietates, quo modo omnes animæ sunt æquales, ex mente S. Tho., nam substantia non potest suscipere magis, & minus, ex Philosoph. in prædicam. Secundo modo inter illas potest esse inæqualitas, & hanc

admittit S. Doct. expressè enim dicit,
cum in hominibus quidam habeant corpus
ex perfectioribus potentijs, tam intellecti-
ua, quàm sensitiva, melius dispositam sor-
tiuntur animam maioris virtutis in intel-
ligendo: & iterum, ex parte inferiorum
virtutum, quibus intellectus indiget ad
sui operationem: illi enim, in quibus vir-
tus imaginatiua, & cogitativa, & memo-
ria, est melius disposita. sunt melius dis-
positi ad intelligendum &c. & sic salua-
tur inconueniens articuli damnati Pa-
risijs, semper enim anima Christi Do-
mini perfectior fuit omni alia anima,
& nobiliori intellectu, & nobilioribus
potentijs sensitivis. Sed etiam si te-
neamus S. Thomam docuisse, nedum
extrinsecè ratione dispositionum, sed
etiam intrinsecè, non solum, quo ad
potentiam intellectiuam, sed etiam in
ipsa perfectione substantiali, vnam ani-
mam

nam esse altera perfectiorem, distin-
guendum est de perfectione substantia-
li, quod quædam est ex forma specifica,
quædam est perfectio individualis: pri-
ma æqualis est, nec suscipit magis, &
minus, secunda defumitur non ex or-
dine animarum ad corpora, sed ex Deo
creante has, vel illas, ad hæc vel illa
corpora perficienda, & actuanda, quæ
sunt inæquali dispositione disposita, vt
talis dispositio nō sit causa, vt hæc ani-
ma perfectior creetur, quam illa, sed
occasio; sicuti perfectio naturalium in
Angelis fuit occasio, vt cum perfectio-
ri gratia perfectior natura crearetur, &
sic non est inconueniens animas in ista
perfectione individuali creatas à Deo,
esse inæqualiter perfectas. Vel tandem
dicendum est, quod etiam admissa æ-
qualitate, perfectione, & nobilitate ani-
mæ Christi in essentialibus cum anima

Iudæ; nullus error sequitur: Parisien-
ses enim loquuti sūt de omnimoda no-
bilitate, tam in esse naturali, quam gra-
tuito, in quo non potuit æquari anima
Iudæ Animæ Christi, qui fuit plenus
gratia, & si in essentialibus eius animæ
æquaretur.

Ad quartum, ex verbis, & mente Io.
de Neapoli Respondetur, quod stante
actuali apprehensione, & iudicio ratio-
nis de aliquo faciendo, vel respuendo,
omnibus pōderatis, vel tamquam me-
lioribus pensatis, & oppositis repudia-
tis, non potest voluntas velle opposi-
tum, essent enim duo iudicia opposita,
idest vnum de volendo illud, & aliud
de respuendo, hoc enim esset simplici-
ter omnibus pensatis iudicare, esse hoc
omnibus prosequendum, & simul esse
respuendum: hæc autem duo iudi-
cia simpliciter sunt opposita, & per cō-
fe-

sequens repugnat, vt possint esse simul,
(licet intellectus secundum vnā cō-
ditionem iudicare possit obiectum esse
prosequendum, secundum alteram re-
spuendum, vt patet in intellectu incon-
tinentis, qui duplici vtitur syllogismo
(ex Arist. 7. Ethic.) cum tali autem ap-
prehensione, & iudicio intellectus, stat
potentia voluntatis ad oppositū: in qua
remanet etiam aptitudinale iudicium
intellectus, quo potest oppositum iudi-
cium formare, & illud voluntas ample-
cti: quare cum sint potentia ad oppo-
situm se habentes, remanet potentia
absoluta, quæ stat cum vno actu, cum
indifferentia, ad eiusdem actus caren-
tiam, vel ad actum oppositum, & in-
compossibilem: vnde solum infertur
necessitas conditionata, & ex supposi-
tione, quæ non destruit libertatem, ab-
soluta verò necessitas, quæ vim inferret

libe-

libero arbitrio, denegatur. Porro articuli Parisienses non necessitatem conditionatam, vel ex suppositione dānarunt, sed absolutam, sicut (vt aduertit Ioannes de Neap.) dicebant errantes, contra quos tales articuli editi sunt.

Ad quintum benè notauit Ioannes de Neap. loco cit. illos articulos factos contra docentes, Deum mouere cælum ex necessitate naturæ, vt patet ex a. 59. vbi dicitur, quod *Deus est causa necessaria motus superiorum corporum, & cōiunctionis, & diuisionum, contingentium in stellis, error.* Stante vero eo errore, rursus alter articulus consequenter damnatus est in hac forma, *si Cælum staret, nec Deus esset.* Ex priori enim articulo sequitur, necessitas enim illa naturæ infert diuinæ existentie abnegationem non secus ac abnegatio proprietatum hominis v. g. risibilitatis, tolli naturā
ho-

hominis : Sanctus autem Doctor & si dicat , quod cessante motu cæli, cessaret generatio, & corruptio in inferioribus, numquam tamen dixit (quod impostores obiecerunt) quod si cœlum staret, nec Deus esset.

Ad Sextum, imponitur S. Doct. quod sola sciëntia oppositorum sit causa libertatis, nam & si dixerit S. Tho. multis in locis, libertatem fundari in indifferentia iudicij rationis, locutus est de libertate radicaliter, & hæc est in intellectu : formalis verò libertas est in voluntate; vnde vtrumq; comprehendit Philosophus cum definiuit, liberum arbitrium esse *facultatem intellectus, & voluntatis*, & utrâq; exegit S. D. vnâ radicaliter, alteram formaliter. Parisienses ergo damnant negantes formalem libertatem.

Ad septimum. Ille Articulus dam-
nat

nat Auerroistas dicentes, vnum intellectum esse in omnibus hominibus, & graduationem melius, vel peius intelligendi oriri ex diuersitate potentiarum inferiorum, quas in diuersis diuersas tantum agnoscebant. At S. D. ne dum ex meliori dispositione virium sensitiuarum, sed etiam ex nobiliori potentia intellectiua nobiliorem modum intelligendi arguit, & nobiliorem animam quantum ad naturalia, vtsupra expositum est. Immerito ergo Angelica doctrina impetita est. Dicitur autē à quibusdam (ait S. Th. loc. cit.) appetitus intellectus passiuus, quia est rationalis per participationem, sed verè est actus alicuius organi corporalis, qualis non est intellectus, qui est in potentia ad intelligibilia, & sic obiectio non est ad propositum.

Ad octauum. Ille articulus Parisien-

sis

sis formatus est contra quosdam susti-
nētes, intelligentiam esse animā Cœli,
quod damnatum est in ar. 102. ex qua
positione sequebatur, quod intelligen-
tia aliter poterat mouere, quā moueat,
tardius, vel velocius, sicut anima mouet
corpus, quare, vt notauit Io. de Neap.
consulto non dixit corpus, sed Cœlum;
in dubium .n. cadere non poterat, pro
solo libito voluntatis, tardius, vel velo-
cius sola voluntate, seu libito aliqua
corpora mouere ad diuersa loca. Cete-
rum S. Tho. docuit Angelum non pos-
se mouere Cœlum sola voluntate, ni-
si supposita diuina ordinatione de mo-
uendo Cœlo, à quo omnis motus infe-
riorum dependet &c. quare non pos-
set Angelus alio motu, nempe recto,
vel aliter quando mouet, mouere, nisi
Deus vellet. Vel dicendum ex S. Th.
quod. 6. a. 2. ad 2. quod cū actio volūta-

tis

tis limitetur secundum modum essentiae, non oportet, quod Angelus possit agere omnia, quae vellet, vnde vt dicit in corpore ar. nec virtutem, nec essentiam habet infinitam.

Ad nonum R. Quod aliud est loqui de existentia animæ, vel substantiæ separatae in loco ex sui natura, aliud supernaturaliter, vel miraculosè. Primo modo, animæ, vel substantiæ separatae conuenit esse in loco ratione operationis, vnde Boet. quoq; dixit communem esse sapientum intelligentiam, *substantias separatas, non esse in loco*, nempe secundum essentiam; sed ratione suæ operationis. Secundo modo Angelus, vel anima separata potest esse in loco, etiamsi ibi non operetur, vel ab alio patiatur, vt dicit 4. sent. d. 45. a. 1. siquidē animæ Patrum fuerunt in limbo, & puerorum in originali decedentiū ani-

ma

mæ nunc in limbo sunt, & tamen non
operantur in aliquod corpus, nec ab ali-
quo corpore patiuntur, vnde verè ibi
esse dicuntur, licet modus quomodo exi-
stant, nobis ignotus sit. Sed etiam Art.
vltimus Parisiensis mætrem eorundem
exponit: dicit. n. quod *substantiæ sepa-
ratæ nusquam sint secūdam substantiam:*
error. Si. n. intelligitur, quod substantia
animæ, vel Angeli non sit in loco, error
est, si autem intelligitur, quod substan-
tia sit ratio essendi in loco, vera propo-
sitio est, quod substantia non est ratio
existendi in loco & ar. 204. sic dicitur,
quod *substantiæ separatæ sint alicubi per*
operationem, ut quod, non possunt moueri
ab extremo in extremum, nec in medium,
nisi quia possunt velle operari, aut in me-
dio, aut in extremo, error. si intelligitur si-
ne operatione substantiam esse in loco,
nec transire de loco ad locum. Breuius
dici-

dicatur, quod dato, quod Angelus non applicaret suam virtutem, nullibi esset tanquam in loco, esset tamen tanquam pars vniuersi in toto, nec hoc est difficile penetrare, quando coelū supremū est in mundo, & nusquam tanquam in loco.

Anonymis & aliorum solutiones.

AD primum respōdetur sicut dicebat Socrates apud Clementem Alex. lib. 1. *sunt, ut aiunt, in mysterijs multi quidem, qui gestant ferulam, pauci vero Bacchi*] hoc est multi, qui Theologi classici vocari ambiunt, sed pauci, qui Thyrsus gestant, & principatum, hoc autem iudiciū non ex multitudine vulgi habendum est, ut idem lib. 5. ex Cleanthe scribebat.

Ne spectes formam dum vis sophus esse

esse repente,

*Terreat amentis, nec te sententia
vulgi,*

*Iudicium sapiens, & iustum non
habet ullum*

*Vulgus, & in paucis vix hoc repe-
rire licebit.*

Comicus quoq; perbellè dixit.

*Pulchra in tumultu, iudicare non
debet.*

Ex Concilijs ergo, & Rom. Pontif.
authoritas S. D. ponderata, sciorum
censuras non formidat, vt nec à vul-
go titulos emendicat.

Ad secundum, vt adnotauit Clem.
Alex. lib. 7. vetus erat prouerbiū [*quic-
quid est pulchrum insequitur Momus*]
vnde mirum non est si opponens, S. D.
pulchritudinem submordere conetur.
negatur ergo antecedens.

Ad probationem primam, vt dicit

N

idem

idem Clemens Alex. lib. 7. [*etiam condemnantur non assentiētes in quibus oportet parere, non discernentes id, quod repugnat, & indecorum, & præter naturam, & falsum à vero, & consentaneo, & decoro*] quare cum Summi Pōtificis Romani lege, quæ solum silentium indicit, interdicitur ne ullus S. Doct. sententiam audeat præiudicio aliquo prædamnare, à vero, & consentaneo, & decoro deflexit opponens, quare meritò in indice est suspensus, non assentiens decretis Apostolicis, quibus parere opus erat.

Ad secundam probationem. Præclarum dictum Strommataxi 5. libro. *Non omnibus, qui impudenter, & temerè dicunt, ac scribunt, oportet aures præbere. sunt hi, Theopomphi, & Timæi, qui fabulas, & maledicta cōponunt, vel Hipponacti, & Archilochi, quibus turpiter scri-*

scribere, temeraria licentia conceditur,
ex eodē lib. 1. initio. Falsum est quod
D. Sancto imponunt, quod nō somnia-
uit, cur non legit aduersarius argumē-
tum, sed contra, vbi oppositum docet
Angelicus? cur omisit percurrere 29.
de verit. a. 4. ad 4. & 3. dist. 9. q. prima a.
2. Potius quod assumitur propositum
firmat, quā euertat, Christum .n. Do-
minum adorandum docuit adoratio-
ne latriæ, ratione diuinitatis, non ratio-
ne humanitatis, quod est dicere, non
per se, & absolutè esse terminū latriæ
adorationis ipsam humanitatem, sed
ratione diuinitatis, vna tamen adora-
tione Christum in vtraq; natura vene-
ramur, scilicet latria.

Ad tertiam probationem: *si Epime-
nides* (de quo scribit, Clemens Alexan-
dr. in exhortatoria ad gētes dixisse fer-
tur quòd, *contumeliæ, & impudentia A-*

Chenis erexit altaria, opponentis impudentiam inspexisset, proculdubio thus eidem adoleuisset, insignis est contumelia, & impudentia affigere S. Tho. notam hæresis, quia dixit vota simplicia non constituere religiosum. Nesciuit opponens distinguere, aliud esse loqui de votis simplicibus ex natura sua, aliud ex institutione Ecclesiæ. primum asseruit S. Tho. De 2. nihil S. Tho. pronúciauit, post. n. tempora S. Tho. constitutio edita est à Greg. 13. cui S. Tho. non cōtradixit, agnoscebat. n. simplex votum posse esse religionis materiam ex constitutione, & statuto Ecclesiæ. Vel dicendum quod S. Th. ibi ponit differentiam inter votum simplex, & solemne, in eo quod, voto simplici aliquis obligatur ad religionis ingressum, eo autem certum est nullum fieri religiosum: voto autem solemni obstringitur

gitur religionis vinculo: hæc autē longe distant, vt cælum, & terra, at plura de his diximus in nostro deposito Apostolico. c. 22. Anonymi ijsdem objectionibus occurrentes.

Ad quartam probationem. Vlysses ferula vapulandus loquax opponens loquacem enim Therfitē, ait Clemens Alex. libro secundo Pædagog. cap. 1. *castigauit moderatus Vlysses*

Immodicis verbis turbabat nam omnia solus.

Plurima, mente sua temerè is confusa tenebat,

Sed certo nihil ordine.]

Talis est Anonymus cum fœderatis loquacibus, qui omnia turbant, & miscēt. Certè si S. Thom. attentè legatur, docuit incapacitatem cum rerum dominio esse, cum quis absolutè, & irrevocabiliter solemnibus votis Deo se cō-

secrat, vt dicitur in cap., cum ad Mona-
sterium : ceterum in Religione Socie-
tatis Iesu potest esse capacitas dominiij,
non absolute, & perpetuo, sed quam-
diu Religioni placuerit, vt fiat pro-
fessio à Patribus Societatis, nempe
expleto biennio, emittendò vota sim-
plicia.

Ad V. Anonymi dicendum est, q̃
quidā respondit argutè ominanti mu-
rem calathum arrosisse, [*quid mirum
si mus calathum arrosferit, cum non inue-
niret, quod comederet?*] ex Clem. lib. 7,
Quid mirum si hæc inania obijcit op-
ponens, cum nihil aliud habeant, quod
rodant mures isti Pontici? An solus
est S. Thom. in hac sententia? nonne
communis est Theologorum, à Cano-
nistis quidem discrepans, non à sincera
Theologia? aliud certè est, negare Epi-
scopatus gradum, Presbytero, & Mini-

stro

stro supereminentem, & principem locum in Ecclesiastica Hyerarchia sibi vendicantem; aliud est non esse distinctum ordinem. Primum S. Tho. aperte fassus est cū solius Episcopalis gradus sit chrisma conficere, Dei ministrum futurum ordinibus initiare. Secundum prorsus abnegavit, vnum enim & eundem Sacerdotalem characterem in ordine ad corpus Christi verum in Episcopo, & Sacerdote simplici agnoscit; licet in Episcopali consecratione non nouum agnoscat, sed antiquum per nouum modum realem extendit, ad Hyerarchicas quasdam exercendas actiones, quas simplex Sacerdos exercere non valet.

Ad VI. probationem, sicut dicebat Clemens Alexand. lib. 7. sunt quidam, qui [*Inani sapientiæ opinione elati perpetuo litigant, aperte ostendentes se magis*

curare, ut videantur, quam ut philoso-
phentur,] & ut subdit ibidem, [cum non
necessarijs rerum nitantur principijs, hu-
manis moti opinionibus; sauciantur ar-
gumentis eorum, qui veram tractant phi-
losophiam; & quoduis potius tolerant,
& omnem, ut aiunt, rudentem mo-
uent, etiam si futuri sint impij,] sic op-
ponentes tales esse se demonstrant, cū
eligant potius reiectis à cōmuni Theo-
logorum calculo opinionibus adhære-
re, quā veritati cedere. Certe ea sentē-
tia, quæ docet Christum Dominum
alijs verbis, quam consecrationis diui-
na perfecisse mysteria ab aula Theolo-
gicarum Academiarum discessit, nec
potest hodie sine temeritate, ne dicam
amplius defendi: Sic cēsurant Theolo-
gi, commentores. s. scripturæ, & cōtro-
uersiarum tractatores, scribētes aduer-
sus hæreses, reclamation. n. Concil. Flōrēt.

do-

docens, formam huius Sacramenti esse
verba, quibus Salvator hoc confecit Sacra-
mentum. Etiam idem innuitur in Cōc.
Trid. sess. 13. c. 1. Constans quoq; est
Patrum traditio idem attestantium, ex
Tertull. 4. contra Marcionem c. 4. Cy-
prian. ser. de cæn. dom. Ambros. 4. de
Sacram. c. 4. & 5. Id etiam habetur in
Sacris canonibus de consecrat. dist. 2.
& cap. cum Marthæ de celebrat. missa-
rum. Quare opposcentes dum volunt
emendandos Rom. catechismi Theo-
logos, qui hanc Conciliorum, & Patrū
sententiam secuti sunt, cathecheses, &
elementa quoq; impetunt fidei nostrę,
& nedum Deiloquos Patres, sed etiam
Concilia, & magis se esse ostendūt sua-
rum opiniuncularum amatores, quam
publicę, catholicę, & Apostolicę do-
ctrinę defensores. Certè iactabūdi no-
uarū opinionum Aegyptijs sacerdoti-
bus

bus sunt per omnia similes, qui pepla,
& deaurata vela, quę oculos rapiebant,
contrahētes tamquam Deos ostensuros
abundē ridendi numinis materiā. mi-
nistrabant ex Clem. lib. 3. c. 2. Neq; .n.
Deus verus apparebat, qui querebatur,
sed felis, vel Cocodrili imago, templo qui-
dem indigna, cæno verò congrua: sic & isti
dum ad vera domgata intuen-
da maximo
apparatu, & fuco circumuelata inuitant,
belluas vero, hoc est nouas phantasias
intuendas exponunt; tantum ergo abest, ut
ex oppositione erroris notam. S. D. affigāt,
quod potius peregrinorum numinum,
& phantasiarum sunt ostentatores.
Ad VII. probationem. perbelle di-
cit Clemens 3. pędag. c. 11. quod vestes
congruunt ætati, personæ, tempori: Ita, &
leges humanæ pro temporum & loco-
rum diuersitate variantur. Quo exem-
plo etiam vtuntur PP. contra Mani-
cheos

chæos docendo rationabiliter veterem legem cessasse, nouā successisse. S. Th. respexit ad decretalem antiquam, quæ suo tempora abolita non erat.

Ad VIII. rectè dixit Clem. lib. 1. Pedag. c. 8. *ambo probrum obijciunt, amicus, & inimicus, sed inimicus irridens: amicus autem bene volens*. Sed non ad vindictam, ait idem, excitat virum Christianum, *sed ad veritatem expergeficit*: hostiliter Anonymus nedum probris, sed etiam calumnijs S. Th. adoritur, sed ad veritatem indagandam excitauit nos, ad videnda alia exemplaria incorrupta, quæ illud verbum addititium non habent. Consulatur idem S. Th. in ep. ad Heb. c. 9. lect. 1. lege etiam, quæ diximus in deposito Apost. c. 22.

Ad IX. probationem, & si S. Th. dixerit ex Apostolica traditione descendere voti sollemnitatem, non subinde

con-

consequēs est, eam esse de iure diuino;
nam quadragesimæ iciuniū de Apost.
traditione descendit, & non est de iure
diuino: sed esto sit de iure diuino asser-
ta traditio à S. D., rectè intulit, quod
stante Monachi statu dispēfari eum eo
non potest, sicut nec calix consecratus
in sua integritate manens potest in
alios vsus commutari: sed si opponens
quoq; distinxisset, substantiam voti so-
lemnis à circūstantijs, & cōditionibūs,
facillimè S.D. cum bulla Greg. XIII.
concordasset. Si n. D.S. de iure diuino
dixit esse voti substantiam: circumstā-
tias vero supponit esse de iure Ecclesia-
stico, nempe, vt his, vel illis conditioni-
bus fiat; quod esset dicere cum glōsa c.
rursus, qui cler. vel vouentes &c. quod
vota solemnia ex intrinseca nātura sua
sunt de iure diuino, possunt tamen
quoq; sollemnizari uota ab extrinseco,

& ex

& ex statuto Ecclesiæ, sicut votum clericorum solemnizatur, quando sacris ordinibus insigniuntur. Vel tandem dicendum, quod S. Thom. loquutus est de dispensatione; vota vera simplicia Societatis Iesu non dispensantur, sed irritantur; ea enim conditione profitentur si Religioni placeat, & quandiu placeat. Has ergo distinctiones Sancti opponens aduertere debuisset, nec enim doctorem Sanctum sugillare ausus fuisset. Sed ut dicebat de vero Theologo Clemens Alex. lib. 6. dicamus nos de S. D. [*clamauit autem David, in æternum nō commouebitur iustus: neq; ergo fallaci oratione, neq; falsa voluptate. Vnde neq; mouebitur à sua hereditate, ab auditione ergo mala non timebit: neq; ergo ab inani calumnia, sed nec à falsa opinione, quæ eum circumstat, sed neq; astutas, & callidas pertimescet rationes,*
qui

qui eas potest discernere ad interrogandum & respondendum] Talis est S. D. sapientia, & doctrina, cui nunquam iure aliquis notam erroris potuit, vel debuit affligere, post tot testes omni exceptione maiores, testimonium perhibentes de eius incorrupta doctrina, quos supra in argumentis, sed contra, recensuimus.

Ad X. probationem, vereor, nedum Anonymus in S. Tho. spicula intorquet, in Tridentinam Synodum quoque sagittas acuat. Sacra .n. Synodus sess. 24. de reformat. c. 3. sic scribit, *iustitiæ publicæ honestatis impedimentum, ubi sponsalia quacumque ratione valida non erūt Sæcta Synodus prorsus tollit.* Quod, & Alex. cap. accessit de sponsalibus docuerat prius, & S. Tho. loco cit. q. 3. ad primū sequitur: Prohibuit solū Alex., quod S. Tho. e vestigio secutus est, ma-
tri-

rimonium in eo casu, non quia sponsalia nulla fuerunt, sed ex scādalo, quod oriri poterat si vni fratri promissa mulier, alteri iungenda traderetur. Malè etiam citatur S. Tho., dicit. n. *nō sequitur alia affinitas, quia sponsalia nulla sunt, nec aliquis affinitatis modus, & bonus* Anonymus pro verbo affinitatis, substituit captiose *impedimentum publicæ honestatis*. Falsitatum autem semina iecit Anonymus, vt armati hostes prodirent, *Cadmæam* (tales .n. sunt ex Clem. Alex. 1. strom. *vim veritati inferentes*) *victricem* cupientes.

Ad XI. Respondetur, in hac inani obiectione, certè videre mihi videor opposcentes assimilari montibus illis Persicis, de quibus dicit Clemēs Alex. lib. 6. stromat. *qui vocem emittunt confusam veluti clamantium non paucorum millium hominum, perinde, ac si essent in acie;*

acie: ad medium autem cum venerint,
maiores simul, & euidentiores strepitum
apprehendere, tandem audire in fine ca-
nentes pœana, perinde ac, qui vicissent.
Cuius vis autē soni causa est, ut existimo,
locorum leuitas, & concavitas] confu-
sas. n. clamando emittūt voces, & stre-
pitus, & victoriam de S. reportare con-
clamant, ac si vicissent: sed benè leues,
& cōcauos aere solum vanitatis reple-
tos se ostendunt. An non est leuitas, tā
friuola S. Tho. obijcere? certè doct̃or S.
de votis simplicibus nullo decreto tūc
ab Apostolica Sede probatis, doct̃issimè,
& verissimè loquutus est: quid er-
go culpandus S. Doct̃or quod de eo,
quod non vigeat suo tempore, loquu-
tus non sit: Non dum erat edita consti-
tutio Greg. xij. in qua matrimonium
cōtractum à Religiosis habentibus vo-
ta simplicia, nullum, & inualidum pro-
nun-

nunciatur, quod tamen non irritum esse ex vi talium votorum, seclusa Ecclesiæ constitutione, quæ postea facta est, directè probat P. Suarez lib. 4. cap. 1. tom. vlt. de Religione, & c. 3. eodem num. 7. dicit *non dum in Ecclesia visum* (tempore Bonifacj, qui fuit posterior S. Tho) *aut interdictum, impedimentum irritans matrimonium ex vi voti, quod auferri postea posset, & mutationem, seu eiectionē personæ à statu religioso,*] similiter idem dicit non fuisse visum tale interdictum ante tempora Gregorij xij. initio Societatis, & sanctissimè factum admonet à Greg. xij. ad subueniendum Societati, aduersus malitias, & fraudes hominum, quæ contra bonum Ecclesiæ, & Societatis meditari irreligiosi potuissent. An lex hæc irritans, & annullans culpabit sub antiquo iure viuētes? certo certius est, quod

per nouum ius ab antiquo non disce-
dimus, nisi quatenus in nouo expref-
sum est, vt sumitur ex l. præcipimus C.
de appellat. Sic patet ad 12.

Ad XIII. sunt multi (ait Clemens
Alex. lib. 1. Strom.) qui non iure volunt
contra omnes dicere, omnia autem nomina,
ac verba turpiter, & indecore eiaculan-
tur, & seipsos fallentes, & eorum, qui
sibi adherent oculos perstringentes, & in-
fra de iisdem dicit, quod calumnias ver-
bis inuenire contendunt, contentiosas com-
parantes quæstiones, distinctiuncularum
venatores, pusillarum quarundam artiũ
emulatores, litigatores, & iurgiorum con-
farcinatores. Si S. Tho. mentem pene-
trassent non de facili de errore notaf-
sent, qui etiam si errasset, calumniarum
ferulam præuenit, se ipsum corrigendo.
Certè S. D. in primo sent. (vt egregie
noster F. Petrus Bergomas adnotauit)

non

nonnisi significationē attendit, in pri-
ma vero parte attendit modum signi-
ficandi: quia .n. nomina verbalia vt est
spirator &c. actum significant, & actus
numerant supposita (actiones .n. sunt
suppositorum, ex primo Metaph.) pro-
pterea S. D. dixit in primo sent. quod
sūt duo Spiratores Pater, & Filius: Ve-
rum quia nomina verbalia (si spectetur
modus significandi) non significāt per
modum actus, vt sunt verba, & partici-
pia, sed per modum substantiæ, & sub-
stantiua non numerantur nisi secundū
numerum formæ significatæ, quia vna
est forma significata, virtus vna v3 spi-
ratiua, non possunt dici duo spiratores
substantiue, sed solum duo spirantes
adiectiue: propterea hanc viam in pri-
ma parte preposuit primæ viæ, & meri-
tò; nam vt dicit Clemen. i. Strom. *duæ
sunt ideæ, seu species veritatis, nomina, &*

res: alij quidem dicunt nomina, qui in orna-
tu, & elegātia versantur orationis, cuius-
modi sunt apud Græcos Philosophi; hæ au-
tem sunt apud nos barbaros; sic .n. genti-
les propter peregrinā linguam hebrai-
cam fideles vocabant) verum cum præ-
stet res significata, & modus significan-
di ipsa nominis significatione, non est
(vt dicit idem Clemens) *versandum in*
diCTIONE, sed in ijs, quæ significātur. Quod
præceptum sequutus est D. Tho. ab ijs
perstrictus, qui in vocibus eliquandis
annos infumunt, quos postponendos
voluit Clemens Realibus, nam vt in-
quit, corui quoq; voces imitantur huma-
nas, cum eius rei, quam dicunt nullam ha-
beant notitiam.

Ad XIV. Numq; id dixit S. Th. imo
beneuole modestissimus Doctor ar. 7.
ad primū, voluit excusare Patres
dum dicit omnes authoritates, quæ
di-

dicunt *hominem assumptum*, exponi debere, quod vsurparint concretum pro abstracto. Vnde dicit, quod Christus est homo non quem assumpsit, sed cuius naturam humanam assumpsit, in resp. ad 2. & 3. part. quæst. 14. artic. 3. ad primum, illam propositionem, quod *Christus incepit esse*, dixit S. Thom. esse simpliciter falsam secundum sententiã fidei Catholicæ, subdens *etiam si esset vera, non ea. utendum absque determinatione*, nempe secundum conditionem humanæ naturæ, non vocauit autem S. Thom. illam hæreticam; nam Scotus d. 2. q. 3. existimat eandem propositionem esse veram in proprietate sermonis, Durandus in dist. 12. q. 1. esse distinguendam, propterea S. Thom. in loco citato 3. sent. non hæreticam vocauit, sed inintelligibilem, quare non est cur Doct. S. errore aliquo denote-

tur, qui adeo modestiam coluit, vt ne de
errore illam sententiam notaret, à rigi-
da censura abstinuit, sed solum falsam,
secundum sententiam Catholicæ fidei
& inintelligibile appellauit. Sed vt di-
cebat Clemens Alexan. primo stromat.
*non similiter ouem scrutatur coquus, &
Pastor, ille quidem, an sit pinguis diligen-
ter scrutatur, hic vero lac ouis obseruat,
an sit generosum; ille, vt perdat, hic vt
fructum percipiat: Ita similiter non ijs-
dem oculis omnes Doctorem Sanctum
intuentur, qui enim deuorare cupiunt,
toruis oculis: qui lac sapientiæ expri-
mere cupiunt, sincero affectu respi-
ciunt. Sed, vt dicebat idem Clemens,
mulgeat quidem aliquis si cibo egeat, vel-
lus tondeat, si ei tegumento opus sit; sic
mihi procedat fructus bonæ Græcorum;
[dicas tu S. Thomæ] doctrina.*

Ad XV. Iam pridem Caiet. Potia-
nam

nam cōfutarat obiectionem dicendo, q̄
cum S. Thom. dixit non esse possibile,
esse aliam terram, non sumitur possi-
bile pro possibili logico, vel physico, in
ordine ad Dei potentiam (id enim S.
Tho. nunquam negauit.) sed pro pos-
sibili sumpto ex potentia creata, iuxta
principia suæ naturæ; secundum quod
dicimus, non esse possibile mortuum
resurgere. Signāter autē S. Tho. de ter-
ra, non de mundo dixit, non esse possi-
bile esse aliam terram, quam istā, quia
si terra alia extra orbem crearetur, na-
turaliter ferretur ad hoc medium vbi-
cumque esset (& loqui videtur de facto
stante ordine vniuersi) de possibili ta-
men si crearetur, materialiter distin-
gueretur ab ista terra, & ad hanc incli-
naretur, & non nisi miraculo aliquo
substineri posset. Obijcere hæc ij pos-
sent, si per impossibile reperirentur, vt

terra ista visibilis non sufficeret, & aliā
extra vniuersum terram exoptarent, vt
ab ipsis solis sapientibus, solis incolis
possideretur, qui si ideò in S. Thomam
talem terram non concedentem, &
ipsi insurgerent, adhuc tamen ibi posi-
tos, data hac hypothese imaginaria, ad
nos pertinere rationabilius dicemus,
nedum affectu humano, sed naturali
ordine vniuersi, & inclinatione. Nam
sicut dixit Clemens primo Stromatum,
*sicut in mundo vniuerso partes omnes e-
tiam si inter se differunt, seruant eam,
quæ est cum toto coniunctionem, & conue-
niētiam,* sic illam terram cum illis ima-
ginarijs hominibus, si darentur, ad hanc
terram, & terræ incolas pertinere dice-
remus, ex coniunctione, & conuenien-
tia. Et si fingeremus imaginātes, quod
cū diuisa terra particulas aliquas Tho-
misticæ sapientiæ secum asportarent,

& ar -

& articulos multos S. Thomæ secum
ferrent, & à corpore suæ doctrinæ auel-
lerent, non secus vt recenser Clemens
I. Strom. *Bacchæ, Penthei membra discerp-
serunt, & abstulerunt*; perfectio magna
esset veritatis auulsas particulas in vnū
redigere, de tali .n. compositore dixit
Clemens (loquens de adunante verita-
tes sparsas in libris exteris cum Theo-
logia) *qui diuisas rursus cum potuerit, &
perfectum verbum vnum fecerit, scias
futurum, vt veritatem citra periculum cō-
templetur.*

Ad XVI. Respondetur ex Ferrari-
ensi dupliciter rem posse intelligi simpli-
citer, & absolute necesse esse, uno modo
ex respectu ad causam agentem primā,
rerum productiuam, & falsa est intel-
ligentia. Alio modo in sui natura con-
siderata, & tunc dicitur res necesse esse,
quæ posita in actu non habet in se un-

de

de possit non esse. Sunt .n. quædam in
quibus, uel non est materia, uel si est,
non est potentialitas, uel possibilitas ad
aliam formam, ut est materia Cæli. Ve-
rè istis opponentibus, quod refert Cle-
mens Alex. primo Strom. applicari po-
test, quod de elephante scripsit; *qui cū
in cænum ceciderit, & clamauerit, præ-
sens aliquis alius id contemplans, reuer-
titur paulo post, et secum ducit gregē Ele-
phātorum, aiunt* (subdit idem.) *Scorpiū
quoq; in Lydia, si ei non succedit, ut ho-
minem feriat, abeuntem reuerti complu-
ribus, alter autem ab altero instar catenæ
dependentes, ita moliri insidias* &c. sic cū
unus, aut alter in Doct. Sanctum in-
filire feliciter non potuerit, conglo-
meratim plures accurerūt, ut velut scor-
pij pungerent (ut uidimus per tot an-
norum centurias) sed frustra laborarūt.

Ad XVII. Non est maior S. Th. PP.

vno,uel altero, sed cū vox S.Th. sit vox
multitudinis,et eliquatus succus omni-
um SS.PP., & eorūde interpretres, non est
mirū si Doctor communis dictus sit, &
uni, quatuor facies, bouis, leonis, homi-
nis, aquilæ, typus illustriū Ecclesiæ Do-
ctorū, accomodentur, & adaptantur, eo
priuilegio, vt sicut vnūquodq; illorum
quatuor animalium planta pedis vituli
incederent, ita ad mensuram Thomi-
sticæ interpretationis incedere videan-
tur prisci DD. Et præterea Patres, quia
vox S.Tho. vt vox PP. agnita est. Vnde
merito illud elogium à Pōtifice repor-
tauit, quod sine *ullo prorsus errore* do-
ctrina S.Tho. descripta sit. Illud autem
acerbum, quod damnandam sententiā
S.D. de Cōceptione pronunciat oppo-
nens. Non dū fœtus iste iugulandus ab
Ecclesia enunciatus est, de hoc articu-
lo, vel pro alterutra parte, non hæc, vel
illa

illa determinante, sed suspendente sententiam, atq; dicente *donec articulus iste fuerit ab Apostolica Sede decifus*, & tñ voto, & desiderio interficitur adhuc foetus iste, qui est in vberibus matris, & occidi enūciatur à priuatis hominibus. Benigna lex, ait, Clemens 2. *from. prohibet. eodem die foetum, & matrem sacrificare. l. prægnantis. ff. de pœnis*. Hinc etiam Romani, si qua mulier prægnās fuerit dānata capitis, non prius permittunt vt supplicium subeat, quàm pepererit, & subdit Clemens: *Apertè*, inquit, *quæcumq; uterum gerunt animalia, ea lex non prius maculari permittit, quàm pepererint. eminus retūdens hominum ad iniuriam faciendam præsumptionem*. Ita, vel vsq; ad bruta animalia extendit benignitatem, vt cum eam in ijs, quæ sunt diuersi generis, exercuimus, longè maiori humanitate, utamur, in ijs, quæ sunt eiusdem generis,

neris. Qui autem in aliquorum animantium ventres, ante partum calces impingunt, ut contemperata lacti, carne vescantur, matricem, quæ est creata ad generationem, faciunt sepulchrum fœtus, qui gestatur in utero, cū lex aperte iubeat, sed neq; coques agnū in lacte matris suæ.] Sic matricē, quæ tot fœtus protulit, & tot miracula concepit, quot dictavit articulos, volūt facere sepulchrum fœtus, qui gestatur in utero, calcibus, dictarijs, scommati- bus eundem impetentes : imperantes, nō obediētes decretis Ecclesiæ. Vnde Poza meritō in ultimo indice suspen- sus est, ut etiam aduertimus in nostro Sacro deposito cap. 22.

Ad XVIII. cessat obiectio si opponēs patitur se erudiri à Io. xxij. qui dicit do- ctrinam S. Tho. diuinitus partam; & à Pio V. qui à Crucifixo approbatā do- ctrinā agnouit (sicut & Clemens VIII.)

in

in cuius cappella etiam indulgētias est
elargitus ijs, qui illam visitarent. Vellet
author, vt diuina fide id probaretur,
quod non est necessarium, sed satis est
si post tot testes irrefragabiles ex pru-
dentia infusa agnoscamus, id rationa-
biliter esse credendum, vt stultū sit vel-
le de eo dubitare: sed bene Empedocles
ex Clem. Alex. lib. 5. Strom. *Prauis hoc
est familiare, velle, quæ sunt vera ex eo
quod non credunt*] etiam vulgus, non
contētum fide, ait idem, *exigit probationē,*
tamquam pignus veritatis, & iterum idē
dicit *sapientiam, vel iustitiam, non ex ve-*
ritate, sed ex ijs quibus delectatur, maxi-
ma pars vulgi metitur; delectatur autem
non magis alijs quā ijs, quæ sunt sibi simi-
lia: frustra vero laborat opponens dicē-
do, esse Chrysofomo factā reuelatio-
nem, & tamen S. D., cui etiam reuela-
tio facta est habere sententias contra-
rias

rias, nō :n. dicimus has reuelationes fa-
ctas ad omnia, & singula verba, & sen-
tentias, id. n. proprium est scripturarum
canonicarum, sed ad multa difficilia, &
obscura penetranda, dicitur .n. Es. 45.
dabo tibi thesauros tenebrosos occultos, id-
est vt ponderauit Clemēs, veram occul-
torum intelligentiam. Dei autem Thesau-
ri, subdit, & quæ non deficiunt diuitie,
est, quæ est venatu difficilis sapientia . Itē
ad orthodoxem in omnibus, & per om-
nia sentiendū; cuius illustrationem me-
ruerunt dicti Sancti ex oratione, & ge-
mitibus, & magis genibus, quam hu-
mano conatu, diuinorum intelligentiā
promerentes, quæ dona inflatis non
conceduntur, dicēte tragico Poeta So-
phocle apud Clem. lib. 5. Diuina sem-
per exhibet sapientibus, prauis simplex est,
magisterq; breuis . Sic satisfit primo, &
secundo motiuo . Tertium motiuum
satis

fatis puerile est, non enim quod quædam sint euanidæ reuelationes, fides veris adimitur, nec enim verum aurum abijciendum, quia auricalchum speciẽ auri præscert. Innumeræ regulæ sunt, quibus veræ à falsis reuelationibus discernuntur, præsertim S. Vincentij, & nos in proprio de hac re tractatu propediem imprimendo, de veris, ac falsis reuelationibus agnoscendis, cuius Sancti prædictiones de Antichristo à S. Antonino explicatas, si opponens legere voluisset, modestior fuisset, nec Apostolicum virum momi dente lacerasset. Utinam esset in hominẽs eiusmodi nota aliqua, qua fictus sapiens à sophista discerneretur. & verus S. Thomæ defensor à ficto Hyperaspiste. Vnde Teognis apud Clem. 6. Strom.

*Argentum reprobum, atque aurum
falsæve monetae*

Non

*Nō egrè sapiens vir reperire queat,
Mentem autem chari num pectore fal-
lat amici*

*Callidus atq; intus corda dolor de-
tegar*

*Quæ non à superis, res est mage repro-
ba, nosse*

Inter res omnes est mage difficile.

Iam vero quod Scoto dicat Manga-
nellus factas reuelationes, fides sit pe-
nes authorem de tali Apocalypsi, hoc
scimus, quod in difficultatibus non ad
Scotum S. Franciscus suos fratres Mi-
nores transmisit, sed ad Orbis oraculū
Aquinatem; id refert Fr. Ioa. de S. Ma-
ria Ord. Discalceatorum in arte viuen-
di spiritali impressa Valentia 1620.
lib. 5. c. 8. quod quidā vocatus Fr. Lau-
therius cum in difficultatem obscuris-
simam .f. Theologiæ incidisset, cuius
solutionem reperire non poterat, &

P

sum-

summam Theologicā volūere cōtem-
neret, ad orationem se cōtulit, supplex
Deum omnipotentem, & S. Patriarchā
Franciscum implorat, vt dubietatis, &
perplexitatis illius nodos dissolueret. In
somnia apparuit S. Patriarcha cū Aui-
nate associatus, tanta claritate refulgē-
tes, vt solis lucem exuperarent: præter
solis speciem, cappa S. Doctoris rutilā-
tibus stellis effulxit: super capita quoq;
eorum Deipara locum tenebat, quæ, &
hos SS. pretiosissimis coronis cingebat:
extendit manum S. Franciscus, & oran-
tem his verbis admonebat, *crede huic ,*
quia eius doctrina nō deficiet in æternum.
Excitatur à somno religiosus , sum-
mam aperit, occurrenti dubietati pri-
mo ad legēdum locus occurrit, cum so-
lutionis antidoto , tenebræ luce S. D.
depulse, ad gratias agendas componi-
tur. Vir pius visionem publicat, & non
se-

semel in publicis prædicationibus S. D.
oraculo se instructū professus est. Idem
refert Ioa. Guafcon in commentarijs
vitæ spitalis S. Vinc. c. 10. §. 5.

Quod verò traducantur Thomistæ
ad Patres confugere, vt maxima laus
eorum est, sic maxima temeritas, quod
hoc refugium infametur. Mater, ait,
Clemens 1. pædag. c. 5. *ad se pueros ad-
ducit, & nos matrem quærimus Ecclesiã,
quod quod itaq; est imbecillum, & tenerū,
vt quod propter imbecillitatem auxilio e-
geat, gratum est, iucundum, & delecta-
bile, animosa animæ parte, ei quod est tan-
tillum auxilium ferente]* & mox subdit,
*quod Patres, & matres libenter filios suos
paruulos vident, & exemplificat de bo-
bus, qui paruos vitulos, ceruis, qui in-
nulos defendunt, & protegunt, ipsiq;
ad eos confugiunt. Quid mirum si ad
PP. reccurrimus, qui nos ab incurfibus*

hæresum tueantur? Et ibidē rur sus, ait.
*Nos autem infantes, qui ad inflationem
perflantes hæresum ventos vitantes, eisq,
non fidem habentes, qui nos aliter docent,
quam patres; tunc perfecti efficimur quan
do sumus Ecclesia capite Christo scilicet*
retento

retento. Si hæc culpa est quod patres cō-
temni dicimus, cum patres refutantur,
iam caput efferet Zvvinglius videns
confimilibus fannis, Patres eludi; sic. n.
ait in explanat. ar. 64. *mox incipis clama-
re Patres, nempe Patres sic tradiderunt,
sed ego non Patres tibi defero, non matres
sed verbum Dei requiro &c.]* Hæc im-
pius. Sed falsò Thomistas Gnosticis
pares efficit oppugnans, illi .n. se solos
sapientes, Apostolos ignorantes pleni-
tudinem prædicationis dogmatizabāt,
solo Paulo excepto, ex Ireneo lib. quin-
to. Nos sic Patres, & veteres Scolasti-

cos,

cos ita defendimus, vt posteriores mi-
nimè aspernemur: id concedimus, vt
vnicuiq; suus deferatur honor, nimirū,
vt Moderniores, & Iuniores, veteri-
bus, & classicis fasces submittant, & nō
pari passu incedant, nam ex Clem. A-
lex. 7. Strom. *cum in sola veritate, & an-
tiqua Ecclesia sit perfectissima cognitio, ij
magis de veritate participabunt, qui sunt
antiquitati proximiores, cum quibus si
posteriores conspirent, tanto magis de
veritate participabunt, vnde nolumus
apud nos solum diuitem Deum, qui
omni tempore, & de omni ordine, &
natione doctores dispensauit; omnia di-
cebat Clemens 1. Strom. à superis in bo-
num dispensantur, vt per Ecclesiam co-
gnoscat multiplex, & varia Dei sapiē-
tia; nouitates autem doctrinarum exe-
cramur, quamq; id sit etiam diuinę pro-
uidentię argumentum, vt idem dicit,*

non sinere, ut vitium, quod ex voluntaria
defectione ortum est, incōducibile maneat,
& inutile, sed nec sit omnino noxium, un-
de & sophistici, & qui sibi tamquam pro-
pria dogmata attribuerunt, vel adultera-
runt, vel alia superuacanea quadam dili-
gentia indoctè tamquam sapientes pronū-
ciarunt, alia autem etiam inuenerunt, ad
indagationem veritatis profuerunt, unde
etiam furto subrepta Philosophia, velut à
Prometheo parua ignis scintilla ad lumen
excitandum profunt, tunc .n. aliquā sub-
dit Clemens, habuit utilitatem furtum,
quod redibat ad homines, non quod is, qui
subripuit utile sibi proponeret, sed prou-
identia Dei ad utile dirigeret, audacis cæp-
ti euentum .

At quis dubitat, maiorem apud nos
debere esse authoritatem Christi Do-
mini, qui pro nobis crucifixus est : sed
scimus , quod Crucifixus ascendens in
altum

*altum dedit dona hominibus, inter quæ
illa recenset Apostolus Eph. 4. quosdam
quidem dedit Apostolos, alios Pastores, &
DD. in consumationem SS. &c. ne circum-
feramur omni vento doctrinæ; quare qui
his PP. erudiendum non se credit, tam-
quam pulvis erit, quem proijcit ventus
à facie terræ, & cum à DD., per quos
Spiritus S. loquitur deuiat, à Spiritu S.
deuiat, qui fons est doctrinæ, & omnia
continens, scientiam habens vocis. Cor-
ui sunt, qui voces imitantur humanas cū
eius rei, quam dicunt, nullam habeant noti-
tiam, ex Clem. Alex. 6. Strom. Plus de-
bet etiam esse existimatio Christi, & B.
M., quā cuiuslibet priuati doctoris exi-
stimatio in controuersijs arbitrarijs, &
liberis: existimatio autē honoris debi-
ti, desumenda est ex autoritate S. Scri-
pturæ, & Ecclesiæ; cuius est discernere,
an quod ad pietatem pertinet, rationū*

ponderare, scripturæ traditione, Patrum
consensu roboretur, atq; firmetur.. In-
constantia vero in mutanda opinione,
quæ alicui Doctori non videtur proba-
bilior non potest sapientibus Doctori-
bus obijci. Illi inconstantes dicēdi, qui
vt scripsit Clemēs p. Strom. ex Platone
*Absque mente, & scientia credunt opi-
nionibus, utpote, quod non oporteat reli-
cta recta, & sana ratione, ei credere, quæ
est falsi particeps, à veritate .n. aberrasse,
malum est. Vera autem dicere, & ea,
quæ sunt opinari, bonum.* Probabit ne
aduersarius falsitati S. Doct. adhæsisse,
cum sententiam aliquam mutauit? qui
semper id studuit, vt vera diceret, & res
opinatas prout sunt, quod valde bonū
esse scripsit Clemens. Cæterum, vt sub-
dit idem, *bonis priuantur homines, ex
triplici capite, vel quod circūueniuntur,
vel quia coacti, vel quia præstigijs decepti,*
& sub-

& subdit, quod ille circumuenitur, qui in
contrariam persuasionem traducitur, obli-
tus, quod alia quidem tempus, alia vero
ratio aufert imprudenter; cogit autem sæ-
pè dolor, & angor, & rursus contentio, &
ira, postquam suscepta fuerit opinio: po-
stremo autem præstigijs decipiuntur, qui
vel à voluptate sunt inducti, vel timore
perterriti, sunt autem mutationes omnes
voluntariæ. Atque nihil quidem eorum
unquam acceperit scientiam. In eo autē
excellens fuit S. Doct. quod duplex
illud orationis genus Peripateticorum
fecare cognouit, nempe quod opinabi-
le, & quod *ἐπιστημικόν* idest animam cō-
stituens, de quo meminit Clemens lib.
5. & in dogmatibus, non quod vulgo
dogma existimatum est pro dogmate
haberi voluit, Parmenidi Elcate, via-
rum duarum doctrinam introducenti,
subscribens, de quo apud Clem.

Vnam

*Vnam quidem veri est, benè quam ut
credere constans.*

*Possit opinio, sed nimium levis altera
vulgi,*

*Qui, non certa fides, nec inest persua-
sio vera.*

Et in hoc etiam eius modestia ma-
ximè enituit, ut nunquam opinata pro
dogmate tradiderit, Ecclesiæ iudicium
semper sequens, nunquam anteuertēs.
Quid ergo Hosij verba vsurpantur, &
ea, quæ sunt contra hæreticos dictata,
in hæresum euerforem intorquent?
quid erroribus, cum opinionibus? sed
rectè scripsit Clemens lib. 5. Nec om-
nibus, qui imprudenter, & temerè dicunt,
& scribunt, oportet aures præbere, nam ca-
lices quoq; qui à multis sumuntur per au-
res, hoc est ansas, aures quidem amittunt,
præterea autem, & ipsi excidentes confrin-
guntur, eodem modo ij quoq; qui multis
nugis,

nugis, fidei castam inestarent. Patrum, & præcipuorum Scolasticorum doctrinā [infirmant] auditionem ad veritatem iam tandem obsurdescentes, & inutiles fiunt, & in terram decidunt . Hæc documenta insculpere oportet in nostris mentibus, ne erremus.

Ad vltimum, idem S. Thom. in loc. cit. in disputatis ponit positionem Origenis, & sequacium putantium corpora cælestia esse animata, scripsit. n. Orig. t. 1. comment. in Ioannem, esse nedum stellas animatas, sed et vitij capaces, & non est veritus in c. 25. Iob. stellas appellare immundas ex peccato, ac proinde pro ijs quoq; mortuum esse Christum Dominū: c. quoq; 7. eiusdem primi lib. Periarchon ponit eadem alia proficere in virtutibus &c. Hieronymus etiam in Ecclesiastem, explicans ea verba: *Girans girando vadit spiritus,*
ait,

ait, solem vocari spiritum, quod animet,
inspiret, & vegetet. Licet Lorinus non
sit veritus dicere in Ecclesiastem c. i.v.
6.S. Thomam id imposuisse Hierony-
mo (o egregiam modestiam) & dolci-
ter submordet, quod citauerit Eccle-
siasticum pro Ecclesiaste, cum in lit-
tera posuerit Sanctus Doctor Eccles.
malè à Lorino viridi conspicio lectū.
Ibidem quoq; S. Thomas recenter op-
positam sententiam citans Damascenū
lib.2.c.6.vbi certum dogma discipline
Christianæ nūcupat. Cuius quoq; sen-
tentiae fuit Basil.hom.3.in Genes.Cy-
rill.3.cōtra Iulian,Lact.2.lib.c.5. Hie-
ron.in Esa.c.1.& 55.& in Cant.audite
cæli, & epist. 69. ad August. lib. de
duab.animabus c:4.& 2.retract.cap.7.
& p.c.5. addidit etiam S. Thomas in
disput. quod hæc positio docens esse
inanimata communior est apud modernos

Theo-

Theologos. Vnde S. Bonau. 2. d. 14. op-
positam vocauit *falsam*; & *erroneam*.
Quare satis apparet de mente S. Tho-
mæ, quod Patrum, & communio-
rem Theologorum sententiam sit secutus.
Quia vero viderat sententi-
am S. Augustini, quam ibidem refert in Enchirid.
c. 58. & 2. super Genesim c. 25. esse in-
suspensum, voluit præ reuerentia ipsum
exponere dicendo, corpora cælestia
mouere ab intellectu separato, vt for-
ma intellectiua, non vt sensitiua, vnita
corpori, non propter operationem in-
tellectualem, sed propter executionem
virtutis actiue, secundum quam potest
adipisci diuinam similitudinem in cau-
sando per motum cœli.

Vel dicendum, quod in p. p. q. 79.
ar. 3. volens etiam saluare Augustinum
dicit, quod [*corpora cælestia non sunt*
animata eo modo quo plantæ, & anima-
lia,

lia, sed equiuoce : unde inter ponentes ea
esse animata , & ponentes ea inanimata,
parua , vel nulla differentia inuenitur in
re, sed in voce tantum] ea autem doctri-
na videtur desumpta ex Aug. 2. retract.
c. 7. vbi, quæ de cælestiū corporum vita
asseruerat , per tropū intelligi posse af-
ferit, quod exponens Valentia disput.
1. par. 1. q. 3. de opere sex dierum pun-
cto 4. dicit posse vocari cælum anima-
tum, extrinsecè à forma nimirum intel-
lectiua ipsi assistente vt motore.

Vel dicendum ex Vasquez, quod S.
Thom. loc. cit. de mente Aristotelis di-
sputet, & opusculo 15. de Angelis c. 2:
id fit manifestum, quamuis idem San-
ctus cum communi Theologorū sen-
tiant, sed ne hoc effugium videatur mi-
serorum, iam habemus perspectā men-
tem S. Thomæ in p. parte , cui respon-
sioni standum est.

Circa

Circa vero qualificationem propositionis, apertè S. Thom. loc. cit. contra Gentes, dicit non pertinere ad fidem eam quæstionem. Quare insinuat non esse hæreticam affirmatiuam sententiã. Non esse apertum errorem in fide similiter astruit Claudius Espencæus in proprio tract. de cœlorum animatione, & si cū articulis Parisiens. & S. Synodo inanimata fateatur. Sed & Conimbric. in 1. de cœlo c. 1. q. 1. a. 2. dicūt: *non tamẽ huiusmodi dogma de cœlorum animatione hæresis titulo notandum censemus, propterea, quod an decretum illud à Quinta Synodo æditum fuerit, haud omnino constat.* Accedit quod ponderauit Pererius in cap. 2. Genes. q. 7. non tam damnatam esse à Synodo opinionem Origenis dicentis astra animata, quàm causam, vel rationem eiusdem positionis, quia propter peccata prius


com

cōmissa Angelos addictos ad astra ani-
manda . idem dicebat Origenes.

Placet mihi censura S. Bonauentu-
ræ, quod sit falsa, & erronea in fide,
præsertim quod in vltima impress. Cō-
cil. Generalium Romæ in tractatu Iu-
stiniani Imperat. (cuius meminit Libe-
ratus Diaconus c. 23. q̄ testatur instāte
Pelagio Apocrisiario dictatam, & à Vi-
gilio Rom. Pont. approbatā) sic dicitur:
*Præterea hoc quoq; Origenis demonstrat
amentiam, quod affirmat Cælum, & So-
lem, & Lunam, & Stellas, & aquas, quæ
super Cælos sunt, animata esse, & quas-
dam virtutes ratione vtentes.* Et iam pri-
dem ab Irenæo 1. contra hereses, &
Epiph. 2. Panarij, inter Marcosiorum
dogmata recensita sit positio de cæ-
lorum animatione . Quare, & si dixe-
rit S. Thomas, quod ista quæstio non
pertinet ad fidem, idcirco dixit, quia nō
erant

erant apertæ Cōciliorū definitione
vt nec modo constat indubitatē de ij
dem ex Conimbricensibus, vt opposi
sententia hæreseos damnata censetur
Nunquam vero alias censuras exclu
sit iuxta Theologicas regulas, & sic ni
hil solidi opponitur contra irrefra
gabilem sententiam Sancti Thomæ
*Delecter ergo Domine, vt in simili di
bat Aug. 12. confess. c. 23. cum eis in
qui veritate tua pascuntur, in latitudi
charitatis, & accedamus, simul ad ver
libri tui, doctrinæ quam voce probat
& quæramus in eis voluntatem fam
tui, cuius calamo dispensasti ea.*

F I N I S.



Imprimatur

eliox Tamburellus Vie. Gen. Neap.

Alexander Russus Canon. Deputatus.

D. Andreas Lanfranc. Cler. Reg. Dep.

VA1

1529943





164
a
22

164
a
22

